

दक्ष-यज्ञ

वा

सतीस देह त्याग ।

सर्गीय मनोमोहन वसूर

सती नाटक

अवलम्बने

गीताभिनय ।

श्रीप्रथनाथ विद्यास-संकलित ।

“काली निकेतन ।”

७४, बोडन स्ट्रीट, कलिकाता ।

१७७७ साल ।

কলিকাতা ।

২৭ হরীতকী বাগান লেন, কমাসিয়াল প্রেসে ,

শ্রীকৃষ্ণচন্দ্র আইচ দ্বারা মুদ্রিত ।

প্রকাশকের নিবেদন।

ঐহার কর্তৃ-নিঃসৃত সুমধুর “রথের গান” শুনিয়া আমরা আনন্দে উৎফুল্ল হইতাম—ঐহার সুন্দর পৌরাণিক নাটকগুলি পড়িয়া ও তাহার অভিনয় দেখিয়া বিমল আনন্দ উপভোগ করিতাম,—ঐহার “হাফ আখড়াই” গীতে এক সময়ে সমগ্র কলিকাতা মাতিয়া উঠিত—সেই স্বর্গীয় মনোমোহন বসু মহাশয় বর্তমান বঙ্গীয় নাট্য সমাজের প্রথমাবস্থায় একাধারে একজন বিখ্যাত কবি, নাট্যকার, সঙ্গীত-রচয়িতা ও সমাজ-সেবক ছিলেন। যে যুগে বাঙ্গালা দেশে এত নাট্যকার ছিল না—সঙ্গীত-রচয়িতা ছিল না, সেই যুগে জন্মগ্রহণ করিয়া, তিনি স্বীয় উজ্জ্বল প্রতিভা বলে, বঙ্গভাষা-জননীকে নাট্য-সম্পদ দানে অলঙ্কৃত করিয়াছিলেন। যে যুগে তিনি বঙ্গ-সাহিত্যের উপর প্রভাব ও আধিপত্য বিস্তার করিয়াছিলেন, সে যুগ চলিয়া গিয়াছে।

তৎকালীন বহুবাজারস্থ সম্ভ্রান্ত “বঙ্গনাট্য-সমাজের” জন্ম, তিনি “রামাভিষেক,” “সতী,” “হরিশ্চন্দ্র” প্রভৃতি পৌরাণিক এবং “প্রণয় পরীক্ষা” নামক সামাজিক নাটক রচনা করিয়াছিলেন। মনোমোহন বাবুর পৌরাণিক নাটক তিন খানি বিশেষ ভাবে প্রতিভা-গৌরব মণ্ডিত। মহা সমারোহে ও সগৌরবে ঐ সমুদয় নাটক সেই নাট্যসমাজ কর্তৃক অভিনীত হইয়াছিল। সে আজ ন্যূনাধিক অর্ধ-শতাব্দীর উপবের কথা। ঐ নাটকগুলি যখন বহুবাজারে অভিনীত হইত, তখন লোকে একেবারে উদ্ভ্রান্ত হইয়া উঠিত। বিশেষতঃ “সতী” ও “হরিশ্চন্দ্রের” অভিনয় অত্যন্ত মনোমগ্নী ও হৃদয়গ্রাহী হইত। কি সাজ সজ্জা, কি অভিনয়-পারিপাট্য, সকল দিক দিয়াই, মনোমোহন বাবুর সহায়তায় সেই প্রতিষ্ঠাপন্ন “সতী” নাটক খানি বহু দিন ব্যাপিয়া ঐ স্থানে অভিনীত হইয়াছিল। অপরাপর নাট্যমোদী-দিগের ন্যায় বর্তমান প্রকাশকও অভিনয় দর্শনে মুগ্ধ ও আনন্দিত হইয়াছিল।

“প্রণয়-পরীক্ষা” নামক তাঁহার শ্রেষ্ঠ সামাজিক নাটকখানি “রয়াল-বেঙ্গল থিয়েটারে” মহাসমারোহে বহুরাত্রি অভিনীত হইয়াছিল। তখন নাট্য সাহিত্যের ও নাট্যশিল্পের বাল্যাবস্থা। সংপ্রতি প্রায়-বিশ বৎসর হইল, নাট্যাচার্য স্বর্গীয় অমৃতলাল বসু মহাশয়ের উদ্যোগে “ষ্টার থিয়েটারে” কিছু দিন “প্রণয়-পরীক্ষার” অভিনয় হইয়াছিল।

“হাফ আখড়াই” ও “পাঁচালীর” জন্ত গীত রচনাতে তাঁহার অসাধারণ প্রত্যাশপন্নমতিত্ব ও ক্ষমতা ছিল। সেরূপ মণ-প্রাণ-মাতানো গান আর এখন শুনিতে পাওয়া যায় না।

মনোমোহন বাবু ও আমি উভয়ে এক গ্রামবাসী। ২৪ পরগণার অন্তর্গত ক্ষুদ্র ছোট জাগুলীয়া গ্রামকে তিনি একদিন প্রখ্যাত-নামা নাট্যকারের আবাস ভূমি রূপে গৌরবান্বিত করিয়া গিয়াছেন। আমি চিরদিন তাঁহার একান্ত অনুরক্ত, ভক্ত এবং তিনি আমাকে অত্যন্ত স্নেহ করিতেন। সেই অনুরাগের বশবর্তী হইয়া, তাঁহার স্মৃতি কল্পে, তাঁহার রচিত “সতী” নাটক পুনরভিনয়ার্থ সাধারণ সমক্ষে এক্ষণে উপস্থাপিত করিলাম। সেই নাটকের গৌরব সম্পূর্ণ অক্ষুণ্ণ রাখিয়া, গীতাভিনয়াকারে কোনও কোনও অংশ পরিবর্তন করিয়া প্রকাশিত হইল। তাঁহার এবং অন্যান্য কতিপয় বিখ্যাত সঙ্গীত রচয়িতার গীতগুলি, শ্রোতাদের তৃপ্তির জন্ত সন্নিবেশিত হইয়াছে। আশা করি ইহা নাট্যমোদী গীতাভিনয়ানুরাগী ভদ্র-মহোদয়গণের সম্যক আনন্দপ্রদ হইবে। মূল নাটকখানির জন্ত আমি মনোমোহন বাবুর নিকট সম্পূর্ণ ঋণী, এবং অন্যান্য ষাঁহাদের রচিত গীত ইহাতে সন্নিবেশিত হইয়াছে, তাঁহাদের নিকটও আমার আন্তরিক কৃতজ্ঞতা জ্ঞাপন করিতেছি। গীতাভিনয়ানুরাগী সঙ্গুনগণের মনস্তৃষ্টির জন্ত যথাসাধ্য চেষ্টা করিতে ক্রটি করি নাই। এক্ষণে তাঁহারা সকলে ইহাকে আদর করিয়া স্নেহের চক্ষে দেখিলেই শ্রম সফল জ্ঞান করিব।

বর্তমান গ্রন্থের প্রুফ সংশোধন প্রভৃতি বিষয়ে আমার সৌদরপ্রতিম স্নেহদর লক্ষপ্রতিষ্ঠ সাহিত্যিক শ্রীযুক্ত হরিসাধন মুখোপাধ্যায় মহাশয় আমাকে যথেষ্ট সাহায্য করিয়াছেন, তজ্জন্ত তাঁহার নিকট চিরকৃতজ্ঞ ও বাধিত রহিলাম।

“কালী-নিকেতন।”

৩৪, বীডন ষ্ট্রীট।

শুভ শ্রীপঞ্চমী, ১৩৩৬ সাল।

বিনীত

শ্রীপ্রমথনাথ বিশ্বাস।

पतिर्हि देवा नारीणां पतिर्ब्रह्मः पतिर्गतिः ।

पत्यासमा गतिर्नास्ति दैवतं वा यथा पतिः ॥



“रे सति, रे सति”, कान्दिल पशुपति,

पागल शिव प्रमथेश ।



पतिनिन्दा समं पापं नाश्रुं किञ्चन विद्यते ।

सर्वमङ्गलमङ्गल्यो द्रष्टव्यः सततं पतिः ॥

“অভিনেতা ।

পুরুষগণ ।

দক্ষ	রাজষি ।
শিব	কৈলাসনাথ ও দক্ষ-জামাতা ।
নারদ	ব্রহ্মষি ।
শাস্তিরাম	ঐ শিষ্য ।
সভাপাল	দক্ষের মন্ত্রী ।
নগরপাল	শাস্তি-রক্ষক ।
মন্দা	শিবানুচর ।

বৈষ্ণব, শৈব, দ্বারবান, নট প্রভৃতি ।

স্ত্রীগণ ।

প্রমুখী	রাজমহিষী ।
সতী	শিবপত্নী ও দক্ষ-কন্যা ।
অশ্বিনী	}	...	সতীর সহোদরা রাজকন্যাগণ
অশ্লেষা		...	
মঘা			
মনকা	মহিষীর পরিচারিকা ।
জয়া	}	...	সতীর পরিচারিকা-দ্বয় ।
বিজয়া		...	

নটী ।



সংযোগস্থল—দক্ষনগরী ও কৈলাস পর্বত ।

দক্ষ-যজ্ঞ গীতাভিনয়

বা

সতীর দেহ-ভাগ।

প্রস্তাবনা।

সভা-মণ্ডপ।

নট ও নটীর প্রবেশ।

নট। আহা! এই মহতী সভার কি অপূর্ণ শোভা হ'য়েছে। গুণী,মানী, জ্ঞানী, ভাবগ্রাহী আর রসগ্রাহী অনেকে সভাস্থ হ'য়ে এই সভামণ্ডপের অসামান্য শ্রীসম্পাদন ক'রেছেন। বিশেষতঃ—মাদৃশ ক্ষুদ্র জনের অল্পশ্রিত যৎ-সামান্য অভিনয় দর্শন জ্ঞা যে ই'হারা ধৈর্য্য ধ'রে অপেক্ষা ক'রে আছেন, এ'কি সামান্য মাহাত্ম্য? অথবা—মহতের স্বভাবই এই। যাই হোক, আর বিলম্ব করা উচিত নয়। এই গুণজ্ঞ সমাজের ষাণ্মতে তুষ্টি সাধন হয় তার চেষ্টা করা যাক। (নটীর প্রতি) প্রিয়ে! দেখ দেখি এই সভায় কত গণ্য, মান্য, মহৎ লোকের সমাগম হ'য়েছে। ই'হাদের সন্তোষের জ্ঞা আজ কোন্ কাব্য অবলম্বন ক'রে অভিনয় করা যায়, বল' দেখি।

নটী । নাথ ! তুমি আমায় উপহাস ক'চ্ছে না কি ? ভাল ব'লেছ. যা হোক ! আমি তোমায় ব'লে দেব ? আমি রসও বুঝিনি. কাব্যও বুঝিনি ! তোমার রসেই আমার বস—তোমার কাব্যেই আমার কাব্য । হাজার হোক—আমি স্ত্রীলোক । তুমি যেটা মনোনীত ক'রবে, সেই কাব্যই অভিনয় করা যাবে ।

নট । আমি বলি, তবে 'আর্জ'কোনও অসামান্য পতিব্রতীর পবিত্র চরিত্র কীর্তন করা যাক । কিন্তু তেমনটী কৈ ? মনে তো আসছে না । তুমি একটু চিন্তা ক'রে কোনও সতীর কথা মনোনীত ক'রে দাও দেখি ।

নটী । (ক্ষণিক নিস্তব্ধ থাকিয়া) হাঁ—মনে হ'য়েছে । সেই দক্ষ প্রজাপতির জগৎ-মায়া কন্যা—দিনি কৈলাসনাথের হৃদয়মণি হ'য়ে সতীত্ব প্রভায় ত্রিভুবন আলো ক'রেছেন—যাঁর মধু-মাথা মহিমার কথা ঋষিবা পর্যন্ত গান ক'রে ধন্য হন—আজ সেই সতীকুলেশ্বরী সাধবা-সতীর পবিত্র চরিত্র অভিনয় ক'রে সভাস্থ সকলের মনোরঞ্জন করা যাক ।

নট । হাঁ,—ঠিক মনোনীত ক'রেছ । প্রসূতীর কথা সতী যথার্থ সতী বটে ।

গীত ।

সেই, প্রসূতী-প্রাণ-নন্দিনী ।

দক্ষ-কুল-সরোবরে, যেন বিকচ নব নলিনী !

সতীত্ব সুরভিবাসে, প্রণয় পীযুষ রসে,

বিহবে সদা কৈলাসে, কিবা হর মধুপ-মোহিনী !

রজত ভূধর সম, শিব-তনু অনুপম,

বজতে জড়িত হেম, সতী চম্পক-বরণী ।

শিব-শিবা-লীলা-ভাব, শুধু মধুময় সব,

চাহি প্রকাশিতে আজি, সে পুণ্য-কাহিনী ॥

প্রথম অঙ্ক ।

প্রথম গর্ভাঙ্ক ।

দক্ষ নগরী—বাজপথ ।

একজন শৈব ও একজন বৈষ্ণব উপস্থিত ।

বৈষ্ণব । ভাল ভাই, রাজপুরীতে কিসের এত ধুমধাম ব'লতে পার ? আজ দুদিন ধ'রে দেখছি, কত রকম শিল্পী আর কত রকম বাবসায়ী লোকের যাতায়াত, আর রাজ-কর্মচারীরাও মহা বাস্ত—কাণ্ডটা কি ?

শৈব । আমি তো ভাই, ও সব কিছুই জানি না । ত্রিসন্ধ্যা কেবল শিবপূজা, আর সেই দেবাদিদেব মহাদেবের আলোচনায় কাল কাটাই । ও সবের কোনও সংবাদই রাখি না ।

বৈষ্ণব । (হাস্য করিয়া) তুমি যে ভাই, হাসালে ! পূজা আত্মিক কর ব'লে কি রাজ্যের শুভাশুভ আর সংসারের ভাল মন্দতে থাকতে নেই ? আমরাও কি হরিনাম করি না ? কোন্ ভদ্র লোকেই বা আত্মিক পূজা আর শাস্ত্রচর্চা না করে ? তা ব'লে এমন ভণ্ডামি কথা কে ব'লে বেড়ায় ?

শৈব । (স্কোপে) তোমরা নাকি ধর্ম-দেবী পামণ্ডের দল—তাই একটা কথার ছলে বিবাদ বাঁধাতে চাও । আমি কি ব'ল্লেম, আর তুমি কি বুঝলে !

বৈষ্ণব । কেন ? বেশ বুঝেছি । তোমার মতে—গালবাগ আর অশ্রাব্য তন্ত্রালোচনা ছাড়া, সাংসারিক লোকেব আর অন্য কাজ নেই । যে দেবতা তমোগুণের আধার, তাব উপাসকের যুগে অত সাত্ত্বিক কথা ভাল লাগে না ।

শৈব । তুমি বড় অন্ত্যজ, নিতান্ত কাণ্ডজ্ঞান-শূন্য, তাই এমন কথা ব'লছো । যিনি যোগীশ্বর—যিনি ত্রিভুগতের সকল ঐশ্বর্যের অধীশ্বর হয়েও শশানবাসী—যিনি অমৃতকে তুচ্ছ ক'বে ত্রিলোক রক্ষার জন্য কঠে বিষ দারণ ক'রেছেন—যিনি ব্রহ্মানন্দে পরিপূর্ণ আশ্রুতোম—তাঁর সেনকের ঔদাসীনা কি তোমার কাছে সম্ভব হয় ? বত বিবেক বৃদ্ধি কেবল তোমাদের সেই বৃন্দাবন-বিহারী ষোড়শ-শত গোপীবল্লভ ভোগবান শ্রীভগবান্ ঠাকুরের উপাসক দলের জন্য তোলা আছে—না ?

বৈষ্ণব । ও ব্যক্তি ক'রো না । জটাধারী, ত্রিশূলধারী আর ভস্মধারী হ'য়ে, ভেক ধ'রে শ্মশানে থাকলেই যে ভোগে বিরত বোঝায়, তা নয় । তোমাদের সেই দিগম্বর ঠাকুরটা যদি ভোগের আনন্দ না জানবেন, তবে আমাদের প্রজাপতি দক্ষরাজার ত্রিলোক-সুন্দরী কন্যাটিকে বিবাহ ক'লেন কেন ? আর তাঁর উপাসক ব'লে, তুমি যদি ভোগের ব্যাপারে এতই বিরত—তবে যেটের কোলে তোমার সাত আটটা ছেলে মেয়েই বা হ'লো কেমন ক'রে ?

শৈব । রে হতভাগ্য গোমূর্খ ! ক'য়ের আঁকাড়ি বায়ে দিলে কি হয় আজও জানিসনে, শাস্ত্র বিচার ক'রতে আসিস্ । কি কথায় কি আনে ! “ধান ভাস্তে শিবের গীত ।” রে মূর্খ ! দারপরিগ্রহ ক'লে ধর্ম-বিগ্রহ কিসে হয় বল্ দেখি !

বৈষ্ণব । (অট্টহাস্যে) হাঃ, হাঃ, হাঃ, আঁতে যা লেগেছে, সাপের ল্যাঞ্জে পা পড়েছে, তাই এত গর্জানি ! ভণ্ড শৈব হ'য়ে বৈষ্ণবের সঙ্গে বাদ ! বামন হ'য়ে চাঁদে হাত ! আরে পাষণ্ড ! দারপরিগ্রহ তো গৃহস্থের ধর্ম—তাতো আমরাও বলি । যে ব্যক্তি দারপরিগ্রহ ক'রে গৃহস্থালী করে, তার মুখে—(ভ্যাংচান স্বরে)—“সংসারের অন্য তত্ত্ব কিছুই রাখিনা”—এ ভণ্ডামি সাজে না । দূর হোক, অসাধু সঙ্গে আলাপ করাও দোষ । (নেপথ্যে দৃষ্টি করিয়া) ঐ যে সভাপাল আর নগরপাল মহাশয় এই দিকে আসছেন । দুটো ভক্ত আলাপ ক'রে বাঁচি । একটু পাশে দাঁড়াই—ওঁদের মুখে রাজবাড়ীর সকল কথাই জানতে পারবো' খন ।

সভাপাল ও নগরপালের প্রবেশ ।

নগর । ভাল মহাশয় ! রাজার আজ এরূপ নিষ্ঠুর আজ্ঞার কারণ কি ? শৈব সম্প্রদায় তো রাজার প্রাণতুল্য প্রিয় ছিল, তবে তাদের প্রতি হঠাৎ এত জাত-ক্রোধ হ'য়ে উঠলেন কিসে ? তাদের আবার বৃদ্ধ সকলকেই নগর থেকে দূর ক'বে দিতে আদেশ হ'লো—কি আশ্চর্য্য !

শৈব । মহাশয়, নমস্কার । আপনি যা বলেন, তা কখনই হ'তে পারে না । আপনার ভুল হয়েছে—রাজা নিজে শৈব, শৈবদল তাঁর দ্বিতীয় প্রাণ—বিশেষ সেই দলের ঈশ্বরকে তিনি কন্যাদান ক'রেছেন । তিনি কখনও শৈব-ঘেষী হ'তে পারেন না । বোধ হয়—বৈষ্ণব গুলোকে দূর করতে বলেছেন । আপনি এক স্তনতে আব স্তনে থাকবেন ।

বৈষ্ণব । আরে মুখ ! তাও কি কখনও হয় ? রাজার ইচ্ছিতেই যারা রাজার গৃহে অভিপ্রায় বুঝতে পারেন, এমন রাজ-কর্মচারীদের কি ভুল হ'তে পারে ? যত গোঁড়া শৈবের অত্যন্ত স্পর্ধা বেড়েছে তা কি রাজা দেখতে পাচ্ছেন না । তাদের রাজ্যে রাখলে পৃথিবী কি আর শস্য দেবে—না, মেঘ আর বর্ষণ ক'রবে ? গাছের ফল—নদীর জল পর্যাস্ত শুকিয়ে যাবে । অকাল মৃত্যুতে প্রজা সব নষ্ট হবে নানা অমঙ্গলের আশঙ্কা ! তা ভালই হ'য়েছে—এতে সকলেই সন্তুষ্ট হবে । নগরপাল মশাই ! এই ব্যক্তি একজন সর্দেনেশে শৈব—এরে দিয়েই রাজাজ্ঞা পালন আরম্ভ করুন না ।

শৈব । আরে চূপ কব' । (নগরপালের প্রতি) আমি যা ব'লেছি, তাই নয়—মহাশয় ?

নগর । তোমরা বৃথা কলহ ক'রছো কেন ? দেবতা কি ভিন্ন ? শোন—আমি তোমাদের বুদ্ধি দিয়ে দিচ্ছি ।

গীত ।

যিনি হরি তিনি হর, কেন হে ভেদ বিচার !
তিনি কালী তিনি দুর্গা, তিনি সর্ব মূলাধার ।
তিনি যে গো বিশ্বপতি, পুরুষ কভু প্রকৃতি,
স্বরূপ কে জানে তাঁর, অনন্ত মূর্তি তাঁর ;
লীলাময় লীলা কত, খেলিছেন অবিরত,
সাজি পিতা, দারা, স্ত্রী, পুত্রলি কভু মায়াব ।
সৃজন, পালন, লয়, তাঁহাবি ইচ্ছায় হয়,
মহিমা, শক্তি, দয়া ব্যাপ্ত যাব চরাচর ॥

সভা । ওহে ! তোমরা বুঝলে তো ? আর কলহ কেন ? এখন স্থির হও—আমার এক কথায় সকলেরই উত্তর হবে । আমাদের মহাবাজ ভৃগু-যজ্ঞে গিয়েছিলেন, তা'তো তোমরা সকলে জান ?

সকলে । আচ্ছা, হাঁ ।

সভা । তিনি যখন সেই যজ্ঞের সভায় উপস্থিত হন, তখন ব্রহ্মা, বিষ্ণু, মহেশ্বর, ইন্দ্র, চন্দ্র প্রভৃতি দেবগণ সেই সভায় ছিলেন । আমাদের প্রজাপতিকে দেখে, তাঁর অভ্যর্থনার জন্য সকলেই উঠে দাঁড়ালেন এবং অভিবাদন ক'লেন, কেবল ব্রহ্মা, বিষ্ণু, মহেশ্বর উঠেন নি—তাই শিবের উপর রাগ হ'য়েছে ।

শৈব । কেন ? কেন ? তিনজন উঠলেন না, এক জনের উপরেই রাগ কেন ?

সভা । আঃ ! ভাবখানা বুঝলে না ? ব্রহ্মা হলেন পিতা,—তিনি তো উঠবেনি না । বিষ্ণুর সঙ্গে বিশেষ কোনও বাধ্যবাধকতা নাই—রাগও নাই । কিন্তু শিব হ'লেন জামাতা—জামাতা হ'য়ে স্বস্তুরের মর্যাদা রাখলেন না, বিশেষতঃ ত্রিজগতের লোকের সমক্ষে । তাই জামাতার উপর বিজাতীয় রাগ হ'য়েছে । এ রাগ তত ক্ষুদ্র নয়, এবার সর্বদাহক দাবানল—এমন বোধ-শূন্য ক্রোধ কখনও দেখা যায়নি ।

শৈব । বোধ-শূন্যই বটে—নৈলে শৈবদলে ছেদ ।

সভা । শুধু তা হ'লেও বাচতেম !

সকলে । আবার কি ?

সভা । আর যা,—তা ভয়ানক ! একটা যজ্ঞস্থান হ'চ্ছে, তাতে ত্রিভুবনের সকলেরই নিমন্ত্রণ হবে—কেবল শিবের নয় ।

শৈব । (কর্ণে অঙ্গুলি দিয়া) কি সর্বনাশ !—শিব ! শিব ! শিব ।

নগর । বলেন কি ? এতদূর হ'য়েছে !

সভা । এত দূর ! বলেন—অপমানের শোধ লবো, বেটাকে ত্রিসংসারে একঘ'রে ক'রবো ।

নগর । আপনারা কেন মানা ক'লেন না ?

সভা । মানা ! আমরা সকলে কত নিষেধ ক'লেম । মহর্ষিগণ, মন্ত্রীগণ, বন্ধু-বান্ধবেরা সকলেই কত বুঝালেন, কত যুক্তি দিলেন—তথাপি দৃঢ় প্রতিজ্ঞা । তারই সূত্রপাত—এই শৈব নির্বাসনের আজ্ঞা ।

(নেপথ্যে গীত ।)

ভবে কুহক জালের বড় ভয় !

ও ভাই ! ঘাই-কাটা দাঁত আছে রে যার, তার কেবলি নয় ।

সতীর দেহ-ত্যাগ ।

ই—ই—ই—তা—না—না—আর তো ভয় করিনে ।

আমি অঁধার পথে আর যুরিনে ।

সভা । তুমি তাঁরে দাঁড়াতে বললে, তার পর ?

শাস্তি ।

দয়াল ঠাকুর দয়া ক'রে

অন্নি এলেন কাছে স'রে ।

আমি বল্লেম—মাথা খাও

কোথা যাবে ব'লে যাও ।

তিনি বল্লেন গোলোক ধামে,

দেখতে যাব', রাখাশ্যামে ।

আমি বল্লেম, হ'লো ভাল,

সেই বেটাকে এইটী ব'লো ।

ভজন পূজন সাধন বিনা,

আমার গাঁজা ভিজবে কিনা ।

শুনে ঠাকুর অবাক হ'লেন,

“তথাস্ত্ব”,—ব'লে চলে গেলেন ।

(নৃত্য ও গীত)

সা—রি—গা—মা—পা—ধা—নি, আর তো ভয় করিনে ।

যমের ধার তো আর ধারিনে ।

তিড়িক্ তিড়িক্ তিড়িক্ ।

ভবের কি ভাই হিড়িক্ !

সভা । ও ঠাকুর ! আবার গান গাও যে । ফিরে এসে নারদ ঋষি তোমাকে
কি বল্লেন ?

শাস্তি ।

ফির এসে, বল্লেন হেসে,

শান্তিরাম তুই বগল বাজা ।

গোলোকপতি বল্লেন আমায়,

গোলোকে তোর ভিজলো গাঁজা ।

নেচে উঠে, কদম ফুটে,

অন্নি ছুটে লুটলেম পার ।

ঘুচলো ধাঁধা—জ্ঞানের বাধা

আর কি তখন থাকতে পায় ।

তালটী ঠুকে, বল্লম রুকে—

“বুকে যখন জাগচে বেটা,

আমার গাঁজা না ভিজুলে, .

বেটারেঁ আর ডাকবে কেটা ?”

এই শাদা কথায়, মুনি আমায়,

তুষ্ট হ'য়ে কোলে নিলেন ।

শিষ্য ব'লে, কর্ণ মূলে,

শরির মস্ত ফুঁকে দিলেন ।

(মৃত্যু ও গীত)

সা—রে—গা—মা—পা—ধা—নি, তিড়িক্ তিড়িক্ তিড়িক্,

ঘুচলো যন্নের হিড়িক্ রে ভাই ! ঘুচলো যমের হিড়িক্ ।

নগর । কি আশ্চর্য্য ! এই এক প্রকার পাগল ।

(প্রস্থান)

সভা । ও তো নয়, আমরা বটে ! ও সার বস্তুতে বাস্তু, আমরা অপারে বাস্তু—এই প্রভেদ ! তা না হ'লেই বা দেবর্ষি ওকে শিষ্য ক'রবেন কেন ?

নগর । দেবর্ষিকে ল'য়ে,—মহারাজ নাকি বিরলে কি মন্ত্রণা ক'রছেন ?

সভা । মন্ত্রণা আর কি ! শিবহীন যজ্ঞে শিব ব্যতীত ত্রিভুবন নিমন্ত্রণ করবার ভাব দিচ্ছেন ।

শৈব । কি সর্কনাশ ! কালের কি ধর্ম্ম ! রাজার যে এমন বিপরীত বুদ্ধি হবে—স্বপ্নের অগোচর ! শুনে যে কানে হাত দিতে হয় । শিব ! শিব ! শিব !

বৈষ্ণব । নগরপাল মহাশয় ! রাজাজ্ঞা পালনে তবে আর বিলম্ব কেন ? এ'কে দিয়েই সূত্রপাত করুন না । না হয়—অনুমতি করুন, আমিই একে গলা ধাক্কা দিয়ে দূর ক'রে দি ।

সভা । তুমি তো ভারি অভব্য লোক হাঁ ।

নগর । এখন তবে অনুমতি করুন, আমি নূতন আজ্ঞাটী প্রচলনের পস্থা দেখিগে । কর্তব্যক হলে'ও কর্তব্য কাজ তো ক'রতে হবে ।

সভা । হাঁ—তা তো ক'রতেই হবে । তবে যত দূর শিষ্টাচারে পারা যায় ।

(সকলের প্রশ্নান)

দ্বিতীয় গভাঁক ।

দক্ষপুত্রী—মন্ত্রণা-গৃহ ।

দক্ষ ও নারদ আসীন ।

দক্ষ । আরে ভাই ! তুমি যা ব'লে, সব আমি জানি । কিন্তু যে গুরু লঘু মানে না, তার আবার ধর্ম কি ? সে আবার দেবতা কি ? তারে তো অসুর ব'লেই হয়, তা'বে আবার আস্থা কি ?

নারদ । তাও বটে ! আপনি হ'লেন ঋশুর—পিতৃপদ বাচ্য । “যশ্র কন্যা বিবাহিতা”—কত বড় কথা । যাব এ বোধ হ'লো না, তারে সমাজে রাখলে সমাজের অপমান বটে । তবে যে আমি নিষেধ ক'রছিলাম, তার কারণ—ভদ্রলোক মাত্রেই বিবাদ মিটাবার চেষ্টা ক'বে থাকে । কিন্তু আপনার কথা শুনে, আমার আর সে মন নাই । “শুভস্য শীঘ্রং” । (স্বগত) উঃ কি দর্প ! (প্রকাশে) আব এতে সম্মতই বা না হবে কে ?

দক্ষ । এই ভাই, এখন পথে এস ! ভেবে দেখ' দিখি—এত অপমান কার প্রাণে সহ হয় ?

গীত ।

ধৈর্য ধরি কেমনে ?

বিবাদ ঘটনা হয় ! কি লাজনা, সতীর কারণে ।

দেব-যজ্ঞ সভা স্থলে, আমি উপনীত হ'লে—

কি কারণে, বঞ্চিত সম্মানে' ॥

আরে অভাগিনী সতী ! একি হ'লো তোর দুর্গতি,

শিব যে হইল পতি, মরি যে লজ্জায় ।

শ্মশানে নিবাস যার, চিত্তা ভস্ম অলঙ্কার,

সে নিগ্রহ সহিব কেমনে ?

নারদ । অসহ্য—নিতাস্তই অসহ্য । রিপুপরবশ এই দেহ ধারণ ক'রে সকলেরই মান অপমান জ্ঞান সহজেই উদয় হয় । তাতে আপনি আবার প্রজা-পতি । আপনার তো লৌকিক পদমর্যাদা না রাখলেই নয় । (স্বগত) পদরক্ষায় চতুষ্পদ না হ'লে বাঁচি ।

দক্ষ । তা নৈলে ভাই ! সাধে কি এই শিবহীন যজ্ঞে দীক্ষিত হ'য়েছি । মহিষী আমাকে নির্দয়, স্নেহমমতা-শূন্য ব'লে তিরস্কার ক'রছেন, আর অন্নজল ত্যাগ ক'বে,—“হা সতী, যো সতী” ক'রছেন । কিন্তু আমার ভাই, দৃঢ় প্রতিজ্ঞা । তুচ্ছ কন্যাবাৎসল্যে, আর স্ত্রীবাধ্যতার অনুরোধে কি পুরুষার্থ বর্জন ক'রবো ? কখনই না—কখনই না—তা তো কখনই হবে না ।

নারদ । হাঁ ! তাও কি হয় ? আপনার মান আপনার ঠাই । রাজ-পদে অধিষ্ঠিত ব্যক্তি যদি নিজ পদ রক্ষায় যত্ন না কবে—তবে তাব সমূহ বিপদ । ক্ষমাতে কি ক্ষমতা রয় ? (স্বগত) ক্ষমতার মধ্যে মত্ততা ! তাও আর অধিক দিন নয়—কাজ এগিয়েছে ।

দক্ষ । শেষে কি ব'লে ভাই, শুনতে পেলুম না ।

নারদ । না—ঐ কথাই বলছি । আপনি ক্ষত্রিয় না হ'য়েও যখন ক্ষত্রিয়ের কন্ম ভাব পেয়েছেন, তখন তেজঃ প্রকাশ ভিন্ন ক্ষমা আপনার শ্রেয়ঃ নয় ।

দক্ষ । তবে ভাই, যাও । সেই ভণ্ড যোগী ভৃত্তে বেটাব সম্পর্ক ছাড়া, ত্রিলোকে আর সকলকে নিমন্ত্রণ ক'রে এসো গে ।

নারদ । তাঁর সম্পর্ক তো সব ঘরে—শিবপূজা না ক'রে বৈদিক ধর্মাবলম্বী কেউ যে জল গ্রহণ করে না—তার উপায় কি ? (দক্ষকে চিন্তিত দেখিয়া)—(স্বগত) এই বার দাদা ফাঁপরে প'ড়েছেন । তা নাচালেম তো ভাল ক'বেই নাচাই ! (প্রকাশ্যে) দাদা মশাই ! আর এক কন্ম ক'লে হয় না ? এখন শৈব, শক্তি, বৈষ্ণব, ভাক্ত কিছুই বেছে কাজ নেই । কৈলাস ব্যতীত আর সব স্থানে নিমন্ত্রণ করা যাক । যখন সকলে সভাস্থ হবে, তখন সকলকে ব'লে দেওয়া যাবে, যে আজ অবধি আর কেউ তমোগুণাবৃত হরপূজা করতে পারবে না । তাতে যদি কেউ অন্য মত করে, তখন তার শাস্তির উপায় ক'রবেন । এইরূপ হ'লেই হবে না ?

দক্ষ । ভাই, মন্ত্রণাতে স্বয়ং বৃহস্পতি তোমার শিষ্যত্ব স্বীকার ক'রে ধন্য

হ'তে পারেন। এই প্রস্তাবই গ্রাহ্য। সেই সমবেত সকলের সম্মুখে আমি এম্মি অদ্বুত তপঃ-প্রভাব, আর ব্রহ্মণ্যতেজ দখাব যে সকলে তটস্থ হ'য়ে, আমার মতস্থ হ'তে আর পথ পাবে না।

নারদ । তবে যে সব শৈব প্রজাকে নগর হ'তে দূব করুতে আদেশ দিয়েছেন, অন্ততঃ সেই দিন পর্য্যন্ত তাদের ক্ষমা করুন।

দক্ষ । তাই কর্তব্য। আমি এখনুই তাদের নির্কাসন কাণ্ড রহিত ক'রে দিচ্ছি। (নেপথ্যে অলঙ্কারের শব্দ) ঐ শোন ভাই, ওই কক্ষণ ব্যকার! আমার কাণে যেন ধনুষ্ঠকার বোধ হচ্ছে। রাজ্ঞী আবার আমায় জ্বালাতে আসছেন! আমি ভাই! নারীলোকের বাক্যবাণ, আব তাদের রোদন-ধ্বনিকে যত ভয় করি, ত্রিলোকের শত শত মহা বীবেব সিংহনাদকে তত ভয় করি না। তুমি ভাই, আমাকে রক্ষা কর—যা হয় ব'লে ক'য়ে শাস্ত ক'রে যাও। আমি বিবক্ত হ'য়েছি।

প্রস্থতী ও সনকার প্রবেশ।

প্রস্থতী । কিসে বিবক্ত মহাবাজ ?

দক্ষ । কিসেই বা নয়? আপাততঃ তোমার এই একলোকেশ আব মলিন বেশ দেখে।

প্রস্থতী । এর কারণ কি তুমি জান না ?

দক্ষ । জানি। কিন্তু অলঙ্কার-ত্যাগ অতি অলক্ষণ, অতি অলক্ষণ, অতি অলক্ষণ!

প্রস্থতী । আমার আবার লক্ষণালক্ষণ কি! যাদের জন্য লক্ষণ, তাদের সার বহু-
টীতে যখন লক্ষণ হ'লেম, তখন কি তোমার আব আমার জন্য লক্ষণ,
মান্তে হবে ?

দক্ষ । তা ব'লে তোমার সেই কন্যারত্নটীক জনা, আমার মান্য-বহুটী কি
চুড়ে ফেলতে হবে ?

(নারদের প্রতি দৃষ্টি)

প্রস্থতী । সে বহু কি বেবন আমারই—তোমার কি নয়? তুমি যদি গর্ভে ধ'রতে
তা হলে জানতে, “মা” হওয়ার কি জ্ঞানা ?

দক্ষ । তুমিও যদি পিতা হ'তে, তবে জানতে, অপমানিত স্বপুত্র হওয়ার কি
জ্ঞানা! (নারদের মুখপানে দৃষ্টি)

নাবদ । (স্বগত) নাবদ । নারদ ! নাবদ ! (প্রকাশ্যে) বটেই তো।

প্রসূতী । মহারাজ ! ও কথা ব'লো না ! শিব তোমার কি অপমান ক'রেছে ? উঠে দাঁড়ায় নি—এই বৈ তা নয় । জামাই আর পুত্রে কি ভিন্ন ? তা ভেবেও তো ভুলে যেতে হয় । তাই আবার বাছা আমার ভোলানাথ—ভাংটুকু ধুতরোটুকু খায় । সদাই চোখ বুজে থাকে, হয় তো সে জন্য উঠতে পারে নি । এতেই তোমার এত অপমান হ'লো ?

দক্ষ । আহা ! বাছা তোমাব কি মর্ষ্য শিশু—কিছুই জানেন না । ভূতের সঙ্গে স্বর্গ মর্ত্য রসাতল ঘুরে বেড়াবার সময় তো দিব্য পা হয়, তখন ভাং ধুতরোর নেশা থাকে না । কেবল সভার মাঝে গুরুলোকের সম্মানেব জন্ম একবার উঠতেই নেশা ছুটলো না, পা ও উঠলো না ! কি আশ্চর্য্য ! তার জন্ম আবার অমুরোধ—তাব প্রতি আবার স্নেহ ! একেই বলে—“স্বীবুদ্ধি প্রলয়ঙ্করী ।”

প্রসূতী । তুমি অতি নির্দয় ! তোমাব প্রাণ নিতান্ত পাষণ, তাই সতীর জন্ম তোমার প্রাণ কাঁদে না । তোমার অনেক মেয়ে আছে—কিন্তু বল দেখি কপে গুণে ত্রিভুবনে এমন সোণার মেয়ে কি কখন' চোখে দেখেছ ? অতি বড় শত্রু—অতি বড় রাগী—যার মুখ দেখলেই সব ভুলে যায়, তুমি তার জনক হ'য়ে, কেমন ক'রে তার উপর এত রাগ দেখাচ্ছ, তাই ভেবে আমি পাগল হ'লেম । সতীর পতিভক্তি আর কৈলাসের গৃহস্থালী দেখে ত্রিভুবনে দন্টি দন্টি হ'য়েছে । হাথ ! মহারাজ, এমন মেয়ে পেয়েও কি এক তিল দয়া মায়া হয় না ? মায়া দবে থাক, সেই মেয়েকে পরিন্যাস ! ওমা—আমি খাব কোথা ? প্রাণ আন এক নিঃশ্বাসেব জন্ম বাধতে ইচ্ছা করে না ।

দক্ষ । আঃ ! মিছে আলাতন কর কেন ? কে তোমার মেয়েকে ত্যাগ ক'বতে ব'লছ ? যারে ত্যাগ কববার, তারেই আমি ত্যাগ ক'বছি ।

প্রসূতী । মহারাজ ! তুমি কি আমায় বোকা বুঝাচ্ছে ? মেয়েকে ত্যাগ ক'রবে না, জামাইকে ত্যাগ কববে ? কি জামাই কি ভিন্ন ? তোমায় যদি কেউ অপমান করে আমি কি তার বাড়ী যেতে পারি ? তাই আমার সতী আবার তেমন মেয়ে নয়—বরং সে আপনার প্রাণ দিতে পারে, তবু তার পতির অপমান সহিতে পাবে না ।

দক্ষ । হ্যা ! কাল্কেব মেয়ে, তাই আবার এত বোধাবোধ ।

সনকা । (প্রসূতীর প্রতি) মা ! আর কেন ? তুমি কি মহারাজকে চেন না ? উনি জেনেও জানবেন না—কারও কথায় কাণ দেবেন না । চল, আমরা এখান হ'তে যাই ।

প্রসূতী । 'আর কার কাছে যাব—কোথায় যাব মা ? যার বাড়ি নেই—স্বামী । সেই স্বামী যদি মনের দুঃখ না বুঝলেন—সেই স্বামী যদি মর্শ্ব পোড়ায় পোড়ালেন তবে আর কার কাছে গিয়ে কাঁদি ? হা সতী ! কোথায় রৈলি ? হা, দুঃখিনীর ধন ! প্রসূতীর জীবন ! একবার আর মা, তোরে কোলে ক'রে তাপিত প্রাণ শীতল করি । হায় ! আমার পাগল জামাই—যতবার আন্তে পাঠাই, পাঠান না । ভাবলেম, এবার এ যজ্ঞের উৎসবে না পাঠায়ে থাকতে পারবেন না । বিধাতা সে সাধেও বাদ সাধলেন । আমি নিতান্ত অভাগিনী, তাই রাজরাণী হ'য়েও নির্দয় পতিব হাতে প'ড়ে, সাধ আহ্লাদ কিছুই ক'রতে পেলেম না ।

গীত ।

মম সাধ মনে মম, জনমে রহিয়ে গেল ।

আশার কাননে জ্বলে, নিরাশার দাবানল ॥

রাখি চির অমানিশি, অস্ত যাবে সতী শশী,

কেমনে সে দুঃখ-রাশি, স'বে দামী অবিরল ।

কি নির্ধুর নৃপমণি—তাজিলে প্রাণ ঈশানী ।

জন্মের মত অভাগিনী, আজি হ'তে বিদায় হ'লো ॥

প্রসূতী । হায় ! যে মানুষের আপনার সন্তানের উপর টান নেই—যে মানুষ কেবল “মান”, “মান” ক'রে গবেই মত্ত—বিধি সে মানুষকে এমন সন্তান নিধি কেন দিয়েছিলে ? যিনি আপনার জনকে তুষ্টে জানেন না, তিনি আবার যজ্ঞ ক'রে ত্রিভুবনের লোককে তুষ্ট ক'রবেন । যার ঘরে নিরুৎসব, তাঁর আবার উৎসব—তাঁর আবার খাগ ! মহারাজ ! আমি তোমার পায়ে ধরে মিনতি ক'রাছি, আমার সতীকে এনে দাও । নৈলে তোমার যজ্ঞ পণ্ড ক'রবো, ঘর ছেড়ে বনে যাব, আত্মহত্যা ক'রবো ।

দক্ষ । (নারদের প্রতি) ভাই নারদ ! আমি এ সব কান্না কাটনা সহিতে পারি না, আমি এখান হ'তে চ'ল্লেগ । তুমি যাহয় ব'ঝিয়ে স্থ'ঝিয়ে শান্ত ক'রে এস ।
(প্রস্থান ।)

প্রস্থতী । দেবর ! তুমি এসেছ শুনেই আমি এখানে এলেম । এ যে কি কাণ্ড কিছুই বুঝতে পারিনে । কৈ, তুমি তো কিছুই বল্লে না ।

নারদ । ও মা ! আমি বিস্তর ব'লেছি । কাণ্ড বড় ভাল নয় । উনি তো কারও কথা শুনবেন না, কি ব'লবো বল । খেঁটা ধ'রবেন, সেইটাই ক'রবেন ।

প্রস্থতী । তবে আমার সতীকে পাবার কি করি ? নারদ ! এখন উপায় কি ?

নারদ । তাই তো—বিষম সঙ্কট ! কৈলাসে যেতেই তো মানা ।

প্রস্থতী । না—তা হবে না । কৈলাসে তোমায় যেতেই হবে । আমার সতীকে আন্তেই হবে । আমার মাথার দিব্য—এ কাজ তোমায় ক'রতেই হবে ।

নারদ । আঃ রামঃ ! মাথার দিব্য কেন ? আপনি অমনি আজ্ঞা ক'রলেই যথেষ্ট । তবে কি জানেন—যদি রাগ করেন ।

প্রস্থতী । কিসের রাগ ? রাগ করেন—আপনার রাগ, আর আপনার যাগ নিয়ে আপনি থাকবেন ।

সনকা । মা ! বুঝে ব্যবস্থা কর ! শেষে যেন বিপদ ঘটে না ।

প্রস্থতী । বিপদ তো হ'য়েছেই । এর চেয়ে বিপদ আর কি হবে ? (নারদের প্রতি) যা থাকে কপালে, আমার সতীকে তোমায় এনে দিতেই হবে । ঠুর রাগের ভয় কিছু মাত্র ক'রো না ।

নারদ । না মা ! আপনি যখন অহুমতি ক'রেছেন, তখন “অন্য পরে কা কথা” ! না হয়—গোপনে গিয়ে সংবাদটাও দিয়ে আসবো !

প্রস্থতী । নারদ ! তুমি দেবর—পেটের সস্তানের তুল্য । আমায় তুমি রক্ষা কর—আশীর্বাদ করি আমার মাথার যত চুল, তোমার তত পরমায়ু হোক ।

নারদ । (হাস্য করিয়া) আয়ু তারও অধিক হ'য়েছে, তার আর কাজ নেই । আশীর্বাদ করুন—ধর্ম্মে মতি থাকুক ।

প্রস্থতী । তোমার পুণ্যফল শত গুণ বৃদ্ধি হোক । আমায় সতী-ধন ভিক্ষা দাও, তাকে এনে দাও । অধিক আর কি ব'লবো ।

নারদ । নিশ্চিন্ত থাকুন । আপনার সতী আসবেনই আসবেন । আর রোদন ক'রবেন না । আমি এখন বিদায় হই । প্রণাম ।

দ্বিতীয় অঙ্ক ।

প্রথম গর্ভাঙ্ক ।

কৈলাস পর্বত ।

মহাদেব ধ্যানস্থ ও নন্দী দূরে দণ্ডায়মান ।

নারদ ও শাস্তিরামের প্রবেশ ।

নারদ । দেখ' শাস্তিরাম ! এই কৈলাস পর্বত । এমন শাস্তরসাম্পদ রমণীয় স্থান আর পাবে না । এখানে এলে ভয়, ভক্তি, প্রেম, বিশ্বয়, উল্লাস—এই পঞ্চ ভাবের উদয় হয় ।

গীত ।

নয়ন জুড়াল হেরে, আজি এ কৈলাস ভবন ।

নাহিক এ শাস্তিরাজ্যে অশাস্তির সংঘটন ॥

হিংসা দ্বেষ পরিহরি, হরিণ মনে খেলে হরি,

নকুল ফণীকে ধরি, না করে কভু হনন !

শাস্তিময় তপোবনে, শাস্তি-রসামৃত পানে

পশু পক্ষী ছষ্টমনে, করে সদা বিচরণ ।

সুপবিত্র শাস্তিসুধা, নাশ করে ভব-ক্ষুধা,

পাপ তাপ নাহি হেথা, সব শাস্তি নিকেতন ॥

শাস্তি ।

কৈ ঠাকুর কৈ ভয় কৈ !

বাঘে ষাঁড়ে খেলছে ঐ ।

নারদ । তাতে সম্পূর্ণ নির্ভয় । সেটী বরং প্রেম ও বিশ্বয়ের বিষয় । আশু-তোষের এমনি প্রভাব, আর নন্দীর এমনি শাসন, যে সিংহ মৃগ, সর্প নকুল, গো ব্যাঘ্র সকলে স্বচ্ছন্দে একত্র খেলা করে—এর চেয়ে আর বিশ্বয় কি ? আর—হিংসকে হিংসিতে এমন সখ্যভাব, তার চেয়ে আর প্রেম ভাব কি ? ভয়ের

কারণ—কিছু পরে দেখতে পাবে। ভৈরব ভৈরবী, পিশাচ পিশাচী, তাল বেতাল ভূত প্রেতদের হাস্য কৌতুক।—তা দেখলে ইন্দ্রদেবেরও ভয় হয়, “অন্য পরে কা কথা” ।

শান্তি ।

পঞ্চ ভাবের হ'লো তিন ।

বাকি দুটী মিলিয়ে দিন ।

নারদ । ঐ দেখ শান্তিরাম ! স্বয়ং যোগীশ্বর যোগাসনে ব'সে মহাযোগ সাধন ক'রছেন । পাছে ভূতগণ ধ্যানের কোন রূপ ব্যাঘাত জন্মায়, এজন্য নন্দীকেশ্বর ত্রিশূল হস্তে বিশ্বকুঞ্জের দ্বারে দণ্ডায়মান । নিজ মুখে অঙ্গুলি দিয়ে সঙ্কেতে তাদের নিবারণ ক'রছেন । বিশাল কৈলাস পর্বত, অসংখ্য জীব জন্তুতে পরিপূর্ণ হ'য়েও কেমন নিস্তরু ভাবে রহেছে । বিশ্বনাথ ব্যাঘ্র চর্মাসনে ব'সে, অর্ধনেত্রে চেয়ে আছেন । তারা স্থির—ভ্রক্ষেপও নাই । জটাজাল সর্পবন্ধনে বদ্ধ । অক্ষমালা দ্বিগুণ ভাবে কর্ণে লম্বিত, অরু অস্থিমালার সঙ্কে কণ্ঠে বেষ্টিত—তাতে কি অলৌকিক শোভা ! প্রাণাদি বায়ুরোধ করাতে একেবারে নিষ্কম্প, নিবাত, নিষ্পন্দ দীপ শিখার ন্যায় স্থির । এ দেখেও কি তোমার ভক্তির উদয় হ'চ্ছে না ? দক্ষ প্রজাপতি যদি এখন একবার এসে এ ভাব দেখে যান, তিনিও ভক্তিরসে গ'লে যাবেন—আর তাঁর শিবহীন যজ্ঞ করবাব প্রবৃত্তি থাকবে না ।

শান্তি ।

রও ঠাকুর, রও, গণে দেখি,

ক'টা হ'লো, ক'টা বাকি ।

“ভয়” ব'লেছ ভূতের পাকে !

“ভক্তি”—ভূতের ঠাকুর দেখে ।

খাদ্য খাদক মিলে রয়,

তাইতে হ'লো “প্রেম বিষয়” ।

এক দুই তিন চার—

ব'লতে বাকি একটা আব ।

কোনটা, কোনটা ? সেইটী বটে,

যেটীতে গা উল্লেসে উঠে ।

শান্তি ।

গান শুনে গা চম্কে ওঠে,
ভাবের কদম আপনি ফোটে ।
গান শুনে গান, আসছে ঠোটে,
পাগলের জিত্ আপনি ছোটে ;

গীত ।

ঘর দেখতে কাণা তুমি, পর দেখতে খোল' অঁখি ছুটে ।
পরের দোষ আকাশ জোড়া, আপনার দোষ ছোট ।
কালী দিয়ে আপনার কুলে, অসতী কও পদ্ম-ফুলে,
মরি হাঁয় রে হায় ।

চালুনী বলেন,—ধুছনি ভাই তুই বড় ফুটে ।

নাবদ । বেশ গেয়েছ শান্তিরাম । এখন চল, এই বীণা-বস্ত্রের সঙ্গে শিবগুণ
গাইতে গাইতে, কৈলাসনাথকে দেখে ক্তার্থ হই।

শান্তি ।

তাব কাছেতে যাব যখন
ব'লে দাও কি ক'রবো তখন ।

নাবদ । গিয়ে, প্রণাম ক'বে এক পাশে, স্থির হয়ে দাঁড়াবে । কোন কথা
ক'য়ো না ।

শান্তি ।

আব যা বলুন ক'রতে পারি,
মুখ বোজার ছুখ সহিতে নাবি ।

নারদ । না—শান্তিরাম, তা হবে না । তুমি পাগল, কি ব'লতে কি ব'লবে ।
শুনে, হয় তো তিনি রাগ ক'রবেন ।

শান্তি ।

এই তো ঠাকুর, কাজের বেলা,
কথায় কাজে হয় না মেলা ।
কাল ব'লেছ' — “পঞ্চানন,
পাগল পেলে তুমি হন” ।

সেই সাহসে যাছি ককে ।

এখন খোকা—সাগাও বুকে ।

নারদ । (সহাস্যে) না শাস্তিরাম, কোনও চিন্তা নাই । যিনি ভোগানাপ,
নিজে পাগল—তিনি কি তোমার মত পাগল পেলেন কষ্ট হন ।

শাস্তি ।

কষ্ট তুষ্ট ' আর বুঝিনে—

তাপ্ ,পেরেছি লাগ ছাড়িনে ।

ঠাকুর পাগল, ভক্ত পাগল,

ভ'জবো চরণ বাজিয়ে বগল ।

ভবের ভাবে গাব' গান,

নাচবো কাছে মজিয়ে প্রাণ ।

বাজিয়ে গাল দিব তাল,

ধ'সে প'ডবে বাঘের ছাল ।

তাতেও ফিরে নাহি চান,'

জটা ধ'রে মারবো টান ।

নেপথ্যে—বীণা সংযোগে গীত ।

নারদ ।

জয় হর শশিশেখর ।

জয় যোগীশ্বর, ত্রিপুর তমুহর, সর্বগুণাকর, স্বয়ম্ভু শঙ্কর ।

ব্যাজ চন্দ্রাসন সুবেশকারী,

বৃষেশ-বাহন পিনাকধারী,

পিশাচ-মণ্ডিত শশ্মানচারী,

ভুক্তি-বিভূষিত সতীশ স্কন্দর ।

ব্যোমকেশ শিরে পাবনবারি,

কৈলাস-কানন-শৈল-বিহারী,

ভূমি আশুতোষ কলুষহারী,

ভূমি বারাগনী-সরসী ভাস্কর ।

শিব সমক্ষে নারদ ও শাস্তিরাম দণ্ডায়মান ।

স্তব ।

জয় ভবেশ ভৈরব ভবাক্ষ-বাহুব,
 ভয়ার্ত-বৈরব-ভীতি-হর ।
 জয় ভবাকি ভেলক, ভুব্যাতি পালক,
 সর্বভূতাক্ষক, ভূতেশ্বর ।
 জয় সর্ববিধারক, সর্বস্বরক্ষক,
 সর্বসংহারক, শুভধর ।
 জয় যোগী-জনার্চিত, জগজ্জনাশ্রিত,
 আশ্র-যোগাশ্রিত, যোগীশ্বর ।
 জয় জটাকুটাবৃত, জঙ্ককম্বা-ধৃত—
 পূত নীরামৃত গন্ধাধর ।
 জয় পিনাক-সায়ক ত্রিশূল-ধাবক,
 শশাক-ভালক, দিগধর ।
 জয় শ্মশান-গৌরবে পিশাচ-তাণ্ডবে
 কবন্ধ-উৎসবে মহোৎসাহী ।
 জয় শাস্তরসাম্পদ গাদ-শতচ্ছদ,
 ধ্যায়তি নাবদ—পরিজাহি ॥

শিব । (চক্ষু চাহিয়া) কেও নারদ ? এস, এস ব'সো ।

(শাস্তিরামের প্রতি দৃষ্টি ।)

নারদ । (করযোড়ে) এঁর নাম শাস্তিরাম । নিষ্ক্রিয় ভাবুক, প্রকৃত ভক্ত,
 প্রলাপী শৈব, দরিদ্র সেবক । প্রভো ! এমন সঙ্কীর্ণাভে কে না ধন্য হয় ।

শিব । তোমার বদুচ্ছা । একগে সংবাদ কি ?

নারদ । প্রভুর আশীর্বাদে একগে অমরাবতী, মৌরলোক, চন্দ্রলোক,
 গোলোক প্রভৃতি সবই শাস্তিরাম । শিবলোকের সব মঙ্গল তো ?

শিব । (হাস্য করিয়া) ভিকাজীবির আবার মঙ্গলমঙ্গল কি ?

বম্ বববম্ হুগাল বাজা ।
 গোলোকে ভিজ়েছে গাঁজা,
 কৈলাসে তোঁর ভিজ়লো গাঁজা!
 যমরাজাকে দেখা মজা !
 বাট্ পটাপট্ বগল্ বাজা !

নারদ । এই তো সঙ্গত । আশুতোষ নামের সাফল্য আর ভক্ত-বাৎসল্য
 দেখে আজ জীবন সার্থক হ'লো । প্রভো ! এখন অনুমতি হয় তো বিদায় ।

শিব । কেন নারদ, এত ত্রস্ত যে ?

নারদ । আজ্ঞে, বসুবার অবকাশ নাই ! ত্রিভুবন পর্য্যটন ক'রতে হবে !

শিব ! কি সূত্রে ?

নারদ । মহাযজ্ঞ ! (স্বগত) এঁা, কি ক'রলেম্ ! যা ব'লবোনা, তাই ব'লে
 ফেল্লাম । (প্রকাশ্যে) জানেন তো, আমার দশাই ঘুরে বেড়ানো ।

শিব । (সহাস্যে) মহা যজ্ঞ ! মহা নিমন্ত্রণ ! মহা ব্যস্ত ! কাণ্ডটা কি ? নারদ !
 তবে কি কৈলাস ত্রিভুবনের মধ্যে নয় ?

নারদ । প্রভু তো ত্রিভুবনের অতীত ।

শিব । প্রভু অতীত বটে, কৈলাসনাথ তো নয় । ঐশ্বর্য্যভাগে বটে,—
 যজ্ঞভাগে তো নই ।

নারদ । স্থলবিশেষে যজ্ঞেও অতীত হন ।

শিব । তবে অতীত নয়, “বঞ্চিত”—বল । তাও, অদ্যাপি হয় নাই । যদি
 হয় তো এই প্রথম । কিন্তু এমন স্থলই বা কোথায় ? আর এমন সাহসিক
 যাজ্ঞিকই বা সহসা কে হ'য়ে উঠলো ?

নারদ । ষার চারি পাদ পূর্ণ—যার “অহং” জ্ঞান ছরাকাজ্জায় পূর্ণ হ'য়েছে ।

শিব । তার যজ্ঞে নারদ ব্রতী ? অসম্ভব !

নারদ । দর্পহারীর নিয়োগ । প্রয়োজন—দর্প চূর্ণ ।

শিব । (সহাস্যে) ব্যক্তি কে হে ? কারণই বা কি ?

নারদ । ব্যক্তি—ভায়া ! কারণ—ভৃগু যজ্ঞ !

শিব । (গম্ভীর ভাবে) সতীর জন্যই চিন্তা ।

নারদ । (হাস্য করিয়া) সংসারী হ'লেই নিশ্চিত হবার যো নাই, তা তো পূর্বেই ব'লেছিলাম । তখন বলেন—তাতে দুঃখও আছে, সুখও আছে । এখন সুখ দেখুন ।

শিব । তা চিন্তাই বা কি ? সতী একথা না শুনলেই হ'লো ।

নারদ । ইচ্ছা পূর্বক কে আর ফণীর মুখে হাত দেয় ?

শিব ! যে বক্তা, তারেই ভয় !

নারদ । ভয় ক'লেই ভয় ।

শিব । সে কি ? তবে ভয় আছে নাকি ?

গীত ।

শুন ওহে তপোধন ! রাখ মম বৃচনে ।

সতী যেন এ বারতা, নাহি শুনে শ্রবণে ॥

শিব-হীন যজ্ঞ কথা, শুনে প্রাণে পাবে ব্যথা,

যজ্ঞ হবে সব পণ্ড, বুঝিতেছি নিজ মনে ॥

সতীর অন্তর জানি, সে মোর অভিমানিনী,

মম প্রতি অবিচার সহিবে কেমনে ?

হারাইব সতী ধনে, এ হেন হ'তেছে মনে,

বাঁচিব কেমনে বল, সে সতীর বিহনে ॥

নারদ ! (শান্তিরামের প্রতি) শান্তিরাম ! কথা কওনা যে ? দেখ', যিনি মৃত্যুঞ্জয়—তিনিও ভয় পান ।

শান্তি । ভয়, ভয়, ভয়, কারো কাছে নয় ।

ভক্তের কাছে ভয়,—পাছে রুষ্ট হয় ।

ভয়, ভয়, ভয়, আর কারোকে নয় ।

ভাবুক জনকে ভয়,—পাছে শত্রু কয় ।

ভয়, ভয়, ভয়, আর কা'রোকে নয় ।

আবদেবেকে ভয়,—পাছে কেড়ে লয় ।

(নাচিতে নাচিতে প্রস্থান ।)

নাবদ । ওহে শান্তিরাম । অপেক্ষা কর, আমিও যাই ।

শিব । বা ব'ল্লেগ, স্মরণ রেখো ।

নাবদ । মরণ না হ'লে কি স্মরণ যাবে ?

(প্রণামান্তে প্রস্থান ।)

দ্বিতীয় অঙ্ক ।

দ্বিতীয় গর্ভাঙ্ক—কৈলাস পুরী ।

সতী, জয়া, বিজয়া আসীনা ।

সতী । বিজয়া ! তুই মালী রেখে যা বাছা । ভস্মগুলি চাপ ভেঙ্গে ভাল ক'রে
পাশে, রুলি বিভূতি এক ঠাই ক'রে রাখ'গে ।

জয়া । আর সিদ্ধিগুলি ধুয়ে সেই শ্বেতকুণ্ডে ভিজিয়ে রাখিস । আমরা মালী
গেঁথে বেগপাতা বাছি ।

নেপথ্যে—গীত ।

সতী কোথা গো মা ?

হর-মনোবমা, ভীমা, নিকুপমা, কৈলাস-চন্দ্রমা, ভুবনমোহিনি !

বিরিঞ্চি কুল-নন্দিনী, বিরিঞ্চি-বন্দিনি !

পূজিতা সুরে, সদাশিব-পুরে, সদা মঙ্গলরূপিণি ! ১ ।

সুশীলা, সরলা বালা, লীলা-প্রমোদিনি !

শঙ্করী গৌরা, সতী-কুলেশ্বরী, নামেতে ধন্য ধরণী ! ২ ।

বিজয়া । নারদ ঋষি আসছে মা । বলেন তো, কখনেকাল তাঁর কথাবার্তা শুনে
যাই ।

সতী । আচ্ছা, তবে কখনেক থাক' ।

নারদ ও শান্তিরামের প্রবেশ ।

নারদ । আহা ! কৈলাসে এসে এ পাদপদ্ম না দেখে গেলে কি রক্ষা
পাকতো ? ধড়্ ফড়্ ক'বেই মরে যেতুম ।

সতী । কেন ? আস্তে বারণ করে কে ?

নারদ । পিতৃব্য ঠাকুর—আর কে ?

সতী । কেন ?

নারদ । সে অনেক কথার কথা । তা পরে ব'লছি । এখন খাবার কিছু খাকে তো, দাও মা ।

সতী । না ব'লে—বাছা পাবে না ।

নারদ । হ্যাঁ গা মা ! মার মুখে কি অমন কথা সাজে গা ? ছেলে কিছু পেতে চাইলে, মা আগে দেয় । তার পর যা বলবার তা বলে, যা শোন্বার তা শোনে ।

সতী । (বিজয়ার প্রতি) তুমি গিয়ে পাগ্লা ছেলের জন্তে কিছু ফল মূল ল'য়ে এস ।

(বিজয়ার প্রশ্নান ।)

(শান্তিরামকে লক্ষ্য করিয়া) এটা কে ?

নারদ । এটা মায়েঁর সন্তানের সন্তান !

জয়া । তোমার সন্তান ! আইবুড়োর ছেলে !

নারদ । ওরে জয়ি ! তুই কি বুঝি ? মা বুঝেছেন, আমি বুঝেছি, আব শান্তিরাম বুঝেছে । কেমন শান্তিরাম !—কথা কও না যে ?

শান্তি । রসনা ! তোর আড় ভান্নিনি ?
 গুরুর আজ্ঞা তাও শুনিস্ নি ?
 ঠাণ্ডা নেচে ফোটনা খই,
 মনের কথা আয়না কই !
 যারে ডাকিস্ সেই না অই ?
 এখন চিন্তে পারিস্ কই ?
 বলনা তোব যা বলতে আছে,
 ব'লবি গে আর কার কাছে ?
 ম'রে পাবি ভেবেছিলি,
 জীয়েন্তে আজ্ এই যে পেলি ।

সতী । (সহাস্যে) শান্তিরাম ! আজ অবধি কৈলাসধাম তোমার বিশ্রাম-স্থান
হ'লো ।

(নৃত্য করিতে করিতে)

শান্তি ।

হায় কি কপাল ! হায় কি কপাল !

বাপ্ চেয়ে মা এমন দয়াল !

বাঁপের কাছে চেয়ে পাই,

না চাইতে, মা দিলেন ঠাই ।

শান্তে পাগলা ধুক্‌ড়ি ফ্যাল,

ঘর পেলি তোর সোণার দ্যাল !

সাবাস্ শান্তে আর কি চাস্,

শস্য পেলি বিনা চাষ !

ভাবিস্ কিরে শান্তে মড়া !

সাম্নে চরণ শান্তি-ঘড়া ।

সুখা পড়ে চরণ বেয়ে ;

নেনা নেয়ে, নেনা খেয়ে ।

ধরনা জোবে শান্তি-ঘড়া,

ঘমের পথে দেনা ছড়া ।

নারদ । তবে শান্তিরাম, আমার সঙ্গে আর যাবে না ? আমার ঢেঁকির
মায়া কি ভুলে গেলে ?

শান্তি । (৩ ঘর) পাখ্‌না নেড়ে, ধুলো ঝেড়ে, লাজ্‌টী মুড়ে,
ঘম্‌কে মারি ;

(৩ সেই) প্রাণের পাখী, গুণের ঢেঁকি, আর কি তারে
ভুলতে পারি ?

(হবে) দিনের বেলা, ঢেঁকি চালা,—রেতের পালা
বলদ সেবা ।

(তুমি) সারা দিনটী, ভুবন তিনটী ঘুরে তুমি,
ঘুমটী দেবা ।

(ফিরে) এসে তখন, ঢেঁকির বাঁধন, ষাঁড়ের সেবন
গাঁজার ডলন !

(গাঁজার) দমে দমে, গমে গমে, টানের চোটে
কাঁপবে শমন ।

(কণিক পরে)

(আজ্ঞতো) যাগ্ দেখতে, বাপ্ ষরেতে মায়ের গমন,
হবে যখন,

(অম্নি) ষাঁড়ের রথে, নন্দীর সথথে, যগ্ গি দেখতে
ষাব তখন ।

(নৃত্য) ।

তিস্তাধিনা পাকা নোনা

ঘুচ্‌লোরে, তোর আনাগোনা ।

সতী । শান্তিরাম—“যাগ্ দেখতে”—কি ব'লে ?

নারদ (স্বগত) উত্তম ! (প্রকাশ্যে) মা ! পাগলের অনর্থ কথায় কি সব অর্থ
হয় ? যা মুখে আসে, তাই বলে ।

সতী । না—নারদ । অর্থ না থাকলে গোপন ক'রতে অত ব্যস্ত হ'তে না ।
আমার দক্ষিণ বাহু স্পন্দন হ'চ্ছে । আমি অবশ্যই শুনবো ।

নারদ । কি শুনবেন ।

সতী । “যাগ্ দেখতে”—কি ?

নারদ । তোমার বাপের বাড়ী যদি কালে ভদ্রে কখনও যাগ্ যজ্ঞ হয়, তবে
বৃষরথে নন্দীর সঙ্গে যেতে পারবে, শান্তিরামের এই ভাব ।

(শান্তিবামের প্রতি) না শান্তিরাম—এই না ?

শান্তি । কালে ভদ্রে কারে বলে ?

যাগ্ হবে তো কাল সকালে ।

শান্তে পাগ্লা সাজরে সাজ

মায়ের সাথে যাবি আজ ॥

(নাচিতে নাচিতে প্রস্থান ।)

সতী । কি নারদ ! আমায় বঞ্চনা ?

নারদ । (সহাস্যে) এ বন্ধনার যেন আমার বন্ধনা ঘটে না ।

সতী । যদি সে ভয় থাকতো, তবে এত দূর হ'তো না ।

নারদ । যদি সে ভয় না থাকতো, তবে এত দূর হওয়া কি—এতদূর আসাও হ'তো না । আর শান্তিরামের বাক্যের কি যন্ত্রা নৈলে বাজতো ?

সতী । নারদ ! সত্য বল, কেন এমন হলো ? আমার প্রাণ ব্যাকুল হ'য়ে উঠছে । বাবা কাল যাগ ক'রবেন, কৈলাসে লোক এলো না, জামাইকে বল্লেন না, আমায় নিয়ে গেলেন না—তুমিও এসে সে কথা তুলে না । যদি বা আভাস পেলেম, তবু খুলে ব'লছো না । হায় নারদ ! এই এক নিমেষেব মধো কত খানা মনে হ'য়ে, প্রাণে যে কি হ'চ্ছে বলতে পারছি না । যাগ যজ্ঞ দূরে থাক, কে কেমন আছে, তাও জানি না । খুলে বল', কি হয়েছে ?

নারদ । হ্যাঁগা মা ! বিদ্যাবতী, গুণবতী, স্বশীলা, সরলা, যতই কেন হ'ক্ না—অবলা হ'লেই কি লঘু বুদ্ধি যায় না ? তার সাক্ষী—সর্বগুণে ত্রিভুবনে অমুপমা হ'য়েও, তুমি মিছে বিপদ-পাতের আশঙ্কায় বিমুগ্ধ হ'য়ে উঠলে । আমি শপথ ক'রে বলছি, তোমার জনক জননী আব ভগিনীরা সকলেই স্বচ্ছন্দে আছেন, কাহারও কোনও অসুখ নাই ।

সতী । কেন নারদ,--মিছে কথার আড়ম্বরে আমাকে ভোলাও ! তাঁরা ভাল আছেন ব'লে—ভালই । সেই সঙ্গে যজ্ঞের কথাটা অমনি ব'লে না কেন !

নারদ । যজ্ঞের কথা যার মুখে শুনলেন, তার মুখেই শুভুন, আমার সে অগ্নিতে হাত দে কাজ কি ?

সতী । কিসের অগ্নি নারদ ?

নারদ । কোপাগ্নি ! নচেৎ আর কোনও অগ্নিকে কি নারদ ভয় করে ?

সতী । কোপাগ্নি ?—কার ?

নারদ । যার কোপাগ্নিতে একবার আমার বাবার মাথা উড়ে গেছে—আমি কোন ছার !

সতী । নারদ ! আমার বাপের বাড়ীতে যজ্ঞ—আহ্লাদের কথা । সে কথা আমায় ব'লে তাঁর কোপ হবে কেন ?

নারদ । তবেই তো মা, যা না বলবার তাই ব'লতে হয় । আমার হ'লো

উভয় সঙ্কট । উভয় কেন ?—ত্রিসঙ্কট । ত্রিসঙ্কটই বা বলি কেন ?—চতুঃ সঙ্কট । প্রথমতঃ ভায়া ব'ল্লেন—কৈলাসে যেয়ো না । দ্বিতীয়তঃ—প্রসূতী ব'ল্লেন, কৈলাসে যাবেই যাবে । তারপর যদিই বা এলেম, কর্তাটী ব'ল্লেন—তোমার মা যেন শোনে না, তাঁর সঙ্গে দেখাও ক'রোনা—সেই হ'লো ত্রিসঙ্কট ! যদি অমনি অমনি চলে যাই, কোনও উৎপাতই হয় না । তা কেমন ভোলা মন, ছু পা যেতে না যেতেই, ভোলানাথের অনুরোধটী ভুলে গেলুম ! গাকে দেখতে এলেম । তা এলেম এলেম. তাতেও কোন দোষ হয়নি । কিন্তু আস্তে আস্তে যজ্ঞের কথাটা যদি শান্তিরামকে না বলি, তা হ'লে আর কোনও গোল হয় না এখন করি কি ? ধরা পড়েছি,—আর পার পাবার যো নাই । যা করেন হরি !

সতী । বাছা ! আর একটা কথা ব'ল্লেই তুমি পার পাও ।

নারদ । কি কথা মা ?

সতী । কি ব'লবো, ব'লতে বাক্য সরে না । ত্রিজগতে মা বাপের মত ব্যথার ব্যথী কে ? আমার সাতাশটা সহোদরা—তায় আমি তাঁদের সবার ছোট । সবারই স্নেহের পাত্রী হবো—এইতো কথা । আমি বনবাসিনী, ভিখারিণী ভেবে তাঁরা কেউ দেখতে পারেন না, একবার মুখ তুলে চেয়েও দেখেন না । মনে জানতেম্, আমি সবার ছোট ব'লে, সব চেয়ে বাবা কৈলাসে দৃষ্টি রাখবেন । নারদ ! আমার বুক ফেটে যাচ্ছে !—সেই বাবা কি দোষে তোমায় কৈলাসে আস্তে পর্য্যন্ত মানা ক'রলেন ?

নারদ । মা ! যখন শুনে ফেল্লেন, তখন আর ব'লতে দোষ কি ? ভৃগু-যজ্ঞে এক মহতী সভা হয়, সেই সভায় পিতা পিতৃব্য প্রভৃতি ত্রিলোকের লোক উপস্থিত হন । যৎকালে প্রজাপতি দক্ষ সভাস্থ হন, তখন প্রায় সকলেই উঠে তাঁর সংবন্ধনা করেছিলেন । কিন্তু সে সময় কৈলাসনাথ ওঠেন নাই ব'লে, রাগ ক'রে এক মহাযজ্ঞের অনুষ্ঠান ক'রেছেন—তার নাম “দক্ষ-যজ্ঞ” বা “শিবহীন” যজ্ঞ । অভিমান--তার মূল,দর্প--তার কাণ্ড, মত্ততা—তার পাতা, শিবাপমান--তার ফুল । ফল যে তার কি হবে, তা আমি এখনও জানি না । অশিব যজ্ঞের অশিব ফল বৈ আর কি হ'তে পারে ? এইতো মা সব শুন্লে, এখন যা ভাল হয়—কর ।

সতী । (সরোদনে) হা—পিতঃ ! যে দাক্ষায়ণী তোমার বড় আদরের মেয়ে—

তারেই শেষে জলাঞ্জলি—একেবারে জলাঞ্জলি—বিনা দোষে অপমানের সহিত জলাঞ্জলি ! আর এ প্রাণ রেখে ফল কি ? অন্য নয়—পিতা মাতা যারে বিমুখ, তার আর বেঁচে কি সুখ ? মাগো ! যাকে চ'থের আড় ক'রতে না, বুক থেকে নামাতে না—আমি না, তোমার সেই মেয়ে ! হা বসুন্ধরে ! দ্বিধা হও ! তোমাতে প্রবেশ করি, আর নয় ।

নারদ । মা ! কাস্তু হও, কাল্প ইও । প্রসূতী দেবীর দোষ নাই, তিনি আশায় শপথ দিয়ে পাঠিয়েছেন—তোমাকে না পেলে তিনি প্রাণ রাখবেন না । তুমি স্বচ্ছন্দে মার কাছে যাও—পিতার বাবহার তোমার দেখে শুনে কাজ নাই ।

সতী । নারদরে !—প্রাণ ফেটে যায় । পিতা ত্যাগ ক'রলেন—মার কি সাধ্য ? আমি বিনা নিমন্ত্রণে যাব,—আমার শরীরে, অপমান হবে, তাও কি প্রাণে নয়, নারদ ?

গীত ।

দহে ত্রিয়ে ছুঃখিনীর, নিদারুণ বাক্যবাণে ।

পিতা যে মমতাহীন, বুঝিলাম এত দিনে ॥

বিজন বনবাসিনী, দীনা হীনা ভিখারিণী,

দাক্ষায়ণী কাল্পালিনী, তাই কি দুষী শ্রীচরণে ?

অমৃত সাগরে কেন, গরল উঠিল হেন ?

হবে যজ্ঞ শিবশীন, জানি না কভু স্বপনে ॥

নারদ । এই তো মা ! এক বোঝ, আর এটা বুঝলে না ? পিত্রালয় তো আব-
দাবের স্থান, সেখানে যেতে আবার নিমন্ত্রণ আমন্ত্রণ কি ? তোমাকে দেখলে কি
প্রজ্ঞাপতির আর সে ভাব থাকবে ? একটু লঘু স্বীকার ক'লে, যদি সব দিক
রক্ষা পায়, তবে তা কে না করে ? মা বাপের কাছে সন্তানের আবার লঘু
গুরুত্ব কি ! দূর হোক, আমার এসব কথায় কাজ কি ? কাজ নাই বাবা—আমি
সংসার ত্যাগী, বনবাসী ঋষি, সাংসারিক লোকের কথায়, আমার না থাকাই

বা—সতীর দেহ-ত্যাগ ।

৩৩

ভাল । আমার প্রস্থানই উচিত । কৈহে শান্তিরাম ! কোথায় গেলে ? (উচ্চৈঃস্বরে)
ওহে শান্তিরাম !—মা ! আমি তবে এখন বিদায় হই । প্রণাম ।

(প্রণাম করণ ।)

সতী । যাও—আমিও দেখি, কিরূপ হয় ।

নারদ । দেখবেন, আমি যেন কোনও দিকে লজ্জা না পাই ।

(উভয়ের প্রস্থান ।)

—

তৃতীয় অঙ্ক ।

প্রথম গর্ভাঙ্ক ।

কৈলাস-পূর্বত—বিল্বকুঞ্জ ।

শিব ও সতী ।

শিব । এর জনো, প্রিয়তমে! রোদন কেন ? স্বামী সোহাগের সঙ্গে পিত্রা-
লয়-সুখ পরম সৌভাগ্য—কিন্তু সকলের ভাগ্যে সমান হয় না । পিতৃপক্ষের
আদর চিরদিন সমান থাকে না—স্বামী পক্ষে ক্রটি না হ'লেই যথেষ্ট । তবে—
এত অভিমান, এত দুঃখের বিষয় কি ?

সতী । (সরোদনে) নাথ ! আমার সে পক্ষে এমন হবে, তা স্বপ্নেও জান-
তেম না । এ যে বিনা মেঘে বজ্রাঘাত ! আর সহ্য হয় না । যে পিতা গম্ভীর
কঠোর-স্বভাব রাজর্ষি হ'য়েও আমায় নিয়ে কত আমোদ, কত সোহাগ ক'রতেনু
—আমার পেয়ে ঋষিত্ব আর প্রবীণত্ব ছেড়ে, সামান্ত গৃহস্থের মত কত স্নেহ,
কত আদর, কত মধুর ভাব দেখাতেন, সেই পিতা এই ক'রলেন ?

শিব । কেন প্রিয়ে, এতো অসম্ভব নয় ! বাল্যে পিতা, যৌবনে পতি,
বার্দ্ধক্যে পুত্র—নারী জনের এই তিন অবস্থার ব্যবস্থা চিরদিনই আছে, তাই
কেন ভাব না ।

সতী । নাথ ! আমার যে বাল্যই মনে পড়ে । নিজগুণে সংসারের ভার দিয়ে
আমার গৃহিণী ক'রেছ । প্রভুর শ্রীচরণের আকর্ষণ গুণেই হোক—কি পাদপদ্ম
সেবায় অভাবনীয় সুখ জন্মায় ব'লেই হোক—জানি না, কি কারণে আমার মন
কৈলাসে এত বদ্ধ হ'য়ে আছে । নৈলে—এ বয়সে মায়ামরী মা ছেড়ে কি কেউ
এতদিন থাকতে পারে ? এত কালের মধ্যে এক দিনের জন্তেও আমার মন
এত চঞ্চল হয় নি । আজ কি জানি, প্রাণ আমার কেন এমন হ'য়ে উঠলো ?

শিব । (সহাস্যে) যাগ যজ্ঞ উৎসব দেখবার জন্য কোন্ বালিকার মন
উৎসুক হয় ?

সতী । কিন্তু প্রভু, আমি তো বালিকা নই । যাগ যজ্ঞের দিকে আমার মনে কোন কৌতুক নাই—বিষয় বিভবে কিছু মাত্র লোভ নাই । আমি এই পাদ-পদ্ম-গুণে কৈলাসের ঈশ্বরী—শিবের শিবানী, মহেশের দাসী, মহেশ্বরী হ'য়েছি । আমার আর সামান্য যাগ যজ্ঞই বা কি, আর ইন্দ্রানীর ঐশ্বর্যই বা কি—কিছুতেই মনকে আকর্ষণ ক'রতে পারেনা । কিন্তু দেব ! তবু আজ গাকে দেখনার জন্য আমার প্রাণ বড় ব্যাকুল হ'য়েছে,—বাবার সঙ্গে দেখা করতে—তাঁরে ছোটো কথা ব'লতে, প্রাণ যার পর নাই পাগল হ'য়ে উঠেছে ।

শিব । সেই বাবা !—যিনি তোমায় ছেড়ে—তোমার শিবকে ছেড়ে ত্রিলোক নিয়ে যজ্ঞ ক'রছেন ? প্রিয়ে ! অপমান আর বাহিবে নয়—ঘরেই হ'চ্ছে ।

সতী । লোকে কথায় বলে,—“জননী আর জন্মভূমি স্বর্গের চেয়েও বড়” । তোমার শ্রীমুখেই কতবার শুনেছি—বসুমতীর চেয়ে কেবল মা গুরু, আর গগনের চেয়ে কেবল পিতাই বড় । আমার শিবের মুখেই তো শুনেছি, যে অবলা পিতামাতার মর্ম জানেনা, তাঁদের মর্যাদা রাখেনা—তাঁদের সেবা ভক্তি করে না—সে নারী পতির মর্মও জানেনা—পতির মানও রাখে না—পতির প্রিয়কারিণীও হয় না । যেমন মা বাপ হ'উন, মা বাপের কাছে যেতে লজ্জা কি ? মান-হানিই বা কি ? আমাব প্রাণ নিতান্তই কাতর হ'য়েছে, তাই এত ব'লছি,—নৈলে আমার শিবের সন্মুখে এত কথা কি কখনও ক'হেছি ?

শিব । প্রিয়তমে ! তোমার একটা কথাও অযৌক্তিক নয় । কিন্তু সতি ! বিনাহ্রানে কোথাও যেতে নাই ।

সতী । এ কথা কি আমার শিবের মুখে শোভা পায় ? অন্য কারও সঙ্গে কি মা বাপের তুলনা ? যাদের হ'তে পৃথিবী দেখা—যাদের অসাধ্য সাধনায় মাতৃষ হওয়া—যাদের সমান স্থখের স্থখী, দুঃখের দুঃখী আর নাই—তাঁরা যদিও সন্তানকে ভুলে যান, তবু তাঁদের ঋণ কি সন্তানের ভুলে যাওয়া উচিত ? যদি তাঁরা বুঝতে না পেরে, অকারণে অভিমান-ভরে অপমানই করেন, তাঁদের ভুল বুঝিয়ে দেবার চেষ্টা পাওয়া কি সন্তানের উচিত নয় ? তাই নাথ ! আমি তাই ভেবেই যাচ্ছি । বাবা কি আমাদের প্রতি স্নেহ হারিয়েছেন ? কখনই না ! তুমি তাঁরে অপমান ক'রেছ, তিনি তাই ভেবেই এই অপমান ক'রতে ব'সেছেন ।

শিব । সতি ! তুমি গেলে সে অপমান পূর্ণ হবে,—না গেলে বরং অপূর্ণ থাকবে । তুমি কি সেই অপূর্ণ অপমানকে পূর্ণ করতে যাবে ?

সতী । হা নাথ ! তুমি সৰ্বজ্ঞানী হ'য়েও অবলা জনের মনের ভাব বুঝতে পারলে না, সে কেবল অভাগিনীর অদৃষ্ট ! (রোদন ।) হায় ! আমি কোথায় যাব ? সে দিকে জন্মদাতা—পিতা, এ দিকে যার বাড়া নেই—পতি ! তিনি ভাবলেন তাঁর অপমান, ইনি ভাবলেন এঁর অপমান—তিনি ক'রলেন রোষ, এঁর দেখছি, ঘোর অসন্তোষ ! তিনি ভাবছেন তাঁর মান বাড়াবেন—এঁর অপমান ক'রেন । কিন্তু আমি দিবা চক্ষে দেখতে পাচ্ছি, তিনি মান হারাবেন ! এ অভাগিনীর দুই দিকেই বিষম !

শিব । সতী ! কাস্ত হও ।

সতী । না—কাস্ত হব না । কাস্ত হব কিসে ? এখন যে সেই জন্মতরুরই সৰ্বনাশ দেখছি, তিনি কি পর ? তিনি আর কেউ নন—তিনি যে আমার পিতা—সে জন্ম তোমারও পিতা । (পিতৃ উদ্দেশে) হা পিতঃ, কি করলে ? কেন এমন অবস্থা হ'লে ? তুমি সৰ্বশাস্ত্রজ্ঞ হ'য়ে অভাগিনীর ভাগ্যদোষে ভ্রাস্ত হ'লে ?

শিব । সত্যই তোমার পিতার ঘোর ভ্রাস্তি জ'ন্মেছে দেখছি । ঘোর বিপদ উপস্থিত ।

সতী । তবে নাথ । পিতার এই ঘোর বিপদ জানতে পেরে কি চুপ ক'রে থাকা যায় ? কল্যা হ'য়ে এও কি কর্তব্য হয় ? একবার কি তাঁরে বুঝিয়ে আসাও আমার উচিত নয় ? যদি একটু খাটো হ'য়ে, আমার পিতার আসন্ন বিপদ কাটিয়ে আসতে পারি, তাতে আমার জ্ঞানী শিবের বাধা দেওয়া কি ভাল দেখায় ? আমাকে যেতে অনুমতি দাও ।

গীত ।

যাই যজ্ঞ দেখিবারে জনক ভবনে ।

অনুমতি দেহ পতি, মিনতি চরণে ॥

ভয়ীগণ যজ্ঞ আশে, গেছে সব সে আবাসে,

এখন আমি কৈলাসে, থাকি গো কেমনে ?

বিবাহের দিন থেকে, দেখি নাই আর মাকে,
নিবেদি তাই তোমাকে, এত কাতর প্রাণে ।

তাই নাথ বারে বারে, করি অনুরোধ,
দিনেক তরে, আদেশ' আমারে—
যাইতে পিতার সদনে ॥

শিব । (সবিষাদে) সতি । তুমি সর্বগুণে গুণবতী, কিন্তু পিতৃস্নেহে মুগ্ধা হ'য়ে, যা না হবার তার জন্য তুমি প্রয়াস পাচ্ছে। যদি হবার হ'তো, আমি কদাচ বাধা দিতাম না । দক্ষরাজ কারও কথা শোনবার লোক নন । তিনি তোমার কথা শুনবেন না । লাভে হ'তে তোমার অনিমন্ত্রণে গমন, আর এই বসন ভূষণ দেখে তিনি আরও অশান্ত হবেন । আর—লোকে ব'লবে, ভিখারিণী কখনও কিছু দেখতে শুনতে, খেতে পরতে পায় না, তাই অপমানিত হ'য়ে ও যজ্ঞের গোভ সঞ্চরণ করতে পারে না—অনিমন্ত্রণেও এসেছে ! তাই শুনে তুমি কাঁদতে কাঁদতে কৈলাসে আসবে, দেখে আমার বুক ফেটে যাবে ।

সতী । না নাথ ! আমি তোমার পাদপদ্ম ছুঁয়ে শপথ ক'রে ব'লছি, যদি পিতা আমার বিনয় বাক্য না শোনেন—যদি আমার শিবের কোন অমর্যাদার কথা ক'ন, তবে আমি এক তিলও অপেক্ষা ক'রবো না—কিছুই আহাৰ ক'রবো না, আর তাঁর গৃহে যাব না—আর তাঁরে পিতা ব'লে ডাকবো না ।

শিব । হা পিতৃবৎসলে ! তোমার এই অনর্থক পিতৃবাৎসল্যের ঔষধ নাই । এই পিতৃস্নেহের ফল যে আমার সুখনাশক গরল হবে, সেইটাই নিশ্চিত—আর সব অনিশ্চিত । (দীর্ঘনিশ্বাস ত্যাগ)

সতী । জগতের শিব হ'য়ে, কেন নাথ ! অশিব কল্পনা ক'রছো ?

শিব । সতী ! সাধে কি অশিব কল্পনা ক'রছি ? আমার নিজ মুখে বলা নয় । ভেবে দেখ'না কেন, যে যজ্ঞে শিব নাই, তাতে অশিব বৈ কি শিব হ'তে পারে ?

সতী । যজ্ঞটি শিবহীন না হ'য়ে, যাতে শিবময় হন সেই জন্তেই তো যাওয়া ।

শিব । দেখছি তোমার সেই পিতৃবাৎসল্যগুণে—গুণই বা বলি কেন—সেই দোষেই তোমার পতির সর্বনাশ হবে । হা দাক্ষায়ণি ! তুমি যে শিবের সর্বস্বধন—তা কি তুমি জান না ? বহু তপ, বহু সাধনায় যে হৃদয় রত্ন-লাভ ক'রেছি, এত দিনে সেই ধনে বৃদ্ধি বা বঞ্চিত হই ! হায় সতি ! ত্রিজগতে তোমার শিবের আর কেউ নাই—ন মাতা, ন পিতা, ন ভ্রাতা, ন বাক্ষবাঃ । তুমিই আমার অঙ্ক-কারের এক মাত্র চন্দ্রিকা—আমার হৃদয়ানন্দ । হা সতি ! যে পতি অনন্যগতি—সে পতি তিলান্ন বিচ্ছেদে ত্রিলোক শূন্য দেখে, সে তোমা বিহনে কি রূপে প্রাণ ধারণ ক'রবে, তাও একবার ভাবলে না ?

সতী । নাথ ! যা যা ব'লে, আমি সব জানি, সব বুঝি । কিন্তু নিতান্ত কর্তব্য বোধ না হ'লে আমি কখনই যেতে চাইতাম না । আমি তোমার চরণে ধরি—এতে আমায় বাধা দিও না ।

শিব । প্রিয়তমে ! আমি তোমায় কিছুতেই বাধা দিই না । কেবল এতে না দিয়ে থাকতে পারছি না । আমার সহিষ্ণুতা কত—তা তুমি সব জান । সকল দেবতা অপূর্ণ ভূষণ বাহনে শ্রীমান্—আমি সকলের পরিত্যক্ত বাহন ভূষণে তুষ্ট । সকলের পানীয় অমৃত—আমার বিষ । সকলের বহুতে—আমার অল্পেই তোষ—তাই নাম আশুতোষ । আমার অশুভ নাই—তাই নাম শিব । হায় ! আমি কোনও মতেই মনকে প্রবোধ দিতে পারছি না । আজ চিত্ত বড় চঞ্চল হ'চ্ছে—যেন হারাই, হারাই জ্ঞান হ'চ্ছে । সতি ! ভিক্ষা দাও—ক্ষান্ত হও—পাগলকে আর পাগল ক'রো না ।

গীত ।

ষেওনা যেওনা সতি ! বারে বারে করি মানা,
ভাবনা-সাগরে শিবে ! তব শিবে ভাসাইওনা ।

পাঠাইতে দক্ষালয়ে, নাহি লয় এ হৃদয়ে,
ভয়ে যে কাঁপিছে অঙ্গ, অমঙ্গলের এ সূচনা ॥

সতীমস্ত্রে ব্রহ্মচারী, সতী-রূপ ভুলিতে নারি,
সতী ধ্যান, সতী জ্ঞান, সতী যে পরম সাধনা ॥

কি শ্মশানে, কি বিপিনে, কি শয়নে, কি স্বপনে,
সতী-গত প্রাণ শিব, সতী বিনে বাঁচিবে না ॥

সতী । এই একবার মাত্র আজ আমাকে যেতে দাও । নাথ ! আমি তোমার
পাদ-পদ্ম স্পর্শ ক'রে প্রতিজ্ঞা ক'রছি, যদি পিতৃভাষের পরিবর্তন ক'রতে না পারি,
তবে এম্মি ভাবে কৈলাসে আসবো—যাতে আর বিচ্ছেদ না হয় । সেই মিলনের
পর আর মা বাপের নাম মুখে আনবো না । দাক্ষায়ণী নাম আর ধ'রবো না ।

শিব ! (দীর্ঘ নিশ্বাস সহিত) তুমি ইচ্ছাময়ী—তোমার ইচ্ছা তুমিই জান—
তুমি মহামায়া—তোমার মায়া তুমিই বুঝতে পার । তোমার যে রূপ ইচ্ছা—
তাই কর । আর নিষেধ করবো না, গৃহেও আর রব না । দেখো যেন পাগলকে
ভুলো না । নারায়ণ তোমার মঙ্গল করুন । (নেপথ্যাভিমুখে) নন্দি ! রথ প্রস্তুত
কর । দক্ষালয়ে যাও—সাবধান, সাবধান—সাবধান ।

গীত ।

চিনেছি তোমারে সতি ! তুমি ব্রহ্ম সনাতনী ।
সৃষ্টি স্থিতি মূলধার, তুমি প্রলয়কারিণী ॥
ছলনা ক'রোনা আর, অতি ভীত ভোলা তোমার,
ঘুচিয়াছে মোহ-ঘোর, কৃপা কর ত্রিনয়ণী ।
আর না করিব মানা, যাও যজ্ঞে ত্রিনয়না,
শীঘ্র এস, ভুলিও না ভিখারী-ঘরণী !
শব' শিব এ কৈলাসে, শূন্য প্রাণে হতাস্বাসে,
রহিব আসার আশে, শুন ওগো দাক্ষায়ণী !

দ্বিতীয় গর্ভাঙ্ক ।

কৈলাস পর্বত—সতীর গৃহ ।

সতী আসীনা ।

সতী । তা আর হ'য়েছে ! শকর যা ব'লেন তাই ঘটবে—পিতা কখনই

সম্মত হবেন না। তবে কি যাব? দূরে আছি বরং ভাল। নিকটে গেলে
 যদি আরও উত্তেজিত হন—তবে তো সহ্য হবে না। (কণিক স্তব্ধ থাকিয়া)
 তা ব'লে নিশ্চিতই বা থাকি কেমন ক'বে। আমাকে দেখলে যদি ভাবান্তর
 হয়! সেই মনে ক'রেই যাওয়া।—দূর হ'তেই বা বিপদকে এত বড় ভাবি
 কেন? কাছে গিয়েই কেন দেখি না। মনোরথ পূর্ণ হ'তেও পারে। কিন্তু
 যদি না হয়—তবে তো সর্ধ না—প্রাণও রবে না। সব দুঃখ সহিতে পারি—
 আমার শিবের অপমান সত্য হবে না।

গীত ।

তাঁই ভাবি গো মনে, বিনা নিগম্মণে,
 কেমন ক'রে সে যজ্ঞে যাই বল না।

ভগ্নীরা সব যাবে, সমাদর পাবে,
 আমি গেলে পিতা কথাও ক'বেন না।

একে নারী আমি, ভিখারীর ঘরণী,
 বিধাতা ক'রেছেন জনম দুঃখিনী।

“ শিব অপমানে, হব' অপমানী,
 শিব-নিন্দা আশ্রয় প্রাণে সবে না।

— সত্য । — ১৫৪ । — ১৬৪ । — ১৭৪ । — ১৮৪ । — ১৯৪ । — ২০৪ । — ২১৪ । — ২২৪ । — ২৩৪ । — ২৪৪ । — ২৫৪ । — ২৬৪ । — ২৭৪ । — ২৮৪ । — ২৯৪ । — ৩০৪ । — ৩১৪ । — ৩২৪ । — ৩৩৪ । — ৩৪৪ । — ৩৫৪ । — ৩৬৪ । — ৩৭৪ । — ৩৮৪ । — ৩৯৪ । — ৪০৪ । — ৪১৪ । — ৪২৪ । — ৪৩৪ । — ৪৪৪ । — ৪৫৪ । — ৪৬৪ । — ৪৭৪ । — ৪৮৪ । — ৪৯৪ । — ৫০৪ । — ৫১৪ । — ৫২৪ । — ৫৩৪ । — ৫৪৪ । — ৫৫৪ । — ৫৬৪ । — ৫৭৪ । — ৫৮৪ । — ৫৯৪ । — ৬০৪ । — ৬১৪ । — ৬২৪ । — ৬৩৪ । — ৬৪৪ । — ৬৫৪ । — ৬৬৪ । — ৬৭৪ । — ৬৮৪ । — ৬৯৪ । — ৭০৪ । — ৭১৪ । — ৭২৪ । — ৭৩৪ । — ৭৪৪ । — ৭৫৪ । — ৭৬৪ । — ৭৭৪ । — ৭৮৪ । — ৭৯৪ । — ৮০৪ । — ৮১৪ । — ৮২৪ । — ৮৩৪ । — ৮৪৪ । — ৮৫৪ । — ৮৬৪ । — ৮৭৪ । — ৮৮৪ । — ৮৯৪ । — ৯০৪ । — ৯১৪ । — ৯২৪ । — ৯৩৪ । — ৯৪৪ । — ৯৫৪ । — ৯৬৪ । — ৯৭৪ । — ৯৮৪ । — ৯৯৪ । — ১০০৪ ।

বিজয়ার প্রবেশ ।

বিজয়া । মা । পবন এসেছে ।

মতী । কেন বাছা! পবন কি জন্তে এলেন?

বিজয়া । আপনি বাপের বাড়ী যাবেন শুনে, পবন ধীরে ধীরে আপনাব
 সঙ্গে যেতে চায়। বিধাতার নিয়মে, বাতাস বন্ধ বা বড় হ'তে পারে।
 কিন্তু যেখানে, কখনোই গেলে সে সন্দেহ বন্ধ বহিতে পারে।

সতী । না বাছা ! যে রূপ স্বাভাবিক নিয়ম আছে, তাই থাক্ । আমার
অল্প অন্তরূপ করবার আবশ্যক মেই । বরং তাকে ব'লে দাও গে—যখন
প্রয়োজন হবে, তখন স্বরণমাজেই যেন আমার ভিতরের বায়ু রোধ ক'রে
দেয় ।

বিজয়া ! মা ! ও কি কথা ?

সতী । যা ব'লেম, তুমি তাই ব'লে দাও গে বাছা ।

(বিজয়ার প্রস্থান)

সতী । পিত্রালয়ে যাব' শুনে সকলেরই আহ্লাদ । কিন্তু আমি যে কি
ভাবে যাচ্ছি—তা তো এরা জানেনা ।

নন্দীর প্রবেশ ।

নন্দী । (করজোড়ে) মা ! কুবের এসেছেন ।

সতী । কেন ব'স ?

নন্দী ।—আপনি দক্ষালয়ে যাবেন, সেখানে ত্রিভুবনের সমারোহ ! এ বেশে
যাওয়া কেমন দেখাবে ? তাই তিনি বসন ভূষণ এনে দাঁড়িয়ে আছেন, অচ্-
মতি হ'লেই এসে সাজিয়ে দেন ।

সতী । যাও ব'স ! কুবেরকে আমার আশীর্বাদ দিয়ে বল'গে, আমার
সে সব কিছুই প্রয়োজন নেই ।

গীত ।

কুবের । ভূষণে কি কাজ রে আমার ?
পরম যোগী, সর্বত্যাগী—পতি গো বাহার ।

কিঃ আমার বিশ্বনাথ, ভয় মাখেন গায় ।

স্বাক্ষর প্রয়োজন, কি আছে রে তার ?

বাই বলে, সতীর পতি, কেণা মহেশ্বর ;

পানে স্মরণ করে, হ'লে বিশ্বধর ।

নন্দী। এই কথা নিয়ে তাঁর সঙ্গে বিস্তর তর্ক ক'রেছি—তিনি কিছুতেই শোনেন না।

সতী। কি কথার জন্য তর্ক ক'রেছ, নন্দি!

নন্দী। আমি তাঁর ব'লেম, মার পাদপদ্মে চন্দন-মাখা জ্বাকুলের অর্ঘ্য দিয়ে সাজালে বত শোভা হয়, সুহৃৎ কুবেরের ভাঙার ভেঙ্গে, লক্ষ লক্ষ মণি মুক্তাতেও তেমন শোভা পায় না। কুবের, তুমি বুথা বত্ব ক'রো না। মায়ের আমার ও সব কিছুই দরকার নেই—মাব আবার অলঙ্কার কি?

গীত।

মণি মুক্তা মায়েব গলে, সাজবে নাকো ভাল'।

উজল বরণ মায়েব যে গো, জগত করে আলো ॥

কি হবে তার হীরা মুক্তায়, কোটা শশী ধার পায়ে লুটায় ?

রাজ্য জ্বায় রাজ্য পাষের, শোভা হবে ভাল'।

সাজবে গলে ফুলের মালা,

হাতে সাজবে ফুলের বালা,

ফুলেব মুকুট সাজবে শিরে, (দেখে) ঘুচবে মনের কালো ॥

আমার মনে হয় মাব অঙ্গে অলঙ্কার দিলে, যেন আর আমাদের মা থাকবেন না। যেন কুবেরের মা—যেন আব ক'রো মার মত হ'য়ে উঠবেন। তাই মা, তাঁর সঙ্গে বিবাদ ক'চ্ছিলেম।

সতী। "না নন্দি! আর কারো মা হ'তে চাহি না—যাতে তোমাদের মা থাকতে পারি, তাই কর'গে।

নন্দী। মা!—আজ "মা" ব'লে, আরো প্রাণ জুড়ু'লো।

(প্রণাম ও প্রস্থান।)

সতী। হা পিতঃ! আমার এত স্বথ, এত আনন্দ, সব নিরানন্দ ক'রে দিলে! হা মিত্র বিধি! এ স্বথ কি তোর চক্ষে দৈন্য না?

জয়া ও বিজয়ার দ্রুত প্রবেশ ।

জয়া । মা ! মাসীমারা আসছেন ।

সতী । জয়া ! তুমি যাও—তাদের এগিয়ে আন' গে । বিজয়া ! তুমি সেই পাতার আসন গুলি এনে বিছিয়ে পেতে দাও ।

.. (জয়া ও বিজয়ার প্রস্থান)

সতী । এঁরাও কি আমার ব্যথার ব্যথী হবেন না ? যে বাতাস দাবানলের সহায়, সেই বাতাসই প্রদীপ নিবায় । সৌভাগ্যের সময় যারা সপক্ষ,—ছূর্তাগো তারাই বিপক্ষ । দেখি কিসে কি হয় !

জয়া সহ অশ্বিনী, অশ্লেষা ও মঘার প্রবেশ ।

মঘা । (অশ্লেষাব প্রতি) ও দিদি ! একি আমাদের সেই সতী ?

(সতীর সকলকে প্রণাম ও রোদন ।)

অশ্বিনী । কেন সতি ! কাঁদিস কেন ? যেমন তপস্যা আমাদের, তেমনি ঘরে পড়েচিস্ ? সকলের কি বড় ঘরে বে হয় ? চুপ কর ।

মঘা । কত দিনের পরে দেখা হ'ল, কোথার হাসুবি, দুটো কথা ক'বি—না কাম্বা ! —এই এক ধ্যান আর কি !

জয়া । মা কি সেই জন্তে কাঁদছেন যে, তোমরা অমন কথা ব'লে আরও কাঁদাচ্ছে ।

অশ্লেষা । তবে আবার কি ? শিব তো ভাল আছে ?

জয়া । বালাই । তিনি ভাল থাকবেন না কেন ।

অশ্বিনী । ও সতি ! তবে কিসের জন্তে এত কাঁদছিস্ বলনা ।

মঘা । হ্যাঁলা জয়া । এর মধ্যে ছেলে পিলে হ'য়ে তো যার নি ?

জয়া । অভাগিয়া ! ওমা, সে আবার কি কথা ?

মঘা । তবে—আর কি ছাই । আর কার কথাই বা জিজ্ঞেস্ ক'রবোঁ ? ভূত পেছী গুলো ত সব ভাল আছে ? (হাস্য)

অশ্লেষা । (হাস্য করিয়া) হয়তো বুড়ো বলদটাই বা ম'রে গেছে ।

অশ্বিনী । তাদের ও সব কি করার স্ত্রী ? সতী না ছোট বোন ?

কি ছুখে কাঁদছে তা আনলিনে, উন্টে ঠাট্টা। (সতীর প্রতি) সতি! আমার মাথা খা, আর কাঁদিসনে। চূপ কর, কি হয়েছে বল, সব খুলে বল।

সতী। দিদি! আর আমার সঙ্গে তোমাদের সম্পর্ক নেই। কেন' তোমরা এ অভাগিনীর কাছে এসে নিবস্ত আগুন জলস্ত ক'রছো?

মম্বা। (অশ্লেষার প্রতি) মম্বামি তখনই বড়দিদিকে বারণ করেছিলেম, এখানে এসে কাজ নেই—ধগ্গি টগ্গি সব ঘুরে গেল—হাবাতে ঘরের কারখানাই হাবাতে।

অশ্লেষা। (মম্বার প্রতি) তুই চূপ কর।

অশ্বিনী। (সতীর প্রতি) ছি! এমন কথা কেন? তুই আমাদের সকলের ছোট—সব চেয়ে আদরের পাণ্ডী। অবস্থারিক বোন, সকলের সমান হয়? তবু তো তুমি একা ঘরের একা গিন্নী—ভাগাভাগি রাগারাগি নেই। ছুখ করো কেন? সম্পর্কই বা উঠবে কেন?

মম্বা। দিদি! তাও বলি—এর চেয়ে ভাগাভাগি ভাল। যার আছে, তার শত ভাগাভাগিতেও থাকে। তার সাকী—আমাদের ঘর মনে কর, আর এই ঘর দেখ'।

অশ্লেষা। তুই কি চূপ ক'রে থাকতে পারিসনে? তোর সঙ্গে কোনও খানে যাওয়াই দোষ!

মম্বা। তোমার সঙ্গেও তো পাজিতে নিষেধ।

অশ্বিনী। তোরা কি এখানে, কাঁদল করুতে এলি। কোথায় সতীর ছুখে ছুখ ক'রবি—তা নয়, আপন আপন গরবেই মত্ত।

মম্বা। গরব আবার কিসে দেখলে?

অশ্বিনী। ওলো। তোদের দোষ নেই—তোদের সঙ্গে যাত্রার দোষ। (সতীর প্রতি) কিসে আমরা সম্পর্ক উঠালেম, বুঝতে পারলেম না। উঠালেম তো এলেম কেন?

সতী। দিদি! তোমরা উঠাও নি। বাবা—

(রোদন।)

অশ্বিনী। কেন? বাবা কি তোমার নিতে পাঠান নি?

সতী ! নিতে পাঠান দূরে থাক, একবার ব'লেও পাঠান নি ।

মঘা । এমন হবে না । লোক এসে হয় তো ফিরে গেছে ! এখানে যে ছুত প্রেতের ভয়—আমরাই পালাচ্ছিলেম ! ডাগিয়াস্, সে বানর-মুখো নন্দী আমাদের চিন্তা তো ।

অশ্লেষা । তাও হ'তে পারে । লোক জন নীচে থেকে, দেখে শুনেই হয়তো পালিয়েছে ।

জয়া । ওমা সে কি ? মার বাপের বাড়ীর লোককে আবার কেউ কিছু ব'লবে । না মাসীমা—সে সব কিছুই না । ঠাকুরদার রাগ হ'য়েছে । বাবাকে নয়, মাকে নয়,—আমাদের তো নয়ই—কাউকেও ব'লবেন না ।

মঘা । দেবসভা, গন্ধৰ্বসভা আর রাজ চক্রবর্তীদের সভা হবে, তার মাঝে—ব'লতে কি—পঞ্চানন ঠাকুর যে সাজ গোজে ফেরেন—

সতী । (চক্ৰমুছিয়া—কোপের সহিত) আর না—বথেট হ'য়েছে । আর আমি এখানে থাকবো না । ভাল হোন, মন্দ হোন,—তিনিই আমার ভাল ।

মঘা । তোমার কাছে ভাল ব'লে কি পরের মুখ বন্ধ হয় ? নিন্দার কাজ ক'লেই শুন্তে হয় ।

সতী । নিন্দার কাজ তিনি কি ক'রেছেন ? তোমরা আমার বয়সে বড় । তোমাদের মুখে ভাল কথা, দয়া মায়ার কথা শুনবো, তা না হ'য়ে—এই ! যেখানে মায়ের মত স্নেহ পাবার আশা, সেখানে কিনা এই সব ঠাট্টা ও শ্লেষ ! এও কি প্রাণে সহ্য হয় ? তা—তোমাদের দোষ কি—আমার নিতান্ত পোড়া অদৃষ্ট ।

অশ্বিনী । সতি ! বলিস্ কি ? তুচ্ছ কথার এত কেন ? বালাই—তোর পোড়া কপাল হবে কেন ?

সতী । দ্বিদি ! আমার নিতান্তই পোড়া কপাল । নৈলে যে পিতা প্রাণা পেকা ভালবাসতেন, সেই পিতা আমার মত অলাজলি দিলেন । এই নিদাকণ যজ্ঞস্থানের আগে কেন আমার পরমাণু শেষ হ'লো না । হা নাগরাজ ! তুমি প্রাণনাথের নিরোদ্ধরণ থেকেও, তাঁর পার্শ্ববর্তিনী এই অত্যাগিনীকে এত

দিনে দংশন ক'রতে পারেনা ? হা অনলদেব ! তুমি প্রভুর ললাটবাসী হ'য়েও আমার ললাট-দুঃখ নিবারণের জন্য এত কাল দগ্ধ ক'রলে না ?

অশ্বিনী । সতি ! ক্ষান্ত হ'—হাতে ধ'রে মিনতি করি, ক্ষান্ত হ' । আমার একলা না আসাই দোষ হ'য়েছে । তা হ'লে তুইও এমন ক'রে পুড়তিস্ না, আমিও পুড়তেম না । হায় ! তুই কেন এমন হ'লি ? কিছুই তো বুঝতে পারছি না । ভাল সতি ! ঝুঁবা ঘেন নিমন্ত্রণ করেন নি । মাও কি কিছু ব'লে পাঠান নি ? জয়া ! তোরা শুন্লি কার মুখে ?

জয়া । যার মুখেই শুনি—দিদিমা ডেকে পাঠিয়েছেন বটে, কিন্তু দাদা মহাশয় নাকি নিষেধ করেছেন । সকাল বেলা নারদ—

মঘা । আর ব'লতে হবে না । আধখানা কুথাতেই বুঝছি—সেই সর্ব্বনেশে নারদ এসেই এই সর্ব্বনাশ বাঁধিয়ে গেছে । আর কেউ নয় । সেই সর্ব্বনেশে কি একটা ছল ধ'রে এই কাণ্ড তুলে গেছে, তার আর ভুল নেই ।

অশ্বিনী । সেই কিছু তুলুক—আর কথা সত্যিই হোক, তবু সতি !—বোন, তোমাকে এইটা বুঝতে হবে : বাবা পুরুষ মানুষ, সভার মাঝে লজ্জা পেয়েছেন, রাগ হ'য়েছে । কিন্তু যখন মা ব'লে পাঠিয়েছেন, তখন বাবার বলার আর অপেক্ষা কি ?

অশ্লেষা । তা বৈ কি ! আবার কেমন ক'রে বলে ! আমাদেরও যে বলতে গিয়েছিলো, তোমাদেরও সেই ব'লে গেছে । আমাদের আনুতে হাতী ঘোড়া যায় নি, তোমাকে ল'তেও আসিনি । আমরা শুনেই আহ্লাদে আটখানা হ'য়ে, আপনাদের রথে আপনারাই যাচ্ছি ।

সত্যী । দিদি ! যা ব'লে, তাই বটে । কিন্তু একটু বিশেষ আছে । মা বাপ উভয়ে, ঝি জামাই তোমাদের দুজনকেই ব'লে পাঠিয়েছেন, এখানে মা লুকিয়ে কেবল আমাকে ব'লে পাঠিয়েছেন । পিতা ব'লেছেন—কৈলাসে ঘেওনা, শিব শিবির নাম গন্ধও ক'রো না । মা পিতার অপোচরে ব'লে দিয়েছেন শিবাকে তুমি চুপি চুপি আসতে ব'লো । শিবকে ব'লতে তাঁর সাহস হয় নি ।

অশ্বিনী । তা ভালই তো । মা বাপ দুই এক—তুমি না হয়, মার নিমন্ত্রণে যাবে—তাতে দোষ কি ?

সতী । বাবা যে আমাকে বলেন নি, আমি সেই অভিমান তুচ্ছ ক'রতে পারি । মা ডেকেছেন, সেই যথেষ্ট । কিন্তু হায় দিদি ! এ আগুন বার হুদে অলে, সেই জানে । অন্যে জানতে পারে না ।

গীত ।

যাতনা জানিবে কিবা, যে জ্বালায় অলি অনুরে ।
জন্মের মত জলাঞ্জলি, দিলেন জনক আমারে ।
নিখিল ভুবন মাঝে, কে এমন দুঃখিনী আছে ?
এখন' আমারে কেন, দংশিল না বিষধরে !
নাথের ললাটানল, অভাগীরে না দহিল !
নিভাইব চিতানল, আজি চিতানল' পরে ।

আমার শিবকে ছেড়ে ত্রিভুবনে কেউ যাগ ক'রতে পারে না, সেই শিবকে বাবা পরিত্যাগ ক'লেন । তাতে আমার শিবের যত দূর অপমান হ'তে হয়, হ'লো । আমি আমার শিবের এত বড় অপমানকে তুলে রেখে, আমোদ করতে যাব', —এও কি উচিত হয় ?

অশ্বিনী । কে জানে বোন—আমি কিছুই বুঝতে পারিনে । আমি অবাক হ'য়েছি । আমার আর কথা আসে না । এর চেয়ে এখানে না আসাই ভাল ছিল ।

সতী । (কিঞ্চিং চিন্তার পব) আচ্ছা দিদি ! তোমরা যাও । দেখি যদি পারি, আমিও যাব ।

অশ্বিনী । আবার "পারি" কেন ? "পরেই" বা কেন ? চল'না এক সঙ্গেই যাই ।

সতী । না—তা হবে না, দিদি । আমার একটু কাজ আছে ।

অশ্বিনী । কাজ আর কি ? শিবকে বলা ?

মঘা । ওমা সে আবার কি ? বাপের বাড়ী যেতে বুঝি স্বামীকে ব'লে যেতে হয় । তোর যে সতি ! সকলই বাড়াবাড়ি ।

সতী । না—তাঁরে আর ব'লতে হবে না । তোমরা যাও, আমি পরে যাব ।
অশ্লেষা । আমার "পরে" কেন ? সাজ গোজ করা—তা আমরাই ক'রে
দিচ্ছি । গহনা টহনা কিছু তো নেই । তা, নেই নেই—তার জন্যে ভাবনা
কি ? আমরা সাতাশ জন আছি, এক এক খানা খুলে দিলে গায়ে ধ'রবে না ।

সতী । না—না দিদি ! তোমাদের কষ্ট ক'রতে হবে না । আমার কিছুই
আবশ্যক নেই ।

শান্তিরামের প্রবেশ ।

বলদ দাদা রথে বাঁধা, দাঁড়িয়ে আছে মা—
খুঁড় ছুঁড়ছে, মাটি খুঁড়ছে, খামে না আর পা ।
হাতে দড়ি, পাঁচন বাড়ি, রথে নন্দী দা ।
বেলা গেল' সঙ্গে হ'লো, কখন যাবি মা ?

অশ্লেষা । ওমা এ কেগো ?

মধা । জানতে পারছো না ? ও একটা ভূত ।

শান্তি । পাঁচটা ভূতে একটা ভূত, ভূতে নাচায় ভূত !
ভূত দেখে ভূত আঁতকে ওঠে, এ বড় অদ্ভূত !
শান্তে, চিন্তে পারিস্ ভূত !
শান্তে, জ্যাশ্তে মরা ভূত !

(প্রস্থান) ।

মধা । ওমা ! ওটা কি ব'লে গেল গো ! বলদের আমার রথ কি ?

অশ্বিনী । সতি ! সে কি ? বলদের বথে যাবে কেন ? আমরা সব এক
রথে যাব । চলো আব বিলম্বে কাজ নেই ।

সতী । তোমরা কমা কর । আমার ও সব কিছুই কাজ নেই । তোমরা
যাও । (জয়াকে ইঙ্গিত করিয়া) জয়া ! চল—আমরা এখন আসছি ।

(জয়া ও সতীর প্রস্থান) ।

মধা । আমাকে ভালই বল', আর মন্দই বল'—পাগলের সঙ্গে থেকে
সতীও পাগল হ'য়েছে ।

অশ্বিনী । তা ঘাই হোক—সতী গেল কোথা ?

মঘা । প্রভুকে বুঝি বলতে গেলেন ।

জয়ার প্রবেশ ।

অশ্বিনী । জয়া ! সতী কোথায় ?

জয়া । মা চ'লে গেছেন ।

অশ্বিনী । কোথায় !

জয়া । বাপের বাড়ী । নন্দীর সঙ্গে—বুস বখে ।

অশ্বিনী । সে কি ? আমাদের সকলকে বেগে আপনি চ'লে গেল ?

মঘা ! তাবাতে ঘরের সবই উল্টো ।

অশ্বিনী । চল তবে', আর থেকে কি হবে ? আমরাও ঘাই ।

(সকলের প্রশ্নান) ।



চতুর্থ অঙ্ক ।

প্রথম গর্ভাঙ্ক ।

দক্ষপুরী—“প্রসূতীর গৃহ দ্বার ।

দক্ষ, প্রসূতী, সনকা ও সভাপাল আসীন ।

দক্ষ ! হা ধিক্ ! হা ধিক্ ! হা ভাগ্য ! হায় ব্রহ্মণ্য তেজ ! হা রাজদর্প ! হা গর্ব ! সব খর্ব্ব হলি ? তুই ত্রিভুবন জয়ী হ'য়ে নারী হস্তে পরাস্ত হ'লি ! (উচ্চৈঃস্বরে) সভাপাল ! কি হ'লো ? সব যে যায় । আর যে সহ্য হয় না । রাজি ! তোমার পায়ে ধরি, আর কেন ? যজ্ঞের জন্য যত পট্ট বস্ত্র, যত ঘৃত আয়োজন হ'য়েছে, সব গায়ে জড়িয়ে অনলে পড়'বো না কি ?

(শিরে করাঘাত)

আমার যেন অকালে আসন্ন কাল উপস্থিত ! এ কি হ'লো ? মহিষী আত্মহত্যা করে নাই তো ? সব পারে, সব পারে—ওরে, নারী জাত সব পারে । সভাপাল ! দেখ' কি ? সর্বনাশ হ'য়েছে । ঐ দেখ' ভূতলে—নিষ্পন্দ—নির্নিমেষ । বোধ হয় বেঁচে নাই । (গাত্র স্পর্শ করিয়া) আছে—এখনও আছে—খাস আছে । মহিষী ! প্রেমসি ! প্রসূতী ! চাও—একবার কথা কও । হায়, আমি হতভাগ্য ! আমি নিতান্ত নির্দয়—আব এ দশা দেখতে পাবি না । সভাপাল ! রাজীকে উঠাও—সেবা কর ।

সনকা । মা ! গা তোলো । দেখ'ছো না, মহাবাজ কত কাতব ! তুমি তো মা পতিব্রতা সতী—

প্রসূতী । (স্বপ্নোখিতার ন্যায়) কৈ সত্য কৈ ? কৈ আমার মা কৈ ? কৈ আমার কৈলাসবাসিনী ঈশানী কৈ ? কৈ আমার নয়নতারা কৈ ? কৈ সনকা, তুমি যে সতী ব'লে ডাকছিলে—কৈ আমার মা কৈ ?

দক্ষ । এ যে বিষম উন্মাদ ! সভাপাল ! এ কি প্রমাদ ! রাজী যে একেবারে উন্মাদিনী হ'য়ে উঠলো ! এখন উপায় কি ?

মম্বা । কেন ? সতীর জন্য এত ? তবে আর ভাবতে হবে না । সতী তোমার আসছে ।

প্রম্বৃত্তী । (সরোদনে) ওমা ! কেন আর মিছে কথায় তোর মাকে ভুলাস্ ।

মম্বা । ওমা ! মিছে বলিতো চ'পের মাথা খাই—জিভ খ'সে পড়ুক ।

প্রম্বৃত্তী । বালাই ! ও কি কথা ? (অশ্বিনীর প্রতি) হ্যাঁ মা অশ্বিনী ! ও কি বলে ? আমাব সতী কি আর আসবে ? সে কি এসে, আর "মা" ব'লে ডাকবে ?

অশ্বিনী । আসবার সময় আমরা কৈলাসে সতীর কাছে গিছলুম—সত্যই সে আসছে মা ।

অশ্লেষা । এতক্ষণ যে কেন' এসে পৌঁছাব নি—তাই আশ্চর্য্য !

প্রম্বৃত্তী । ওমা ! তোরা কি ব'লছিস ! কৈলাসে গেলি যদি, তবে সঙ্গে ক'রে আনলি নি কেন ? সে আবার কার সঙ্গে আসছে ? তোরা তিনজন কি এগিয়ে এসেছিস্ ।

অশ্বিনী । না মা ! আমরা সাতাশ জনই এসেছি । সতীকে আনতে গেলাম সতী তার ঘরে আমাদের ফেলে রেখে, আপনি এগিয়ে এসেছে ।

প্রম্বৃত্তী ! ওমা সে কি ! তোদের সঙ্গে না এসে তোদের ফেলে বেখে এলো—এ কেমন কথা !

মম্বা । "কেমন কথা"—জান না ? ঠাকান ! অজ্জ্বার ! আমাদের রথে এলে ছোট হবে, তাই আপনার রথে আসছে । অশ্লেষা দিদিও নাকাব মত কথা ব'লছে—সতী আগে আসেনি ব'লে আশ্চর্য্য ভাবছে । আমরা এলেম চক্ররথে—শূনা পথে, বাতাসের মত । সে আসছে বলদের রথে—হটবু—হটবু—হটবু । না ব'লেও বাঁচিনে । এত দিনের পর মার কাছে এলেম, তেষণায় ছাতি ফেটে যাচ্ছে, কেউ বলে না,—কেমন আছিস ? কেই বলেনা—ব'স । কেউ বলেনা—কিছু খা—চেয়েও দেখে না । কেউ ভাল কথাও কয় না । কেবল সতী ! সতী ! সতী !

প্রম্বৃত্তী । ওমা ! কি বলি ? তোর মার দশা দেখেও কি তোর দয়া মায়া হ'লো না ? পেটের সন্তান হ'য়েও তোরা আমার মর্ষব্যথা বুঝলি না ?

তোরা যে এসে “মা” ব’লে ডাকলি, তাই উঠে ব’সেছি । তোদের সঙ্গে যদি সতী আসতো, তবেই আমার মনের আশুণ নিবে যেত’ । আমি “সতী” “সতী” করি—তা’তে কি মা, তোদের প্রতি আমার ভিন্ন ভাব আছে ? সতী তোদের সবারই ছোট—তার বয়স কি ? তার মুখ পানে চা’বার জন কে আছে ? সেই করে গেছে, আর কি সে জুবুধি সে এসেছে ?

মঘা । আমরাও তো অনেক দিন গিয়েছি ।

প্রস্থতী । ভালই তো—যজ্ঞের উৎসবে তোরাও আসবি সেও আসবে, দেখে প্রাণ শীতল হবে । তা অভাগিনীর কপাল দোষে, মহারাজের রাগে সে আশা ঘুচে গেছে । এতেও কি মার প্রাণ স্থির থাকতে পারে ? হায় ! পতি নিদয় হ’লেন, তোরা পেটের সন্তান—তোরাও বিমুখ হ’লি ! তবে আর এ ছার জীবনে কাজ কি ? হা কঠোর প্রাণ ! তুই এখনই নির্গত হ ।

(বকে করাঘাত) ।

অধিনী । (প্রস্থতীর হস্ত ধারণ করিয়া) ওমা ! কাস্ত হও, মঘাকে তুমি কি জান না ? ওর বাক্যের দোষে সব নষ্ট হয় । এগনই ক’রে কথা ব’লে, সতীকে আলিয়ে এসেছে । ওর কথার আলায় তো সে আমাদের সঙ্গে এলো না । আবাব এখানে এসে তোমাকে জাগাচ্ছে । ওকি কাবও ত্রুধ বোঝে ? ওর আপনার হ’লেই হ’লো ।

মঘা । কবে আমি আপনার কোলে টেনে, তোমার ভাগ তোমায় বঞ্চিত ক’রেছি ? আমি তোমাদের এত বিষ ? তবে আমার আর এখানে থাকা কেন ?

(প্রস্থান) ।

নেপথ্য—কোলাহল ।

ওমা ! তোর সতী—ওমা দাখ, তোর হারানিধি সতী এলো ।

প্রস্থতী । কৈ—আমার মা কৈ ? সত্যই কি আমার সতী এসেছে ?

(উঠিবার চেষ্টা) ।

গীত ।

কোথা সতি ? কৈ সতি ? মম সাধনের সার ঘন ।

হয় যার অদর্শনে, পলকে প্রলয় জ্ঞান ॥

সভা। মহারাজ, স্থির হ'ন। শোকে, অনাহারে কেঁদে কেঁদে ক্লান্ত হ'য়ে, অজ্ঞানের মতন ছিলেন। সনকার আস্থানে জেগে উঠে স্বপ্নের ঘোরে কথা ক'চ্ছেন। আপনি চিন্তা ক'রবেন না। এখনই প্রকৃতিস্থা হবেন।

দক্ষ। (প্রস্থতীর প্রতি) রাজি! কমা দাও—শাস্ত হও—শাস্ত হও। তোমার সাতাশটি কন্যা আসছে, তবু কি হবে না? তারা কি মেয়ে নয়? একটীর জন্য এত?

প্রস্থতী। সেটীট আমার পূর্ণিমার চাঁদ—আব যে সাতাশটি—তারা তো সেই চাঁদ-ঘেরা তারা মহারাজ!

দক্ষ। সে চাঁদের কি অগাবস্যা নাই? সে চাঁদ আজ উদয় হবে না। আজ নক্ষত্র দেখেই তৃপ্তি পেতে চাইবে।

প্রস্থতী। মহারাজ! ষত দিন না সে চাঁদ উদয় হবে, ততদিন আমি অক্ষ। সে চাঁদ বিনে আমার আশা তোমরা ছেড়ে দাও। আমায় কেউ দেপো না—ডেকো না। আমার সঙ্গে আলাপ ক'বো না—আমি আছি, আর ভেবো না। যাও, সবাই এ ঘর ছেড়ে যাও, নয় তো আমায় দূর ক'রে দাও—আব যদি কেউ আপনার জন থাকে, তো একটু বিষ এনে দাও।

দক্ষ। সভাপাল! আর কি ক'রবো? নিরাশা—একেবারে নিরাশা! মান গেল—সম্মান গেল—দর্প গেল—তেজ গেল—সম্পদ গেল, আর কেউ নাম করবে না—আর কেউ প্রজাপতি বাজ্যি ব'লে মানবে না। এই যজ্ঞ সম্পন্ন না হ'লে ব্রহ্মণ্য তেজও ধ্বংস হবে। যা সহিতে পারি নে, তাও সহিলেম—বা দেখতে পারিনে, তাও দেখলেম। আর কিছু তো আমা হ'তে হয় না। আমি চ'ল্লেম, তুমি পার তো দেখ'। দেখি, তপোবলে নূতন প্রস্থতী জন্মে কি না?

সনকা। মহারাজ তার ক্রন্দনাত্ম হ'য়ে, কেমন ক'রে তাবে নিয়ে বজি ক'রবেন!

দক্ষ। তুই চূপ কর, তোর কাছে তখন বিধান জানবো।

সভা। মহারাজ! কমা করুন। আপনি একগে ঘান, এ দাস এখানে আছে।

দক্ষ । তাই কর্তব্য । যদি যজ্ঞ না হয় সেও ভাল, তথাপি অযোগ্য কথায় আর থাকবে না । যদি ত্রিলোক বিপক্ষ হয়, তথাপি দক্ষ আর নত হবার নয় । এই মন্তুক যত দিন ক্ষেপে থাকবে, ততদিন স্বতি বাক্য আর বলবে না—
এই প্রতিজ্ঞা । (প্রস্থান) ।

সভা । মা ! কি ক'রলেন ঘা ! আপনি বুদ্ধিমতী, আপনাকে বুদ্ধি দেয় এমন কে আছে ! আমাদের অদৃষ্ট দোষে, আপনি অবশ্য-কর্তব্য দর্শনের দিকে চেয়ে দেখছেন না । সকলে সমান বোঝে না । বিধাতা দুটীকে এক ভাবে নিষ্কাশন করে না । যদি এক জন অব্যব বা অধীর হয়, অন্যো ধৈর্য্য ধারণ করে, অমঙ্গল ঘুচায় ।

নেপথ্যে—কোলাহল ।

সভা । মা ! বোধ হয়, চন্দ্রলোক হ'তে রাজকন্যারা এলেন । একটু স্থস্থ হ'য়ে উঠে বসুন । তাঁদের দেখে ভুলে যান । আমি এখন চলেম ! সনকা ! তুমি যাও, তাঁদের এখানে ডেকে আন' গে ।

(সভাপাল ও সনকার প্রস্থান) ।

অশ্বিনী, অশ্লেষা ও মঘার প্রবেশ ।

মঘা । ও পোড়া কপাল ! একি ! মা এমন ক'রে মাটিতে প'ড়ে কেন ?

অশ্বিনী । ওমা ! কেন গা এমন ক'রে রহেছিস্ ?

অশ্লেষা । ই্যাগা মা ! বাবার ওপর কি রাগ ক'রেছিস্ ।

মঘা । ভাল মা ! রাগ ক'রেছো তো বাবার ওপর—আমরা কি ক'লেম ? আমাদের দেখে উঠ'ছো না, কথাও ক'ছো না ।

প্রস্থতী । (সবোদনে) বাছারে ! তোরা এলি, প্রাণ জুড়ুলো । এই সঙ্গে যদি আমার জনম-ছঃশিনী সতীর চাঁদমুখখানি দেখতে পেতুম, তবে কি সুখই হ'তো ! আমি উঠ'বো কি মা—আমার আজ ওঠবার শক্তিও নেই, ইচ্ছাও নেই ।

সাধের সুবর্ণলতা, কৈ মা আমার সতী কোথা ?

“মা” ব'লে মা ! জুড়ারে ব্যথা, শীতল কর্ প্রাণ ।

ভবানী ভুবনমোহিনী, হারানিধি নয়নমণি !

আয় মা কোলে, নয়ন ভরি, হেরি তোর চাঁদবদন ।

অশ্বিনী । ওমা ! এখন উঠোনা, উঠোনা, তোমার গায়ে এখন শক্তি নেই ।

প্রসূতী । ভয় নেই মা । আর আমি প'ড়বো না । আমায় যেতে দাও

—আমি মাকে কোলে ক'রে আনি ।

অশ্বিনী । না মা—তোমাব যাওয়া হবে না, আমরা গিয়ে তাবে আনছি !

(অশ্বিনী ও অশ্রুগাব প্রস্থান)

সতীর প্রবেশ ।

সতী । (সবোদনে) ওমা ! তোব কাঙ্গালিনী সতী এলো—একবার কোলে নে মা । আমার প্রাণ শীতল হোক ।

প্রসূতী । (সতীকে আকর্ষণ করিয়া) সতিরে ! তোব ছঃখিনী মাকে কোন্ প্রাণে ভুলে ছিলি মা ? অনেক দিনের পর বিধুমুখ খানি ভাল ক'রে দেখে প্রাণ জুড়াই । আ মরি ! মার আমার এমন যে সোণার বরণ, যেন কালী ঢেলে দিয়েছে—এমন যে চল' চল' মুখ—একেবারে যেন শুকিয়ে গেছে !

গীত ।

ছিল যে আনন—

বালার্ক কিরণ সম, মোহিত মুনির মন,

নাহিক সে শোভা হেন !

যে দেহে ছিল বরণ, হেম জিনি সুবরণ,

ত'য়েছে কেন এমন ?

নলিনী মলিনা হয়, নীহার পতনে যেন !

কি ক'রে মা প্রাণ ধ'রে, ছিলে ভুলে জননীরে ?
 নিধুমুখে মধুর স্বরে, 'মা' ব'লে, 'মা' ব'লে ডাকি,
 জুড়াও তাপিত প্রাণ ॥

সতীরে ! তোমার মুখ দেখে বুক যে ফেটে যায়। হ্যাঁমা সতি ! ছেলেবেলায় যে
 এত মাগার পুতলি, তুলি, এখন কেমন ক'রে একেবারে পাষণ দে বুক বাঁধলি ?
 কত লোকে ব'লতো—তোমার মেয়ে আস্তে চায় না, জামায়ের দোষ কি ?
 মেয়ে এলে কি জামাই রাখতে পারে ? তুই এই বয়সে কেমন ক'রে মাকে ভুলে
 থাকতে পারতিস ?

সতী ! এও কি হয় মা ! তোমায় দেখে বাব অন্য প্রাণ যে কি ব্যাকুল
 হ'তো, তা আর কথায় কি জানাবো ? এই আসাতেই কেন বোঝ না ?
 আমাদের কি যজ্ঞ নিমন্ত্রণ হ'য়েছে ? বাবা কি কাঙ্গালিনীকে আন্তে পাঠিয়ে
 ছিলেন ? যদি তোমাব জন্য প্রাণ না কাঁদবে, তবে কি আসি মা ? আমার
 কি মান অপমান, ঘৃণা লজ্জা নাই ? আমার কি যজ্ঞ খাবার এতই লোভ ?
 উৎসব দেখা, আর যজ্ঞ খাওয়ার জন্য এত অপমান কি কেউ সহতে পারে মা ?
 আমি যেন আজ ভিখারিণী—রাজা বাণীর মেয়ে তো ছিলাম ।

গীত ।

মা হ'য়ে নিদয়া এত, হ'লি গো কেমনে ?

ভিখারী-ঘরণী ব'লে, ঠেলিলি চরণে ।

আদরিণী মেয়ে যত, সব হ'ল নিমন্ত্রিত,

মেয়ে ব'লে, আমায় কি মা পড়েনিকো মনে ?

জেনেছি মা তোমার মমতা, পেয়েছি দারুণ বাণী,

পতি অপমান হেন, সহেনা পরাণে ।

কাঙ্গাল ভাবিস্ আমার পতি, সে যে গো বিশ্বপতি,

সে বিনা নাইকো গতি, তুলিলি কেমনে ?

প্রসূতী । সতিরে ! আর সহিতে পারি না । তুই সব জানিস্—তোমার পিতৃব্য নারদের মুখে তো সব শুনিছিস্, তবে কেন আব বাকা-বাণ জানিস্, মা ? আমি অন্য অন্যভাবে কত শত পাপ করেছি, তাই বিধি এই শেষ দশাতে নিম্ন হ'য়ে স্ববুদ্ধি পতিকে কুবুদ্ধি দিলেন । নৈলে আমি অথবা অজ্ঞানী হ'য়েও যা দেখতে পাচ্ছি, মহারাজ জানী পুরুষ হ'য়ে, শুধু রাগের তরে তার অন্ধ হ'লেন—আগ পাহ ভাবলেন না । সম্পদে, বিপদে, আগ্রহে, অপদে যে শিব বৈ জানেন না, একেবাবে উন্নত হ'য়ে সেই প্রাণ-তুল্য শিবের প্রতি এত বিশ্বাস চ'লেন । তার উপর যে এত দয়া মায়া, তাও ভুলে গেলেন । একি সামান্য ছেপু ! সতীরে । তুই কোথায় এখানে এসে আমোদ আহ্লাদ ক'বি, না—এই সব মর্মান্তিক কথায় জ্বালাতন চ'তে হচ্ছে !

সতী । মা ! আমি ঐ কথাতেই থাকতে এগেছি, আমোদ আহ্লাদে মিশতে আসিনি । এতে আমি জ্বালাতন চ'ব' না । এই অভাগিনী মেয়েব অন্য তোমার এত জ্বালা ! আমি কি কুফ'লট জন্মেছি'লম ! আমি নিশ্চয় বুঝেছি' এই পাপ দেহ থাকতে আমার মা বাপের আব তিলেকের তরেও স্বস্তি নাট । এখন এই পাপ দেহ ত্যাগ ভিন্ন অন্য প্রায়শ্চিত্ত দেখি না । বতকণ না তা ঘটছে, ততকণ কোন দিকেই মঙ্গল নাই ।

প্রসূতী । (সরোদনের ওমা সাত । তুই কি বলিস্ ? কোন্ প্রাণে মায়ের মুখের ওপর এমন কু কথা মুখে আনুলি ! এই কি তুই মায়ের বাথা বুঝলি ! তোব দোষ নেই ! কপাল যখন পুড়ে যায়, অমৃতও তখন বিষ হয় । সতিরে । আর যে আমাব নয় না । তোব আসবাব আগেই প্রাণ—বার-বার চ'য়েছিল—কেবল তোব আসবাব আশাতেই যায় নি । তোকে দেখে মহারাজেব স্মৃতি হবার আশা ছিল, তা চ'লো না । আর না—এখনই এ প্রাণ ত্যাগ ক'রবো ।

সতী । ওমা ! আব তোমাব এ যাতনা দেখতে পারি না । যা হবার হয়েছে—বাবা বা ক'বার, তাতো করে ব'সেছেন । তুমি কান্ড হও মা ! একবার চেষ্টা ক'রে দেখি, যাতে সকল দিক রক্ষা হয় । বতকণ তাঁর জামায়ের উপর বাখার রাগ নিস্কারণ মা, এখন—ততকণ এ পক্ষেই কি, আর সে পক্ষেই

কি—কোনও পক্ষেই মঙ্গল হবার উপায় নেই। এখন কেবল বাবাকে বুঝানই কাজ।

শ্রীমতী। মা সত্যি! আমি কি বুঝাতে ক্রটি ক'রেছি? তুই ছেলে মানুষ, কচি মেয়ে—তুই আর কি দেখবি?

সত্যী। মা! আমি বাবার পাদপদ্ম একবার দেখবো। তাঁর কাছে দাঁড়াব, তাঁর কাছে তাঁর রাগটুকু জ্বালা ভিক্ষা চাব। আমি মেয়ে, তিনি পিতা। আমি তাঁর গলা ধ'রে ছেলে বেলায় যখন যা চেয়েছি, যার জন্ত আবদার ক'রেছি, তিনি তখনই তা দিয়েছেন। আমি তো সেই মেয়ে, তিনিও তো সেই পিতা। আমি আজও তেয়ি করে চাব, সেই রূপ আবদার ক'রবো। তিনি কখনও আমার "না" বলতে পারবেন না। তাঁর জামাই তাঁর মান রাখেন নি, সেই জন্ত তাঁর রাগ—সেই জন্ত তাঁর অভিমান। আমি পায়ে ধ'রে কঁদে, তাঁর রাগ আর অভিমান ঘুচাবো। তাঁর জামাই যেমন তাঁর অপ্রিয় কাজ ক'রেছেন, তিনিও তেমনই তাঁরে নিমন্ত্রণ না ক'রে অপমান ক'রেছেন। সেই অপমানকে মাথায় রেখে আমি আপনা হ'তে এসেছি—এতো বাবা বুঝবেন। মা! অনুমতি কর, আর কেন বিলম্ব কর?

গীত।

অনুমতি দাও মাতঃ। যেতে পিতৃ সন্নিধানে।

অভিমানী নহি আমি, আশুতোষ অপমানে।

ধরাতে দেহ লুটাব, পায়ে ধ'রে ভিক্ষা চাব',

ছুদিকে ফলিবে শিব', শিবহীন যজ্ঞস্থানে।

বাল্যেতে বাসনা যত, চেয়েছি পেয়েছি কত,

সত্যীরে বিরূপ এত হইবে কেমনে?

ভিখারীর ভিখারিণী, এসেছি আমি ঈশানী,

শাস্ত হব' শুনে বাণী, মম প্রতি কমা দানে।

প্রসূতী । ওমা সে কি ? আর একটু বোস্ । অনেক দিন তোর টান মুখে কিছু দিইনি—আগে কিছু খা মা ।

সতী । না মা ! ও কথা এখন ব'লো মা । আগে বাবাব কাছে যাই, ভিক্ষা চাই । ভিক্ষা পাই তো, তবে এসে খাবো । ভিক্ষা না পাই তবে—
(কনিক নিস্তর) আর ঐ দেখ মা ! প্রভাত হ'য়েছে, চাবিদিকে কলরব হ'চ্ছে, এখন কি আর খায় মা ।

[সতীর প্রস্থান ।

প্রসূতী । হা বিধাতা ! আমার কপালে কি এই ছিল !

[প্রসূতীর প্রস্থান ।

দ্বিতীয় গভাক ।

দক্ষনগরী—রাজবাড়ীর সিংহদ্বার ।

নন্দী, শান্তিরাম ও দ্বারবান-দ্বয় আগীন ।

শান্তি । বলদ যদি হ'লো বাঁধা,
ভেতর চলনা নন্দী দাদা । (প্রবেশোত্ত ৯

দ্বার । (বোধ করিয়া) কে তুই ! কে তুই ? কে তুই ?

শান্তি । শান্তে মুই, শান্তে মুই, শান্তে মুই ।

প্র-দ্বাব । কোথাকার শান্তে তুই ?

শান্তি । শান্তি-পুরের শান্তিরাম,
নাবা মোর আশ্বারাম ।

দ্বি-দ্বার । তুই কোথা থেকে এসেছিস ?

শান্তি । গরু বাঘে ভাব যেখানে, ভূত পেড়ীর বাস,
আর যেখানে গাছে, ফুল ফোটে বার মাস ।
ছিংসে বড়াই, ঝগড়া লড়াই, ব্যামো পীড়ে নাই ।
সেখান থেকে মায়ের সাথে এলেম দুটা ভাই ॥

প্র-দ্বার । ওরে ভাই ! এ ব্যাটা কি বলে ? এ ব্যাটা পাগল না কি ?

দ্বি-দ্বার । রওনা, আমি ওর পাগলামির ঘাড় ভাঙছি । (শান্তিরামের প্রতি) ইয়ারে ব্যাটা আত্মারামের পো ! জানিসনে,—এ রাজবাড়ী ? তুই ব্যাটা এখানে পাগলামী ক'রে ম'রতে এয়েছিস কেন ?

প্র-দ্বার । এ দেউড়ীতে যমঝুতে ভয় কবে, তুই ব্যাটা দেউড়ীর ভেতর কোথা যাবি ?

শান্তি ।
 রাজ সভা, আব যজ্ঞ কেগন,
 দেপ্তে যাব আমরা দুজন ।
 পথ ছেড়ে দে, ওরে হাবা !
 বাজা মোল্লব মায়ের বাবা ।
 বাজাব কাছে মাবো যখন,
 দেগ'বি কত আদব তখন ।
 রাজার কাছে ব'সে ব'সে,
 লুচি মণ্ডা খাবো ক'সে ।
 জাগ'তো যাই ফুলিয়ে ছাবি,
 আমবা যে হই বাজার নাতি ॥

প্র-দ্বার । মব্ বেটা ! এত বড় স্পর্ধা ! (গলা-ধাক্কা দান)

শান্তি ।
 ওরে বাবা গেলুম গেলুম !
 নন্দী দাদা মলুম মলুম ।
 ভেঙ্গে গেল গলার হাড়,
 আবে ভাই ছাড ছাড ॥

(নন্দী কর্তৃক দ্বারবানের কেশাকর্ষণ)

(শান্তিরামের মুক্তি)

প্র-দ্বার । আবে ভাই ! গেলুম, গেলুম । শীগ'গির আমায় বাঁচাও ।

দ্বি-দ্বার । ভয় নেই—ভয় নেই । আমি ঠিক ক'রছি ।

(নন্দীকে ধাক্কা প্রদান)

নন্দী । হুঁ—হুঁ—হুঁ ! (দ্বারবানের গ্রীবা ধরিয়া দূরে নিক্ষেপ)

শাস্তি । হায় কি হ'লো ! হায় কি হ'লো !

আছে কি আর বেঁচে ।

আমার জন্তে দুটো ম'লো !

পাপে যু'রবো প'লো ।

(শাস্তিরামের শুশ্রূষা)

উভয় দ্বার । ও বাবা ! উঃ বাপরে—গেলুম ! মেরে ফেলেছে ।

শাস্তি । হায়—রে বোকা, রজপুত !

জানিসনে যে শিবের দূত ।

যম দূতেরা পলায় আসে,

ভাবে মার্লি কোন্ সাহসে ?

বৈষ্ণবের প্রবেশ ।

বৈষ্ণ । আঁ একি ? দ্বার-রক্ষকের এ দশা ক'রলে কে ?

প্র-দ্বার । ঐ যে হুমান, —না ভূত—না কি ?

বৈষ্ণ । (দৃষ্টি করিয়া) ও বাবা ! একে ?

শাস্তি । কৈলাসেব ও নন্দী দাদা ।

শাস্তিরাম যার পায়ে বাঁধা ।

বৈষ্ণ । ও হরিঃ ! বুঝিছি—এ সেই ভুতুড়ে বেটার ভূত । আরে ম'লো ।

নিমন্ত্রণ হয়নি—তবু এসে দৌরাভ্যা ক'রছে । (চীৎকার পূর্বক) ও নগরপাল

মশাই ! একবার শীঘ্র এদিকে আসুন ।

নগর-পালের প্রবেশ ।

নগর । একি ? ব্যাপার খানা কি ?

বৈষ্ণ । ঐ দেখুন, রাজা নিমন্ত্রণ করেন নি, তাই রাগ ক'রে একটা ভূত পাঠিয়েছে । যে অত্যাচার দমনের জন্ত রাজা বজ্র করলেন, সেই অত্যাচার তাঁর নিজ পুরীতে ।

নগর । কেও নন্দীকে ধর ! তুমি তাই জানী হ'য়ে এমন কাজ কেন

ক'রুলে ? এক তো, তোমাদের এখানে আসাই উচিত হয় নি। যদি বা এলে, এমন অত্যাচার কেন ?

বৈষ্ণব। হা! হা! হা! ভূতের আবার উচিত অল্পচিত বোধ! বেশ ব'লেছেন যা হোক। 'আপনি ভয় পেয়ে শুব ক'রছেন নাকি? দূর ক'রে দিন না। ও ব্যাটা! আবার "নন্দীকেধর" ! ওর ঈশ্বর যেমন ঈশ্বর—ও ব্যাটাও তেমনই ঈশ্বর! ভুতকে 'আবার ভয়? দূর ক'বে দিন, দূর ক'রে দিন—বজ্র নষ্ট হবে।

(নন্দী কর্তৃক ত্রিশূল দ্বারা বৈষ্ণবের কর্ণ স্পর্শ)

বৈষ্ণব। অ্যা—ও! অ্যা—ও। উঃ—উঃ—উঃ।

নগর। কি উৎপাত! এ যে বিবম দায় দেখছি। (দ্বারবানেব প্রতি)
দর্পরাম! তুমি যাও, সভাপাল মহাশয়কে ডেকে খান গে।

(দর্পরামেব প্রস্থান)

শান্তি। কল্লিমালা তিলক ছাপা, গায়ে দেখি চক্ চক্।
নামের বুলি হা'তে বগলি, ক'রতেছ ঠক্ ঠক্।
কালো ঠাকুর ভাল তোমার, ধ'লো হলেন বিব!
কালো ধ'লো এক যে তাঁরা, পাওনি কি তদিস?

সভাপালের প্রবেশ।

নগর। মহাশয়! নমস্কার। নিমন্ত্রণ না শুয়াই হোক, আর যে জন্মই হোক, নন্দী এখানে এসে বড দৌরাখ্য ক'বাছে। এই দ্বাব-রক্ষক আর বৈষ্ণব বাবাজীকে ত্রিশূলের খোঁচা মেবে বাকুবোধ ক'বে দেছে।

সভা। ওরা অবশ্যই কোন অপবাধ ক'রে থাকবে! কৈ? তোমাকে আমাকে তো কিছু ব'লছেন না।

নগর। অপরাধের মধ্যে—দ্বাররক্ষক দ্বাবে প্রবেশ ক'রতে নিষেধ ক'রেছে। এই বৈষ্ণব-বাবাজী হু-এক কথা ব'লেছে বটে।

শান্তি। ঠাকুরদাদার যাগ দেখতে যেতে দাড়া খাই!

দয়াল শিবকে গাল দিয়েছেন ঐ বৈরাগী ভাই ।

সভা । কেও শান্তিরাম যে ? ভাল আছো তো ? কোথা থেকে ?

(প্রণাম করণ)

শান্তি । কৈলাস থেকে কৈলাস থেকে, নন্দী দাদার সাথে !
মা এসেছেন বাপের বাড়ী, এলেম মায়ের রথে ।

সভা । কৈলাসে গিচ্লে ? মার রথে এসেছ ? খন্ত শান্তিরাম ! তোমার দর্শনে পবিত্র হ'লেম ।

নারদের প্রবেশ ।

(সভাপাল ও নগরপালের প্রণাম করণ)

শান্তি । এই চরণ ধুলো পেয়ে হ'লো শান্তে মড়া তাজা !
কৈলাসে আর গোলোক-ধামে, ভিজছে তার গাঁজা !
সেই প্রাণের ঢেঁকী, কোথায় রাপি, এলে ঠাকুর কও ।
ঢেঁকী বাঁধবো, যাগ দেখবো, সঙ্গ ক'রে লও ॥

নারদ । (সহাস্তে) শান্তিরাম. কার সঙ্গে এলে ? এই যে, নন্দীও যে ।

সভা । কনিষ্ঠা রাজকন্যা সতী মাও যে এসেছেন ।

নারদ । হুঁ ! তবে তো প্রতুল বটে ।

সভা । (সহাস্তে) আপনি যখন নিমন্ত্রণের কর্তা, তখন আর অপ্রতুল কি ?

নারদ । আমি কি নিষিদ্ধ স্থলে নিমন্ত্রণ করি ?

সভা । তবে, শান্তিরামের কৈলাস-গমন কিরূপে হ'লো ?

নারদ । সে কেবল দর্শন মাত্র, উদ্দেশ্য ।

সভা । আপনার তো "দর্শন"—এ দিকে যে লোমহর্ষণ ব্যাপার উপস্থিত ।

নারদ । কোথায় ? এখানে—এই যা দেখছি ?

সভা । এ তো সামান্য । পুরী মধ্যেই ভয়ঙ্কর ।

নারদ । অগ্রে তো ঠার পার হওয়া বাকি । পরের কথা পরে । নন্দী
ভায়া ! এ নির্যোধ বাবাজীর মুক্তি কর ।

(নন্দীর ত্রিশূল স্পর্শে মুক্তি লাভ)

সভা । তবে ঠার অপেক্ষা কেন ? চলুন ।

নারদ । ভায়া এখন কোথায় ?

সভা । মন্ত্রণা গৃহে : সুনলেম, সভাও সেখানে গমনোচ্ছতা—

নারদ । তবে, “সুভস্য শীঘ্রম্” । শান্তিরাম এস, নন্দী ভায়া ! যাবে
কি ? তবে এস ।

(সকলের প্রস্থান)

পঞ্চম অঙ্ক

দক্ষপুরী—মন্ত্রণাগৃহ ।

দক্ষ ও নারদ উপস্থিত ।

দক্ষ । তার পর ভায়া ! যজ্ঞের কথা কিরূপ হ'লো শুনি ?

নারদ । ঐ সেই কথা । আমাকে দেখে সব ঋষিরা ব'ল্লেন—ওহে নারদ ! শুনলেম্ শিবহীন যজ্ঞ ! তা—ঈশান ভিন্ন যজ্ঞ কিরূপে হবে ? ঈশানের ভাগ না দিলে, যজ্ঞ-সিদ্ধি হয় না । প্রজাপতি দক্ষ সর্বশাস্ত্রজ্ঞ, তায় তুমি অধ্যক্ষ—তবে এমন অশাস্ত্রীয় ব্যবস্থা কেন 'ঘ'টলো ? আমি ব'ল্লেম—শিব কি ? ব্রহ্মা কি ? বিষ্ণু কি ? কেবল নিগুণের বিকৃতি মাত্র । নিগুণ হ'তে ত্রিকার্যোদ্দেশে ত্রিভাগে ত্রিগুণ সৃষ্টি—এই মাত্র । একাধারে যদি সেই গুণত্রয় ব'ল্লে দেওয়া যায়, তবে তিন জনকে আরাধনা করবার আবশ্যক কি ? একাধারে ত্রিগুণ—এমন আধার হ'চ্ছেন—“ছত্ৰাশন” । অগ্নিতে রজো গুণ বিদ্যমান, পালন-কারী সত্ত্বগুণও আছে, আর অগ্নির সংহারক শক্তির কথা বলা বাহুল্য ।—সুতবাং তমোগুণেব অভাব কি ?

দক্ষ । বেশ ব'লেছ ভায়া ! আমার মনোগত কথা ব্যাখ্যা ক'রে দিয়েছ' । ধন্য নারদ ! ধন্য ভায়া ! ধন্য তপোবল ! ধন্য তোমার বুদ্ধি !

নারদ । আমি আরও বুঝিয়ে দিলুম—সামান্য যাজ্ঞিকগণ ছত্ৰাশনকে যজ্ঞেশ্বর ক'রতে সাহসী হয় নাই ব'লে, এত কাল ব্রহ্মা, বিষ্ণু, মহেশ্বরের এত প্রভুত্ব ! কিন্তু এবার বড় শক্ত যাজ্ঞিকের হাতে প'ড়েছেন । অগ্নির অসীম গুণ—তিনি সর্বভুক—সকল খান, সকলের হ'য়ে খান । সেই অগ্নি থাকতে আবার এ দেবতা, ও দেবতা ! ইনি এলেন কি না, উনি এলেন কি না—তাও কি আবার ভাবতে হবে ? তবু যে ব্রহ্মা আর বিষ্ণুকে নিমন্ত্রণ ক'রেছেন, সেই অনুগ্রহই যথেষ্ট । জামাতার বা কি সংহার-শক্তি ? শ্বশুরের যে তেজ—যে তমঃ আছে, তার কণামাত্র যজ্ঞাগ্নিতে ছেড়ে দিলে সর্বনাশক হ'য়ে উঠবে—তার সন্দেহ নাই ।

দক্ষ। (আলিঙ্গন পূর্বক) ভাই! আজ জানলেম্ তুমিই আমার যথার্থ সহোদর। আমি চির ঋণে বদ্ধ থাকলেম্। তোমা ভিন্ন এ যজ্ঞ সম্পন্ন করা হুহুহ ব্যাপার হ'তো। এখন বুঝলেম্, তোমা হ'তেই অহকারীর "অহং" চূর্ণ—তোমা হ'তেই মস্তক উন্নত হবে।

নারদ। আমা হ'তে কিছুই না—সব আপনার নিজশুণে—আমি উপলক্ষ মাত্র। এই অশিব যজ্ঞটির ফল যু কি আশ্চর্য্য হবে, তা ধ্যান ক'রলে শরীর রোমাঞ্চিত হয়—আপনার কি আঁর এই নরাকৃতি থাকবে? তখন আপনার শ্রী আর এক ভাব ধারণ ক'রবে। স্বর্গ, মর্ত্য, পাতাল-বাসী কারও সঙ্গে আপনার উপমা হবে না।

দক্ষ। (সহাস্তে) এখন হ'য়ে উঠলে হয়।

নারদ। এ তো হ'লো! আর বাকি কি?

সভাপালের প্রবেশ।

দক্ষ। সভার সংবাদ কি?

সভা। আজ্ঞে মহারাজ! দিকপালেরা এসেছেন, দেবতারা এসেছেন, ঋষিরাও সকলে এসেছেন, মর্ত্যালোকেরও রাজা প্রজা কেহ বাকি নাই—আশার অতিরিক্ত জনতা হ'য়েছে। শ্রেণী বিভাগ থাকতে কোনও রূপ গোলযোগ ঘটে নাই। যজ্ঞারম্ভের সমুদয় প্রস্তুত—যাদের প্রতি যে যে কর্মের ভার আছে, তাঁরা সকলেই সেই সেই নির্দিষ্ট স্থলে প্রস্তুত আছেন। কেহই অনুপস্থিত নাই—কেবল প্রধান সিংহাসন তিনটি শূন্য আছে।

দক্ষ। কার্ কার্?

সভা। আজ্ঞে! মহারাজের একটা—বিষ্ণুর একটা—আর পিতামহ ব্রহ্মার একটা।

দক্ষ। আমার তো থাকবেই। (নারদের প্রতি) অপর দুটির কারণ কি? তাঁরা কি আসবেন না?

নারদ। শিবের অনাস্থান শুনে, তাঁরাও একটু ঘাড় নেড়েছিলেন। তাঁদের যে একে তিন, তিনে এক। তা সে জন্তু চিন্তা কি? এই যে হতাশনকে

সত, রাজ-সম্মো গুণের আখ্যায় করা হ'য়েছে, আজ এই সৃষ্টি-ছাড়া কাণ্ডতেই তাঁদের মাথামুণ্ড ঘুরে যাবে'খন ।

নন্দী ও শান্তিরামের প্রবেশ ।

দক্ষ । (নন্দীকে দেখিয়া) একি ? এ এখানে কেন ?

সতী । আজ্ঞে, ঐ কথাই নিবেদন ক'রছিলাম । কৈলাস কাণ্ডে সতী মা এসেছেন, রাজীও বরণ কার্যে প্রস্তুতা হ'য়েছেন ।

দক্ষ । এঁা । সতী এসেছে ? কেমন হ'লো ? তারে আনলে কে ?

সতীর প্রবেশ, পশ্চাতে অশ্বিনী ও মঘা ।

সতী । কেউ আনেনি বাবা, তোমার কাঙ্ক্ষানী আপনিই এসেছে ।

(প্রণাম করণ)

মঘা । ইঁা বাবা । সতীকে আনতে পাঠাও নি কেন ?

দক্ষ । না মা—আমি আনতে পাঠাই নি । আর সে কথা তুলো না মা—আব সে কথা তুলো না । সতী নামে আমাব যে এক কন্যা ছিল, তা আমাকে ভুলতে দাও । সতী নামে তোমাদেব যে একটা ভগিনী ছিল, তাও তোমরা ভুলে যাও ।

অশ্বিনী । অমন কথা ব'লোনা বাবা । শিব যা করবার তা ক'রেছেন, সতীর মুখ দেখেও কি, সে কথা ভুলে গেলে না ।

দক্ষ । না মা—সে ভোলবার নয়—সে আশুণ নির্বাণ হবার নয় । তোমরা এসেছ স্ত্রী হ'লেম—সেই ভাল । অস্ত্র কথায় আর কাজ নাই মা ।

প্রসূতী ও সনকার প্রবেশ ।

দক্ষ । (প্রসূতীর প্রতি) এই নাও—তোমার পূর্ণ চন্দ্র এখন তার-ধেয়া ক'রে উদয় হ'লো—বাঁচলোম । সর্ষক হ'লো—আমার জাগো বা হেঁকি—

আমার মানের ভাগ্যে যা থাকুক । তোমার প্রাণ জুড়ুলো সেই ভাল । অস্ত্র
কথায় কাজ নাই, আর অস্ত্র কথায় কাজ নাই ।

শত্রু । (সতীর প্রতি) সারা রাত পথের ক্লেশে তোমার শরীর অস্থির
হ'য়েছে । একটু বিশ্রাম না ক'বলে অস্থির হবে । চল ঘরে যাই—এখানে
থেকে কাজ নাই । সখিনী ! মশা ! তোরাও চল মা, তোরাও তো সারা
রাত জেগেছিস্ ।

মশা । না মা ! আমাদের দিবা রথে আমরা বেশ ঘুমুতে ঘুমুতে
এসেছি । সতীর বটে বলনের রথে এসে কষ্ট হ'য়েছে ।

দক্ষ । ধিক্ আমার সম্পদে ধিক্ ! আমার রাজত্বে ধিক্ ! ধিক্ আমার
জীবনে ধিক্ ! ধিক্ প্রজাপতির নিরীক্কে ধিক্ ! আর দেখতে শুন্তে পারিনে ।
তোরা যা মা, আর ও সব কথায় কাজ নাই ।

মশা । কাজ নেই কেন বাবা ? সতীর ওপর রাগ ক'রলে কি হবে ?
সতীর অপরাধ কি ? যেমন ঘরে বিয়ে দিয়েছ, তারির মতন হ'য়েছে—স্বপাজে
দিতে, দেখে শুনে সুখীও হ'তে । এমন ঘরে দিয়েছিলে কেন ?

দক্ষ । যা ভেবে দিয়েছিলেম, তা হ'লো কৈ ? নারদ ভায়াই তাব ঘটক,
নারদ ভায়াই বরের স্ততিবাদক, নারদ ভায়াই আমার মজাবাব কর্তা ! ভায়ার
কথা যেমন ব্রহ্মজ্ঞান ক'রেছিলেম তেমনই জান পেয়েছি । ভায়ী বলেন, সব
দেবতার চেয়ে মহিমাতে বড়, ঐশ্বর্যে বড়, রূপে, গুণে বিদ্যায় সর্বপ্রকারেই
বড় ! আমিও তাই জানতেম্ ।

সতী । যা জানতে বাবা, এখনও তাই । পিতৃব্য নারদ তোমায়
প্রবঞ্চনা করেন নি । একটু রাগ ত্যাগ কর, তা হ'লেই আগে যেমন দেখতে
এখনও তেমনই দেখবে । তোমার মত মহাজানী যা দেখেছিলেন, তাতেও
কি কখন ভুল হয় ?

গীত ।

কেন নিরদর আজি নিজ সন্তানে ?

চিনিত্তে নারিলে শিবে—অ-জ্ঞানে ।

হুত্যাশে প্রাণ কাঁপিছে সঘনে,
ঝর-ঝর, দর-দর বারি ঝরে নয়নে ।

ভাবি তব অমঙ্গল, শিহরি পরাগে,
কহিব বল কেমনে ?

কোথা ওহে বিশ্বনাথ, মঙ্গল আনয় !
শঙ্করী যাচে, তব পর্দে আশ্রয় ।

হের এ ছঃখিনীর পানে, ওহে কৃপাময় ।
তোমার বিহনে, কি কাজ জীবনে,
যুচাব নিজ হ'তে, এ ভব বন্ধনে ॥

দক্ষ । না বাছা—আগেকার দেখা ভুল, এখনকার দেখাই দেখা ! অনেক স্থলে অনেক লোক সঙ্কল্পের পূর্বে, কোণল ক'রে এইরূপ বর দেখানই দেখিয়ে থাকে । আমাকেই যখন ভুলিয়েছে, অল্প পরে কা কথা ! এ চাতুরীর বিন্দু বিসর্গ যদি তখন জানতে পাবতেন, তা হ'লে কি আমার সোণারচাঁদকে সেই রাহুর গ্রাসে ফেলে দি ! তা হ'লে কি সেই বানবের গলায় গজমতি গেঁথে দিই ।

সতী । বাবা ! তিনি যে মায়াময়—

দক্ষ । মায়াময়ই বটে—হায় ! কি অদ্ভুত মায়াবিজ্ঞার মোহিত ক'রলে—যে আমার সর্কজ্ঞ বুদ্ধিকেও একেবারে উড়িয়ে দিলে । তার রূপ দেখলেম্ যেন ভুবনমোহন—গুণ দেখলেম্ অনন্ত । স্বভাব চরিত্র যেন মহাপুরুষের স্যায় পবিত্র । বিজ্ঞা বুদ্ধিতে সে যেন দেবগুরু গুরু—এমনই বোধ হ'লো । লোহে যে কাকনের আকার ধ'বেছিল—তা কি তখন জানি ।

সতী । বাবা ! সে সব ইন্দ্রজাল নয়—যা যা ব'লে সব সত্য । এর একটুকু ভ্রম নাই । ষড়্ বিধম সঙ্কটে প'ড়ে আমার আজ লক্ষ্য ত্যাগ ক'রে তোমার সম্মুখে এসব কথা ব'লতে হ'চ্ছে । আমার ভাগ্যদোষে আজ কৈলাস

মাথের উপর আমার জনকের নিদাক্ষণ ক্রোধ হ'লে, পূর্বের অহুতাগ বুচে, ঘোর বিরাগ জন্মেছে। তা না হ'লে বা ভ্রম ব'লে জান হ'লে, তা সকলই জাজ্জল্যমান্ দেখতে পেতেন।

দক্ষ । হায় ! কি জাজ্জল্যমান্ দেখতেম ? জামাতার রূপ, গুণ, ঐশ্বর্য ? এর চেয়ে আর নূতন কি দেখতেম। তার ঐশ্বর্যই বা ছাই কি দেখবো ? শ্মশান বৈ তাব অস্ত রাজ্য কি জাপ্ত কেউ দেখাতে পারবে ? আবার রাজবেশ, রাজকুসাই বা কি দেখবো ?—অধিকুট তো মাথার মুকুট—বিষশাপা তো রাজ-ছত্র, বন-পর্বত তো রাজপুরী—কপালে আগুন আছে, সেই তো তার রাজতীকা। বাঘছাল পরিচ্ছদ—ভূঙ্গঙ্গ কটি-বন্ধ—শ্মশান তার রাজ্য—মড়া গুলো তার প্রজা, তাদের অস্থিই তার রাজ-ভূষণ—ভস্মলেপ তার চন্দন ! শুন্তে পাই—মাহাব ব্যবহাবও চমৎকা—দুতরা বীজ তার ভক্ষ্য—ভাং আর বিব তার পেয় ! ভোজন-পাত্রেব নাম ভদ্র সমাজেব অকথা। চণ্ডাল জাতিরও ত্যাজ্য—মড়ার মাথাব খুলি ! এও কি কেউ কখনও শুনেছ ? আবার আমোদ আহ্লাদের কথাই বা কি ব'লবো ?—মহিষের শিং বাজ—সঙ্গী পিশাচ—বাহক বলদ ! (নন্দীকে নির্দেশ করিয়া) মন্ত্রী তো ঐ ভূত। শ্রেষ্ঠ বৃত্তি—ভিক্ষা, গুণ তো ভ্রমঃ—গুরুলোকের মান-হরণ করাই কীর্তি। এমন পাষণ্ডেব কি একটাও হু আছে, যে তাই আবার ছাই দেখবো ?

প্রস্থ । ও মহারাজ ! তোমাব পায়ে ধরি—কমা কব। সতীর মুখ দেখেও কি একটু দয়া হয় না ?

দক্ষ । ও গো ! সতীর মুখ দেখেই তো দয়া ক'রে, ব'লছি। কি কুহকে ভুলে এমন ত্রৈলোক্য-সুন্দরী রাজকন্যা সেই বস্ত্র পশুকে দান ক'রেছি। তাব'লে আর জান থাকে না। একবার তোমরা স্বচক্ষে চেয়ে দেখ',—ওর অঙ্গপানে চেয়ে দেখ'—হায় ! সে শ্রীর্ছাদ, সে লাবণ্য, সে স্বর্ণ বর্ণ, সে জ্যোতিঃ কি আর আছে ? যে স্বভাবতঃ সখা হান্তমুখী, তার মুখে কি আর হাসি দেখতে পায়ে ?

প্রস্থ । শুধু তোমার জন্তে মার আবার হাসি গেছে মহারাজ ! শুধু তোমার সর্বদোষে মারের জন্তেই সব গেছে মহারাজ !

দক্ষ । "আমার জন্তে ? আমার বাটের জন্তে তোমার মার হাসি গেছে,"

মহিষি ? ভাল, তাই যেন হ'লো—তোমার মার যে এই বেশ ভূষা, এও কি আমার অস্ত্র ? এই বেশ ভূষা কি দক্ষ-কন্তার শোভা পায় ? মণি মুক্তা দূরে থাক্, ব্যাটার কি এক জোড়া শাঁখা দিবারও ক্ষমতা নাই ? সম্প্রদান কালে এত যে অমূল্য বস্ত্রালঙ্কার দিয়েছিলুম, ব্যাটা কি সে সব বেচে খেয়েছে ? বিবাহের সময় যে খাড়ুগাছটা দিয়েছিলে, তা ছাড়া অন্য আভরণ কি ওর গায়ে দেখতে পাচ্ছে ? এমন অভাজন যদি দূর সম্পর্কের কেউ হ'তো, তাও আমার সহ হ'তো না—এতো যার বাড়ী নাই—জামাতা । এই যে কন্তাটা দাঁড়িয়ে আছে, না জানা থাকলে এরে কি রাজকন্তা ব'লে কেউ বুঝতে পারে ? ওকে যারা কোলে পিঠে ক'রে মানুষ ক'রেছে, কেউ ব'লে দিও না—দেখ'দেখি তারা কেমন ওকে চিন্তে পারে ?

প্রস্থ । (সতীর হস্ত ধারণ করিয়া) ওমা !—মার কথা রাখ্, এখানে আর থাকিস্নে । আয় মা, ঘরে যাই—তোরে কিছু খাইয়ে মনের ব্যথা দূর করি গে !

সতী । (সরোদনে) না মা—আর নয় । আর ঘরে যাব না । তোমার ব'লে এসেছিলেম পিতার পাদপদ্ম দেখে এসে—তাঁরে বুঝিয়ে, কোপানল মিবিয়ে এসে, তোমার কোলে ব'সে খাব । তা হ'লোনা মা—হ'লো না । পিতার স্নেহ-সুখা খেতে এসে ঘৃণা-বিষ পেলেম—তাই খেয়েই আজ চ'লেম । জন্মের মত বিদায় হ'লেম । তোমার কাছে ব'সে ক্ষীর সর আর খাওয়া হ'লো না মা !

গীত ।

বিদায় হ'লেম মা ! মা এখন ।

ছুঃখানলে প্রাণ' জ্বলে, কত হব' মা !

আর স্বালাতন ।

তব ক্ষীর' শর, খাব' কি মা আর',

বিষমাখা বাক্যস্বর, করে মম হৃদি বিদারণ ।

শিব অপमानে, মায়া নাহি আর প্রাণে,
এই দেখা তব মনে, দেখা এ জনমের মতন ॥

প্রসূতী । সতিরে !—আর কেটে কেটে লুণ দিস্ না মা ! আমার বুক ফেটে যাচ্ছে ।

অধিনী । ও সর্ব কি কথা স্মৃতি ! তোর হুঃখু দেখে বাবা মনের কষ্টে ছুটো কথা কি ব'লতে পারেন না ।

সতী । হায় ! দিদি একি তাই ? বাবা যদি আমার হুঃখে যথার্থই হুঃখী হ'তেন, তবে কখনও এত ঘৃণা ক'রে, এত কালকূট মাথা কথা ব'লতেন না । বাবা বিচার ক'রলেন না—অবিচারে সর্বনাশ ঘটালেন । পিতা বা ব'লছেন তা কিছুই নয়—ওঁর জামাই যোগীশ্বর—শ্মশানে যোগ করেন, পরমাত্মার ধ্যান করেন—ঐশ্বর্য্যকে তুচ্ছ ভাবেন, ধন, মান চান না—পরম নিধি লাভেই ব্যস্ত । পিতা পরম জ্ঞানী হ'য়ে যে সে উচ্চ ভাব বুললেন না, একি সামান্য হুঃখ ! পিতা সকল শাস্ত্র জেনে—সতীর এক মাত্র গতি যে পতি,—কন্তার সাক্ষাতেই সেই পতির নিন্দা ক'রছেন । পিতা যতদূর কুৎসা ক'রছেন, তাঁর জামাতা সত্য সত্যই যদি তত দোষে দোষী, কি তার চেয়েও নিন্দিত হ'তেন, তবু কি তা আমার কাছে তাঁর বলা উচিত ?

প্রসূ । ওমা সতি । তুই যেমন আমাদের মেয়ে, শিব তেমনই আমাদের সম্ভাব । পুত্রের উপর রাগ ক'রে যেমন ব'লে থাকে, মহারাজ সেই সম্ভান বাৎসল্যেই ব'কছেন ।

সতী । ওমা ! এ বলা যে, সে বলা নয়—তা হ'লে কি কোন কথা কহিতেম্ ? এ বলা—স্নেহেরও নয়, রাগেরও নয়—এ যে ঘোর ঘৃণা । বাল্য কালে বাবার কাছে ব'সেই তো শুনেছিলুম—স্ত্রীলোকের পক্ষে আর সব ধ্যান—বিপত্তি ও লজ্জার বিষয়—কেবল পতি-ধ্যানই মঙ্গলের নিদান । মা, তুমিই তো ব'লতে—পতি রাজা বা ভিখারী, সুরূপ বা কুরূপ, সুস্থ বা পীড়াগ্রস্ত, যাই হ'ন—তাঁতেই তন্ময়—তাঁরেই সেবাভক্তি ভিন্ন নারীজাতির অন্ত গতি নাই, ইহলোকে তার সুখ নাই—পরলোকে তার যুক্তি নাই । হায় ! কোথায় আমরা ভুলে গেলে পিতা মনে ক'রে দেবেন—না—ভাগ্য দোষে জ্ঞানী

পিতাকে আমার আজ স্মরণ করিয়ে দিতে হচ্ছে । কোথায় পিতার কাছে এসে প্রণাম ক'রে দাঁড়াব—তিনি কৈলাসের ভাল মন্দর কথা জিজ্ঞাসা ক'রবেন—না—আমাকে লক্ষ্য ত্যাগ ক'রে এত জনের সাক্ষাতে বাচাল হ'তে হলো । এ যুগায় কি প্রাণ আর রাখতে ইচ্ছা করে ? হায় ! আমি কোথায় বাই ? ত্রিলোক যন্ত্র বাড়ীতে আলা পেলো বাপের বাড়ী জুড়তে আসে, অভাগিনীকে সে সুখেও বিধি বঞ্চিত ক'রলেন !

প্রস্থ । বালাই ! বঞ্চিত ক'রবেন কেন ? মহারাজ তোর কৈলাসের কষ্ট শুনেই মনের দুঃখে যা বলেন—

সত্যী । হা অদৃষ্ট ! কৈলাসে আবার আমার কষ্ট ! একটা ক্ষুদ্র প্রাণীও যে কৈলাসে শোক, তাপ বা কোন অশান্তি ভোগ করে না, সেট কৈলাসে আবার আমার কষ্ট ! আমার ধনেব সুখে কাজ কি মা ? আমার মনের সুখের সীমা নাই । এমন মনোরম স্থান জিভুবনে আর নাই । ইন্দ্রালয় বা বৈকুণ্ঠ তার কাছে কিছুই নয় । বাবার যুগায় পাত্রী হ'য়েই তোমার মেয়ে অভাগিনী হ'য়েছে । নৈলে তারে এমনই সুপাত্রে দিয়েছ' মা—যে তার কিছুই অভাব নেই । আমি সেই চরণ প্রসাদে দেবীর দেবী—ত্রিলোক-জননী মত গণ্যা গাঙ্গা হ'য়ে আছি । দাক্ষায়ণী হ'য়ে আমার যে মান ছিল—শিবানী নামে তাব চেয়ে লক্ষ গুণে জিভুবনে আমার মান বেড়েছে । হায় ! আমার কত সাধ ছিল—সব ঘুচে গেল । হা জন্মসখি জয়া বিজয়া ! হা বৎসগণ ! কোথায় রৈলি ? একবার দেখা আর হ'লো না । এমন সখী ভাব, এমন বাৎসল্য ভাব, এমন কি—আব এ জগতে কোথাও হয় ! হা অদৃষ্ট ! কৈলাসনাথের এক অপরমান ল'য়ে, কোন্ মুখে আর কৈলাসে ফিরে যাব ?

প্রস্থ । ওমা ! কিসেব অপরমান ? ঔর কথা শুনিসুনি, ঔর কথায় কিছু মনে করিসুনে । বালাই ! সব থাকবে—আরও বাড়বে ।

সত্যী । ওমা ! মনে ক'রবোনা ব'লেই তো এসেছিলেম । বজের কথা বেই শুনলেম—অনিমন্ত্রণ তুচ্ছ ক'বে এমনই পাগলিনী হ'রে ছুটে এলেম । মজ খেতে আসিসি মা, অমঙ্গল নিবারণের আশাতেই এসেছি । ভেবেছিলেম—সবকিছুর সাধ ক'রম, সেখে কেঁদে যাতে পারি—সব দিক রাখবো । হু—একটা

অপমানের কথা শুনে, তাও স'য়ে থাকবো। কিন্তু মা, এ তা নয়—নিন্দার শ্রোত, স্বণার তরঙ্গ, অপমানের সাগর! নিতান্তই কপাল পুড়েছে—আমার ভোগের শেষ হ'য়েছে। হায়! শিববাক্য কি অশ্রুধা হয়? মহাজ্ঞানী তখনই ব'লেছিলেন—“তোমার অবোধ পিতা বুক্‌বেন না,—তার নিদ্র হৃদয় কখনই সদয় হবে না। সত্যি তুমি যেয়োনা, অনলে পতঙ্গ হ'তে যেয়ো না।” হায়! সেই পতঙ্গই হ'লেম।

দক্ষ। কি সর্কনাশ! কি চক্ষুকার ইন্দ্রজাল! কি অদ্ভুত কুহক! ব্যাটার ন ভূত, ন ঔবিগ্য়—কি নূতন প্রকারের ভেলুকি! আমার সেই সত্যকে ব্যাটা এমনই ক'রে ভুলিয়েছে। নারদ ভায়া হে! সে ব্যাটা এমনই যখন তোমাকে আমাকে ভুলিয়েছে, তখন হৃদয়ের মেয়েকে যে আচ্ছন্ন ক'রে রাখবে, সে আর বড় কথা কি? হায়, আমি কি দুর্ভাগ্য! আমি এমন বেদেকে কণ্ঠাবত্ন অর্পণ ক'রেছি। ভূতের রাজা ভূতুড়ে ব্যাটার ভৌতিক মায়ায়, সত্যী আমার ঘোর অভিবৃত্তা হ'য়ে এই সব প্রলাপ ব'কছে। এ রোগের একমাত্র ঔষধ—জ্ঞান-চক্ষুদান!

নারদ। তাই তো! মা নিজে মহামায়া—তবু শিবের মায়ায় মুগ্ধা!

দক্ষ। তা না হ'লে ভাই! যে কণ্ঠা একান্ত পিতৃ-বৎসলা ছিল, সে এক বাব মাত্রও পিতার অপমান ভাবলে না। পিতার মুখে পতি-নিন্দা শুনে ঘোর অভিমানে মত্তা হ'য়ে উঠলো। যেমন তেমন নয়,—দক্ষ বাজার কণ্ঠা হ'য়ে ও যে কাঙ্গালিনী হ'লো—ও যে দিন দিন অন্নভাবে শীর্ণা, বহলা-ভাবে মলিনা, বনবাসিনী হ'য়েছে—তা দেখা দূবে যাক—ওকি না সেই পাষাণের পক্ষ-পাতিনী হ'য়ে, যত অমানুষিক পৈশাচিক কাণ্ডের প্রশংসা ক'রতে লাগলো? ওর যে সব ভগিনী এসেছে, তাদের অবস্থা আর আপনার অবস্থা দেখেও ওর জ্ঞান হ'লো না। কণ্ঠাকে পতিভক্তি শেখাতে হয়—তা কি আমি জানি না? তা ব'লে অপদেবতা পতিকে কি ক'রে ভক্তি ক'রতে বলি? এক ব্যবস্থা কি সর্কত্র খাটে?

মধা। শুনে মন্দ, কিন্তু বাবা যা ব'লছেন, তার একটা কথাও অন্মায় নয়। সত্যী আর আমরা যে এক বাপ মায়ের মেয়ে, ওরে দেখলে তা কে

ব'লতে পারে ? (দক্ষের প্রতি) বাবা ! ঔর গুণের কথা কি ব'লবো ? আমরা
কর বোনে আমাদের গা থেকে এক এক খানা গহনা খুলে, ওরে পরিষে দিতে
গেলুম—ও কি না ছুঁলে না ! তাতে ঔর অমর্যাদা হ'লো ! ঔর শিব দেবেন,
তবে উনি প'রবেন ! সে দেওয়া আর সূর্য্যদেবের পশ্চিমে ওঠা, এক দিনে
হবে ।

দক্ষ । আমি তা বিলক্ষণ জান্তে পেরেছি মা । সেই ভুতুড়ে ব্যাটার
তমঃ বৈ অন্য ধন কিছুই নাই । ভাল—নাহি নাই—নাহর, একটু নত'হ—
তাও নয় । এত মত্ততা ! যার যোগ্যতা নাই, তার আবার তেজ কেন ?
তেমন লোক তেজ ক'রলে পাগল বৈ আর কি বলে ?

মম্বা । শিব তো পাগলই বটে ! তা কি আর কারও জান্তে থাকি
আছে ?

দক্ষ । না মা—অন্য পাগল নয়, কেবল অহঙ্কারেই পাগল । যাদ সে
প্রকৃত উন্মাদ হ'তো, এর চেয়ে তা শুভ ব'লে মান্তুম্ । তারে যে কি ব'লবো
বিছুই ভেবে পাইনে—মানব বলি, কি যক্ষ বলি, কি দানব বলি, কি বাল, তবে
স্থির ক'রতে পাবিনা । চতুরাশ্রমের মধ্যে একটীতেও সে নয় । গৃহস্থ হ'লে
—শ্মশানে মশানে বেড়াত না । বানপ্রস্থ হ'লে—কৈলাসে একটা গৃহই বা
রাখ'বে কেন ? সন্ন্যাসী হ'লে—আমার এমন লক্ষ্মীকে সে লক্ষ্মীছাড়া কি
বিবাহ করে ? তারে ব্রহ্মচারীও বলা যায় না । এত অনাচার, এত কুম্ভ
ল'য়ে কোন্ ব্রহ্মচারী কিরে থাকে ? যদি বল' দেবতা—অনেকের সে ভ্রমও
আছে—তবে যখন সুধা বণ্টন হয়, তখন তেত্রিশ কোটীর মধ্যে যার একটুও
দেবত্ব গন্ধ ছিল, সেও সেই সুধাব ভাগ পেয়েছিল । তার ভাগ্যে সুধার
পরিবর্তে গরল-পানের ব্যবস্থাই বা হ'লো কেন ? হায় ! সেই বিষ খেয়ে,
তখন যদি ম'রে যায়, তবে আর কোন বালাই থাকে না । কিন্তু কি আশ্চর্য্য !
সুধার পরিবর্তে বিষ খেলে—তবু ব্যাটার মরণ নাই । সে বিধাতার কি এক
অস্তুত সৃষ্টি ! ফল কথা—সে দেবতাও নয়, দানবও নয়, মানবও নয়—কিছুই
নয় । তার আচার বিচার, ধন্যধর্ম, কর্মাকর্ম, খাড়াখাড়া—ভাল মন্দ কিছুই
নাই । তার বর্ণ নাই, জাতি নাই, কুলশীল নাই, আশ্রম নাই । যার আর

কিছুই না থাকে—সজ্জা, সূণা, মান, অপমান বোধটাও থাকে—এ ব্যাটারিটাও
 মাই। তা থাকলে কি অনিমন্ত্রণে এত অপমানের পর, যে আগলার মতামতকে
 আজ এ বেশে এখানে পাঠাতে পারে? এরূপ আসার চেয়ে সস্তী যদি বিধবা
 হ'য়ে আজ আমার বাড়ীতে আসতো, আমি তাও অতি স্নেহে মটনা ভেবে
 স্থখী হ'তাম। পিতা হ'য়ে এমন অস্বাভাবিক অসন্ত কামনা করা যে কি
 সঙ্গীতিক ব্যক্তনা, তা অন্তর্ধামী গুরুদেবই জানেন।

প্রসূতী। (উচ্চৈঃস্বরে রোদন) ও মহারাজ! কি ক'রলে! হা নির্দয়
 পাষণ! সর্বনাশ ক'রলে! সন্তান-হত্যা—কন্তা-হত্যা ক'রলে! একি!—সার
 চোখ্ যে জ্বালুল! ওমা, কি হবে? চোখের যে পলক পড়ে না। ওমা,
 একবার কথা ক'মা! কেন, এমন হলি? চোখে তোর জল নেই—তাতে যে
 আঁশের মত হয়। (সতীকে কোড়ে ধারণ) ওগো! তোমরা ধর না গো।
 সতীকে কোলে ক'রে আছি, কি একখানি পাষণময়ী মূর্তি ধ'রে আছি—তা
 যে বুঝতে পারছি নি। মা যে নিস্পন্দ—একেবারে স্থির—চোখের তারা
 ছুঁচী নড়ে না—হাত পাও খেলে না—সব যে অবশ। ওমা ছুঁখিনীর ধন।
 ওমা প্রসূতীর জীবন! চেয়ে দেখ্ মা—কথা ক'মা। তোর বিধুযুগ যে আর
 মলিন দেখতে পারিনে।

নন্দী। (দক্ষকে লক্ষ্য করিয়া) হর! হর! হর! শঙ্কর!

(ত্রিশূল উত্তোলন)

দক্ষ। (উচ্চৈঃস্বরে) ওরে! কে আছিস? শীঘ্র এদিকে আয়।
 শীঘ্র আয়।

নারদ। (দক্ষ ও নন্দীর মধ্যে প্রবেশ পূর্বক) নন্দি! সংহর, সংহর!
 মা এখনও জীবিতা আছেন।

প্রতিহারী-দ্বয়ের প্রবেশ।

প্রসূতী। (চীৎকার করে) ও সতি! সর্বনাশ হ'লো! তোর মা আজ
 বিধবা হয়। চেয়ে দেখ্ মা—নন্দী ত্রিশূল দিয়ে তোর পিতৃ হত্যা করে।

সতী । (হস্ত-চলনে নিবেদন করিয়া) বৎস ! কান্দ হও । উনি বাই
বলুন,—আমায় অঙ্গদাতা পিতা । আমার মৃত্যু পর্য্যন্ত অপেক্ষা কর । আমি
এ কর আর রাখবো না । জনক ব'লেই তোমায় নিবারণ ক'রেন, নচেৎ
চতুর্দশ ছুবে ক'রে লাখ্য, আমার শকরের অপমান ক'রে পার পার ? অঙ্গদাতা
—মহাশুক্র, ওঁরে তো কিছু ব'লতে পারি নে । কিন্তু এমন মোহাক্ষ জনক-দত্ত
যে দেহ—তাহা আর রাখবো না । এখনই আমার যোগীশ্বরের দীক্ষিত
যোগবলে, এ জীবন তাঁহার পাদপদ্মে অর্পণ ক'রবো । ষার নিকট এ দেহ
পেয়েছিলেম, তাঁর কাছেই এ পাপদেহ খানি রেখে যাব । নন্দীরে ! সে
পর্য্যন্ত নিরস্ত থাকো । সে ঘটনার পর আপনিও কিছু ক'রো না । কৈলাসে
গিয়ে কৈলাসনাথকে সংবাদ দিও । তিনি দর্পকারীর দর্প-হরণ জন্ত বা ' জাল
হয় ক'রবেন ! নন্দীরে ! জয়া বিজয়াকে ব'লো, তাদের মা আজ অশ্রুর মত
বিদায় হ'লো । শিব-দেবীর কন্যা কি তাদের মা হ'তে পারে ?

গীত ।

হায় ! কি সাথে বিয়াদ সতীর' এখন !

কি হ'লো, সব ফুরাল'. যেন নিশার (ও) স্বপন ।

কোথারে জয়া ! প্রাণের বিজয়া !

আজ ছাড়ি ভব-মায়া, জুড়াই সকল জালা,

ত্যাগি এ জীবন ।

কৈলাস শিখরে হাহাকার ক'রে, হ'রে অধোমুখী

কাঁদিবি তোরা সাথ, কাঁদিবে সেই দেব ত্রিলোচন ।

সতী । দুই মহাশুক্রতে বিসম্বাদ—তাঁরা পরস্পরকে ত্যাগ ক'রতে পারেন—
আমি কারে ত্যাগ করি ! এ রূপ হলে আমারই উচিত—আপনার পাপ
বেহকে ত্যাগ করা । লোকে মৃত্যু-শঙ্কায় কাতর হয়—আমার তা কিছুই নাই ।
আমি কর্তব্যকে বড় ব'লে জানি, সেই কর্তব্যের অহুরোধে প্রাণ-বাহু দেহ

ছেড়ে যেতে প্রস্তুত হ'য়েছে—কেবল আমার মোহে প্রাণ কেমন ক'রেছে—
কাল বিলম্ব হ'চ্ছে। আমার মা যে সতী বিহনে 'শোকানলে দগ্ধ হবে—
আমার শরীর যে অভাগিনী বিরহে কাতর হবেন—দশ দিক্ আধার দেখবেন
—কেবল সেই দুটি চিন্তাই, আমার মৃত্যু-বাস্তনার চেয়ে প্রবল হ'য়ে উঠ'ছে।
পিতার স্মৃতি-বিষে সর্বাঙ্গ জেবে ফেলেছে। পতিনিন্দার বজ্রাঘাতে হৃদয় দগ্ধ
হ'য়ে গেছে। (দক্ষরাজার প্রতি) দান্তিক মহারাজ! বিদায় দাও। তোমায়
পিতা ব'লতে, আর আমার রসনা চাহে না—তোমার সহিত সম্পর্ক রাখতে
আর বাসনা হয় না। এই তোমার সকল হুঃখ নিবারণ করি—সখবা বিধবা
কোনও অবস্থাতেই আর আমাকে তোমায় দেখতে হবে না। আর আমায়
কল্পা ব'লে ডাকতে হবে না। যে কল্পার জন্তু তোমার মান গেল, সম্পদ গেল,
স্বখ গেল—সেই অলক্ষণা কল্পার জন্তু, আব তোমায় জালা ভুগতে হবে না।
সেই অভদ্রা কল্পা জন্মের মত বিদায় হ'লো। কেবল এই ভিক্ষা দাও—
বালিকা তনয়া ভেবে, তার অপরাধ নিওনা। আর পার' যদি—আপনার
মঙ্গলের জন্তু এখনও সেই শিবময় সদাশিবের মান রেখো। নৈলে যে
মুখে শিব-নিন্দা ক'রেছ—সে মুখ আব এ মুখ থাকবে না।

(যোগাসনে উদ্ধনেত্রে) হা কৈলাসনাথ ! হা সতীনাথ ! তুমি কোথায় ?
এ সময়ে তোমার পাদপদ্ম একবার দেখতে পেলেম না ? হৃদপদ্মে উদয় হও—
যে মূর্তিতে ত্রিলোক সংহার কর, সেই মূর্তিতে এখন একবার উদয় হও—দর্শন
দাও, দর্শন দাও। অধিনা ঘোর পাপে পাপিনা হ'য়েছে। পতিবাক্য লঙ্ঘন
ক'রে অসতীকাজ ক'রেছি, সে পাপেব প্রায়শ্চিত্ত করি। পতি-নিন্দা কাণে
স্থান দিয়েছি, সে পাপেরও প্রায়শ্চিত্ত করি। শিবনিন্দায় প্রমত্ত যে পিতা,
তীরে আর পিতা ব'লতে না হয়, তারও উপায় করি। তোমার কাছে যে
প্রতিজ্ঞা ক'রে এসেছি, তাও রক্ষা করি। বিফল হ'লে কৈলাসে আর যাবো
না ব'লে এসেছি—তা কি প্রভু ভুলবো ? প্রাণত্যাগের এত প্রয়োজন—সেই
প্রয়োজন সাধনের সময় উপস্থিত। এ সময় নাথ ! নিদ্র হ'য়োনা, হৃদয় শুল্ল
ক'রো না। এ সময় বিশ্বস্তর রূপ না দেখতে পেয়ে, যেন মনস্তাপের উপর
আরও মনস্তাপ ভোগ ক'রে অপমৃত্যু ঘটে না। হা নাথ ! হা মৃত্যুঞ্জয় !

হৃদয়গানে ভর কর । মৃত্যুরাজ ! উদয় হও—মৃত্যুঞ্জয়ের জায়া তোমার ডাকছে ।
যদি সে নামে ভর থাকে, দেহ হ'তে আত্মাকে বিচ্ছিন্ন ক'রে দাও ।
বৎস পবন ! আসূবার সময় বিজয়াকে দিয়ে ব'লে পাঠিয়েছিলে, পথে আমার
সহায় হবে । তখন আমার প্রয়োজন ছিল না—এখন সহায় হও, বায়ু রোধ
কর—প্রাণ-বায়ুকে দেহাধার হ'তে অবকাশ দাও । হৃদাকাশ হ'তে নির্গত
হও—আত্মাকে বহন কর ।

প্রমুতী । (চীৎকার পূর্বক) ওরে সর্কনাশ হ'লো ! সকলে দেখছে
কি ? সর্কনাশ হ'লো—শীঘ্র ধব—ধব, সর্কনাশ ।

গীত ।

কান্দালিনী ক'রে মোরে, কোথা গো মা, গেলি চ'লে ?

দয়া কি হ'লোনা প্রাণে, দুঃখিনী জননী ব'লে ।

হেন যদি ছিল মনে, কেন এলি এ ভবনে ?

হেরি তোমা ধরাসনে, ভাসি যে মা নয়নজলে ।

আসি পাপ যজ্ঞস্থানে, পতিনিন্দা কাণে শুনে,

নিজ প্রাণ অভিমানে, ত্যাজিলে মা মায়াবলে ।

স্বপনে দেখিনু যাহা, সকলই ঘটিল তাহা—

সতী-দেহ তাই আহা ! লুটী'তেছে ধরাতলে ।

সতী । হা নাথ । হা শঙ্কর । হা শিব ! তুমি কোথায় ? এ সময় ত্রীপাদ-
পদ্ম একবার দেখতে পেলাম না ! এ সময় হৃদয় যেন শূন্য হয় না । হা নাথ !

(পতন ও মৃত্যু ।)



হরপার্বতী মিলন ।

কৈলাস পর্বত — উপত্যকা ভূমি ।

নারদ ও শান্তিরামের প্রবেশ ।

নারদ ! কি বলছিলে শান্তিরাম—কৈলাসে যেতে তোমার আর ইচ্ছা নাই ? সে কি হে ? যে কৈলাস-বাসের জন্ম দিন কতক আগার সঙ্গ পর্য্যন্ত ছেড়েছিলে সে কৈলাসে তোমার অরুচি ?

শান্তি । সাধে কি কৈলাসে অরুচি আগার ?
মা বিনে কৈলাসে কি আছে আর ?
বাপের সঙ্গে ঝগড়া ক'রে মা ছেড়েছেন প্রাণ,
সেই দিন থেকে শান্তি আর কৈলাসে না যান ।

নারদ । হরিবোল হরি ! তবেই তো তুমি সকল সংবাদই রাখ । মা যে আবার কৈলাসে এসেছেন, তা কি শান্তিরাম তুমি জান না ?

শান্তি । (করযোড়ে)
গুরুর বচন, জানে মোর মন, বেদের চেয়ে সঁাচা ।
তবে কেন ব'লছ এমন, ভার হ'লো যে আঁচা ।

নারদ । না শান্তিরাম, আমি মিছে ব'লছি না—সত্যই মা আবার এসেছেন ।

শান্তি । (নারদের দিকে দৃষ্টি পূর্ব্বক কর্ণে অঙ্গুলি দিয়া)
এই কাণে শুনেছি তাঁর বাপকে ব'লেন গেলে,
তোমার জন্ম-দেওয়া দেহ, রাখ'বো না আর ম'লে ।
এই চ'খে দেখেছি মাকে, শরীর ছেড়ে যেতে,
এই নয়ন ক'রেছে কত, রোদন দিনে রেতে,—

শান্তি । তবে ঠাকুর বিয়ের বেলা
দাসকে কেন ক'ল্লে হেলা ?

নারদ । হাঁ—সেটা আমার অপরাধ হ'য়েছে বটে। ভাব্লেম, অত গোলমালে তোমাকে না ল'য়ে গিয়ে, যা যখন কৈলাসেশ্বরী হ'য়ে ব'সবেন, সেই সময় একে বারে তোমায় নিয়ে গিয়ে দেখাব ।'

শান্তি । ছেগে না ঘুমির্কে আমি, সত্যি না স্বপন ?
সত্যি কি আর দেখ্তে পাব, সে রাজা চরণ ?

নারদ । হাঁ শান্তিরাম—সত্যই আবার সেই মার সেই রাজা চরণ দেখ্তে পাবে ।

শান্তি । (নাচিতে নাচিতে)

দেখ্ বি আবার সত্যি তবে, দেখ্ বি রে নয়ন,
দেখে জুড়াবি জীবন !

ত্রিতাপ-হরণ অভয় চরণ, পাবি দরশন,
আবার পাবি হারাধন ।

গুরু ব'লেছেন—“মিছে নয়” ; শোন্‌রে ভোলা মন !

আর হ'সনে উচাটন ।

বড় তাপে তেতেছিলি, জুড়াবি এখন !

(তাল ঠুকিয়া) আর ক'র্কে কি শমন ?

নারদ । স্থির হও শান্তিরাম ! আগে মার পাদপদ্ম দর্শনই হোক, তার পব আমোদ ক'রো ।

শান্তি । মা আবার জন্মেছেন যখন, ভয় কি তখন আর ?
গুরু-বলে, সে পা থাকে ছাড়ায় সাধ্য কার ?
ভাল ঠাকুর ! আগের মূর্তি গায়ের কি আর আছে ?

এজন্যে মার ভিন্ন আকার হ'য়ে থাকে পাছে।

তখন ছিলেন বামুনের মেয়ে—দক্ষরাজার ঝি !

পাহাড়ের মেয়ে হ'য়ে, শ্রীছাঁদ তেমনই আছে কি ?

নারদ । (সহাস্ত্রে) গেলেই দেখতে পাবে । এস—সেই রূপে সেই
পথ দে গিয়ে দর্শন করা যাক ।

(উভয়ের পরিক্রমণ)



কৈলাস পর্বত—মানুদেশ ।

বেদীতে শিব ও পার্বতী আসীন, নন্দী দূরে দণ্ডায়মান ।

বীণাসংযোগে গাহিতে গাহিতে নারদ ও

শান্তিরামের পরিক্রমণ ।

গীত ।

শঙ্কর শিব সঙ্কট-হারি ।

নিস্তার প্রভো জয় দেব দেব ।

সংসার সিন্ধু-সেতু, কে করে পার, তোমা বিনা আর ?

দীননাথ হে ! চরণারবিন্দ, যাচি তোমারি ।

সতী । (শিবের প্রতি) নারদ আর শান্তিরাম আসছে । আহা !
নারদের সঙ্গে শান্তিরামকে দেখে পূর্ব কথা সবই স্মরণ হ'চ্ছে । ভক্ত
শান্তিরাম আমার জন্ম যে অনেক দুঃখ পেয়েছে, তা আমি বেশ বুঝতে
পারছি ।

শিব । তোমার কোন্ ভক্তই বা না পেয়েছিল ? একা শান্তিরাম কেন ?
শান্তিরাম তো অমর নয় । সে বরং ভাবিতো, ম'লেই যন্ত্রণা যাবে ।
অমরবাসী ভক্তেরা পযাস্ত যন্ত্রণা ভোগ ক'রেছিল । তাদের পক্ষে সে প্রবোধ ও
ছিল না । তুমি যখন বুড়োর দশা না ভেবে নিদারুণ হ'য়ে দক্ষপুরে দেহ
রেখে চ'লে গেলে, তখন সেই দেহখানি আমার এক মাত্র অবলম্বন হ'য়েছিল ।
মহাযোগে ব'সে হৃদয়ে ঐ রূপ ধারণ ক'রেই কাল কাটাতে লাগলেম্ ।

নারদ ও শান্তিরামের সম্মুখে দণ্ডায়মান ।

(উভয়ে প্রণাম করণ)

নারদ । মা ! তোমার শাস্তিরামকে ল'য়ে এলাম । ও কিছুতেই বিশ্বাস করে না, যে তুমি আবার কৈলাসে এসেছ । (শাস্তিরামের প্রতি) কেমন শাস্তিরাম ! মার কি ভিন্ন মূর্তি কিছু দেখছো ? এখন কি বল ?

শাস্তি । তাই তো ঠাকুর ! কি আশ্চর্য্য, একি বিষম মায়া !
এক জন্ম মার ঘুচে গেছে, তবু তো সেই কায়া ।
সেই বেদীতে, সেই মূর্তিতে, ব'লে আছেন সেই ;
এ দেগে, কার সাধ্য, বলে—সে জন্ম মার নেই ।
ছি ছি শাস্তে, পেরে চিন্তে তবু ভ্রান্তে ভোব !
তবে কি এই দেহ থাকতে, যাবে না তোর ঘোর ?
জগৎ কাণ্ড এই ব্রহ্মাণ্ড যা'ব নায়াতে চলে,
তার মূর্তি কি ভিন্ন হয়, স্থানান্তরে জন্ম নিলে ?
আজ অব্ধি শাস্তে মড়া, কাণমলা এই খা—
আর যদি তা ভুলিস্, তবে যমের বাড়ী যা ।

সতী । শাস্তিরাম ! অনেক দিনের পর তোমার মুখ খানি দেখলেম
বাছা ! স্বচ্ছন্দে আছ তো ? এত দিন কোথায় ছিলে ?

শাস্তি । মাউড়ে ছেলে, কোন্ কালে মা, কেবা ভাল থাকে ?
আমি তবু ছিলাম ভাল, মা মা ব'লে ডেকে ।
মনটা যখন জলে জলে, উঠতো ছ-ছ ক'রে,—
জটাসিদ্ধি টেনে একবার, কাঁদতুম প'ড়ে প'ড়ে ।
চোখ বুজে মা যখন, তোরে ডাকতুম প্রাণটা ভোরে,
অমনই গিয়ে দেখা দিতিস্ এই বৃকের ভিতরে ।
ওমা ! এই বৃকের ভিতরে, ওমা ! দেখনা মনে ক'রে ।

(বন্ধে করাঘাত ও নৃত্য)

সতী । শাস্তিরাম ! তোমাকে আমার কিছু দিতে বাসনা হ'চ্ছে । তুমি
কি চাও—বল ।

শান্তি । আর কিছু মা, আর কিছু মা, আর কিছু মা চাইনে,
 তেমন ক'রে মোদের ছেড়ে, আর কোথাও মা বাসনে ।
 আর যেন কাঁদাসনে মা, আর যেন কাঁদাসনে ।

সতী । (সহাস্তে) না বাছা—আর ছেড়ে যাব না ।

শিব । না সতি ! কেবল কথায় নয়—আমি আর তোমার ও কথা শুন্তে
 চাই না । এবার একটা কোনা'রূপ জামিন চাহি ।

সতী । কি জামিন প্রভু ?

শিব । আমি বলি, আর দুই ভিন্ন দেহে রব না । অর্দ্ধাঙ্গি ভাবে এস—
 দুই দেহে এক হই ।

সতী । তোমার যে রূপ ইচ্ছা—তবে তাই হোক ।

শান্তি । (নাচিতে নাচিতে)

ঠিক ব'লেছেন, ঠিক ব'লেছেন, ঠিক ব'লেছেন বাবা ।

বাবার সঙ্গে গাঁথা থাকলে আর কোথা বা যাবে ?

সাগর জলে নদী মিলে তেমনই হ'য়ে রবে ।

ওমা ! তেমনই মিশে রবে ।

তখন আর কোথা মা যাবে ?

শিব ও সতীর দুই অঙ্গ এক হওয়া ।

অস্তুরীক্ষে পুষ্পবৃষ্টি ।

নারদের বীণাবাদন ও শান্তিরামের নৃত্য ।

মিলন গীত ।

কৈলাস ভূধরোপরি, হায় আজ একি হেরি ।

বিরাজিত হরগৌরী—কি যুগল মাধুরী ।

রক্ততে কনককাস্তি মিলিল আ-মরি !

আধ অঙ্গে বিভূতি, আধ চুয়া কস্তুরী !

একাদ্ধে ভূঙ্গঙ্গণ একাদ্ধে মণি কাঞ্চন,

আধ কটি বাঘাস্বর, আধ পট্ট বসন ।

আধতে জটাজুট, আধ শিরে কবরী !

সার্কি নয়নে অঞ্জন,

মরি কি আঁখি-রঞ্জন !

তুলু তুলু তুলিতেছে কিবা সার্কিলোচন !

কপালে ছ-আঁধ শশী, অনল কোলে করি ।



